

**ՊԱՏՄԱԿԱՆ ՏԵՂԵԿՈՒԹԻՒՆՆԵՐ
ՀԱՅԱՍՏԱՆԻ ՀՈՂԵՐԻ
ՈՌՈԳՄԱՆ ՄԱՍԻՆ**



Գ Ր Ե Ց

ՄԵՍՐՈՊ ՄԱԳԻՍՏՐՈՍ ԱՐՔԵՊԻՍԿՈՊՈՍ



ԵՐՈՒՍԱԿԷՄ

ՏՊԱՐԱՆ ՍՐԲՈՅ ՅԱԿՈԲԵԱՆՑ


1936

✓



ՊԱՏՄԱԿԱՆ ՏԵՂԵԿՈՒԹԻՒՆՆԵՐ
ՀԱՅԱՍՏԱՆԻ ՀՈՂԵՐԻ
ՈՌՈԳՄԱՆ ՄԱՍԻՆ

A
I
2540



Գ Ր Ե Յ

ՄԵՍՐՈՊ ՄԱԳԻՍՏՐՈՍ ԱՐՔԵՊԻՍԿՈՊՈՍ



ԵՐՈՒՍԱԳԷՄ
ՏՊԱՐԱՆ ՍՐԲՈՅ ՅԱԿՈԲԵԱՆՅ
1936

ՊԱՏՄԱԿԱՆ ՏԵՂԵԿՈՒԹԻՒՆՆԵՐ ՀԱՅԱՍՏԱՆԻ ՀՈՂԵՐԻ ՈՌՈԳՄԱՆ ՄԱՍԻՆ



Ա. Երկրի կլիման եւ վերջին իշխողների
վերաբերմունքը .

Խորհրդային Հայաստանի ներկայ տե-
րիտորիան իւր աշխարհագրական եւ կլի-
մայական դիրքի պատճառով արհեստական
ոռոգման անհրաժեշտ կարիքն ունի : Ծո-
վերից եւ ովկիանոսներից նա թէ հեռու է
ընկած եւ թէ նրանցից բարձրացող շոգիներ-
ի ճանապարհին գտնւող բարձր լեռնա-
շղթաները արգելք են հանդիսանում տա-
րւայ բոլոր եղանակներին , յատկապէս ա-
մառւայ խիստ շոգերի ժամանակ , երկրի
մակերեւոյթին կենդանութիւն տւող խո-
նաւութեանը՝ ցանկալի չափով ներս թա-
փանցելու : Ամառւայ սկիզբներին Ագուլի-
սում ականատես ենք եղել թէ ի՛նչպէս
նրա անմիջական մերձաւորութեան վրայ
բարձրացող լեռնաշղթան արեւելքից եկող
ամպերի առաջը բռնել են պարսպի պէս ,
թէ ի՛նչպէս այդ ամպերը հասնելով ամե-
նաբարձր գագաթներին , ծածկել են սրանց
միջի զիգղագածեւ տարածութիւնը հաւա-
սարապէս եւ ամբողջ բարձունքներին վիթ-
խարի պարսպների նմանութիւն տւել : Ահա

Թէ ինչով է բացատրւում Ղափանի խոշոր անտառների եւ փարթամ բուսականութեան ներկայութիւնը եւ Ագուլիսի ու նրա հարեւան երկրամասերի ամայութիւնը, մանաւանդ երբ արհեստական ոռոգում եւ գոյութիւն չունի: Կասպից Ծովից բարձրացող ամպերը միշտ չեն կարողանում մագլցել Ագուլիսի արեւելա-հիւսիսային բարձրութիւնները եւ անձրեւները թափւում են Ղափանի շրջանում:

Նոյն պատկերն է մեզ ներկայանում պատմական Հայաստանի արեւմուտքում: Սարըղամիշի ընդարձակ անտառները, Օլթիի փարթամ բուսականութիւնը, Ախալցխայի, Քուռի հովտի աննման կանաչութիւնը առատօրէն ոռոգւում են Սեւ Ծովի խոնաւութիւնից. մինչդեռ հիւսիսից հարաւ ընկնող բարձր լեռնաշղթաները պատնէշ են կանգնած նոյն խոնաւութեան առաջ ու Ղարսից ու Ղարաբաքայից սկսած դէպի Հայաստանի հողամասերը միանգամայն դուրկ են անտառներից եւ փարթամ արօտներն ու խոտաբոյսերը աճում են գրկխաւորապէս ձմեռայ չափազանց առատ ձիւների հետեւանքով: Ահա թէ ինչո՞ւ մեր երկրի կլիման կոնտինենտային — ցամաքային — է կոչւում:

Նման բնական արգելքներ գոյութիւն ունին նաեւ երկրի հիւսիսում եւ հարաւում:

Քանի որ բնական պայմաններով ծովերի գոլորշիների ընթացքին խանգարող

արգելքներ կան, մեր երկրի մեծագոյն
մասը զրկւած է որոշ չափով նաեւ այդ գո-
լորշիների մթնոլորտը մեղմացնող բարի-
քից: Ամառւայ շոգերը մեր երկրում, ոչ
միայն դաշտային մասերում և հովիտնե-
րում, այլ մինչև իսկ լեռների բարձրունք-
ներում, ցերեկը անտանելի են լինում, նոյն
համեմատութեամբ ձմեռւայ սառնամանիք-
ներն են մեր երկրի կենդանական և բուսա-
կան աշխարհին դաժան և անտանելի ծանր
հարուածներ հասցնում: Ահա թէ ինչո՛ւ
Հայաստանը երկրագնդի այն մասերիցն
է, որտեղ կուլտուրական եւ բնականոն
կենցաղ ստեղծելու համար, պահանջւում
է շատ աւելի մեծ էներգիա և նախաձեռ-
նութեան ոգի, քան աշխարհիս շատ և շատ
բախտաւոր երկրամասերում: Այդ նախա-
ձեռնութեան ոգին ամենից առաջ պիտի
արտայայտւի այն ուղղութեամբ, թէ ինչ
որ բնական եղանակով պատրաստի գոյու-
թիւն չունի անհրաժեշտ չափով, պիտի
ձեռք բերւի տոկուն աշխատանքի և խե-
լացի ու նպատակայարմար գործադրած
արուեստի միջոցով: Գիտակցող անհատը,
համայնքն ու պետութիւնը պարտաւոր են
ըմբռնելու տուեալ գրութիւնից բղխող մե-
ծագոյն կարիքը և իրենց էներգիան այդ
կարիքին ի սպաս դնելու:

Հայաստանում ապրող հայ մարդը և
նրանից առաջ նոյն երկրում ապրող ժո-
ղովուրդներից ոմանք ըմբռնել են այդ մեծ

կարևորութիւնը, թէ Հայաստանը առանց արհեստական ոռոգման կարող է առ առաւելն ու զլիսաւորապէս խաշնարածութեան վայր ծառայել, զուրկ նստակեաց կեանքի քաղաքակրթութիւնից: Հարիւր տարի ցարական Ռուսաստանը — հիւսիսային հզօր արծիւը — մեր երկրի տէրն ու իշխողն էր բառի ամենավատ մտքով, թէ կուշտութեան պետութեան հովերով. հարիւր տարւայ ընթացքում այդ «կուշտութեան» պետութիւնը մեր երկրում անցկացրեց միայն երկու ուղղութեամբ շոսեներ և մի երկաթուղու գիծ, այն ևս պատերազմական և հարեան երկիրներին տիրելու նպատակով: Իսկ ջրարաշխական որ և է ձեռնարկ, բայց այն որ պետականօրէն այդ չի կատարուել, շատ անգամ արգելւում էին նաև մասնաւոր ձեռնարկները: Երկար տարիներ անհետեւանք էին մնում էջմիածնի վանքի դիմումները Ջանգու գետից ջուր հանել Վաղարշապատի բերքատու տարածութիւնները ոռոգելու համար: Այդ իրաւունքը ձեռք բերւեց միայն 1912 թ. այն ևս անհատական ազգեցութեան շնորհիւ: Շուշեցի յայտնի բժիշկ Մովսէս բէկ Աթաբէկեանը ցանկանում էր Ստեփանակերտի մօտ իւր ջրաղացի ջուրը օգտագործել փոքրիկ հիդրօկայանի համար. տարիների դիմումներից յետոյ միայն իրաւունք ստացաւ, դարձեալ անհատական կապերի շնորհիւ. այլապէս երկար ժամանակ նրան

ժիրաւունք չէին տալիս: Աւելորդ է օրինակները կուտակել:

Յարական իշխանութիւնը բաւականապաւ անփոփոխ պահպանելով պարսից տիրապետութեան ժամանակեայ ջրային օքէնքները և ստիպելով տեղական ազգաբնակչութեանը, որ պահպանեն հին առունները տարեկան անհրաժեշտ նորոգութիւններով: Միակ փորձը կատարուեց մի քանի իշխանական եւ հարուստ ուսաների ձեռքով, որ Երասխ գետից ջուր հանեցին — Արազդայեանի առուն — նրա ամերին գտնւող ամայի հողերը ոռոգելու համար, բամբակամշակման նպատակով: Այն եւս կիսկատար թողնւեց եւ Սորհրդային կառավարութիւնը աւարտ հանեց:

Իսկ Դաւնակցական կառավարութիւնը, նրա շինարական գործունէութիւնը արտայայտեց նրանով, որ Բագուեցի խոշոր կապիտալիստ Մայիլեան եղբայրներին առատ կոնցեսիաներ տրւեց երկրի հանքային, անտառային և ճանապարհային հարըստութիւնների ու ձեռնարկների շահագործման համար: Նրանք Թիֆլիզի Սուլտանի թաղի իրենց գրասենեակում բազմած, հպարտութեամբ պարծենում էին, որ իրենց պորֆեյլը լի է դաշնակցական կառավարութիւնից ստացւած կոնցեսիաներով: Ոչ միայն այդքան: Էջմիածնի վանքը Զանգուի առուն շինել վերջացրել էր և ջուրը բերել հասցրել էր վանքի անտա-

որ: Սակայն կարճ ժամանակից յետոյ պարզւեց, որ առուի ճանապարհին այսպէս կոչւած հարսանիներ, ստորերկրեայ ճեղքւածներ կան որ կլանում են ջուրը: Իսկ որոշ տեղերում աւաղի բարձր շերտերը շարունակ փլչում են և խանգարում ջրի հոսանքին: Վանքր բերել տուեց մեծ քանակութեամբ ցեմենտ և շինանիւթեր, վտանգւած տեղերը վերաշինելու: Դաշնակցական կուսակցութիւնը, իւր զլխակորոյս ապստամբութեան օրերին, այդ բոլոր պատրաստի նիւթերը խլեց վանքից, վերանորոգելու Արաքսի Իգդիր տանող կամուրջը, որ իւր իսկ կարգադրութեամբ քանդւած էր: Վերանորոգութիւնը կատարւում էր, որ տաճիկ զօրքերը սահմանն անցնեն և միացած իրենց, ամբողջ տամբներին հետ, կռւեն նորահաստառ խորհրդային կառավարութեան դէմ:

Բ. Խորհրդային կառավարութեան ձեռնարկները.

Իսկ ի՞նչ ենք տեսնում խորհրդային կառավարութեան հաստատութիւնից յետոյ: Աւելորդ կլինի թել, թէ մեր երկրի բանւորա-գիւղացիական իշխանութիւնը, ժողովրդի կարիքներին և նրա մեծագոյն շահերին նախանձախնդիր, մէկուկէս տասնամեակի չնչին ժամանակամիջոցում ինչ հսկայական չափերով է առաջ տարել եր-

կրի կենդանացման գործը յատկապէս ուսողման միջոցներով: Առանձին հիացումով եմ մտաբերում այն օրերը, երբ նորահասատատ մատաղ կառավարութիւնը առաջի հերթին ձեռնարկեց Չանգուի առուի աւարտման գործին: Մեր երկիրը իրենից ներկայացնում էր աւերակներ ի կոյտ, սովալլուէկ և մերկ բնակիչներով: Չկար ապահովութիւն, ժողովուրդն ապրած լինելով դաշնակ կառավարութեան վայրագ ձեւերը, երբ արեւ թեքւելուց յետոյ վտանգաւոր էր նոյն իսկ վաղարշապատից Երեւան գնալը, ոչ թէ աւելի հեռու տեղեր հենց այդ օրերում Խորհրդային կառավարութիւնը ժողովրդի ծով կարիքներէ բաւարարման գործն էր առաջ տանում և թէ շինարարական ձեռնարկներին ձեռնամուխ լինում: Հենց այդ օրերին մեր մատաղ կառավարութիւնը սկսեց Էջմիածնի առուի շինարարութեանը: Առուի աշխատանքները չէին վերջացել, վրայ հասան մեր երկրի ցրտերը, որից սաստիկ նեղւում էին աշխատողները, թէ վերահսկողները. բայց սկսած գործը չկանգնեցրին և ծրագրուածը ժամանակին աւարտեցին:

Սակայն այդ սկիզբն էր խոշոր ծրագիրների և մի տեսակ կարկատան արդէն նախապէս կատարւած կիսկատար գործի: Ինչ խօսք որ Հայաստանի բոլոր գիտակ քաղաքացիներէ յիշողութեան մէջ տաւ կաւին թարմ է Շիրզրանցի մեծագոյն ձեռ-

Նարկը, որի չափով ձեռնարկ մեր հնա-
գոյն պատմութեան ամբողջ ընթացքում,
բայի Ուրարտացիներին, ոչ մի իշխող չի
կատարել, ոչ հին Հայերը, ոչ Պարսիկնե-
րը, ոչ Հռովմայեցիներն, Արաբները ևն. :
Շիրջրանցքի աշխատանքները վերջացել
էին և տեղի էր ունենում նրա բացման
մեծագոյն հանգէսը : Բաղմաթիւ հիւրերի
մէջ էր հռչակաւոր Թրիտեօֆ Նանսենը,
որ Ազգերի Լիգայի կողմից, մի յանձնա-
խումբի գլուխ անցած, եկեր էր Հայաս-
տան իբր թէ այդ Լիգայի կողմից մեր եր-
կրին օգնութիւն հասցնելու : Այդ լաւ մար-
դը, իր կամքից և ցանկութիւնից անկախ,
մեր երկրի համար ոչինչ անել չկարողա-
ցաւ, բայց իբրև յիշատակ իւր ճանապար-
հորգութեան գրեց մի գիրք — Արմենիա՝
խաբուած ժողովուրդ — անունով, գեր-
մաներէն, անգղիերէն և ֆրանսերէն լե-
զուներով հրատարակած, որի մէջ համա-
կրութեան մեծ և խրախուսանքի էջեր է
նշիրում Հայաստանի երիտասարդ կառա-
վարութեանը և Շիրջրանցքի գործը ար-
դարացի կերպով ներկայացնում է իբրև
կենդանի կոթող և հաստատուն գրաւական
երկիրը լաւագոյնս կառավարելու :

Գ. Ե՞րբ եւ ի՞նչպէս է սկսւել ուղղումը
մեր երկրում.

Ի՞նչոր ազգերի հնագոյն պատմութիւն.

նը սկսւում է առասպելներով: Առասպել-
ների և կրօնական պաշտամունքի կերպա-
րանքով են ժողովուրդների մէջ պահպան-
ւում հանրօգուտ ստեղծագործութիւնների
յիշատակները: Մեր երկրի մէջ ջրի ոռոգ-
մամբ երկիրը շէնացնելու աշխատանքնե-
րը ժողովրդի յիշողութեան մէջ սկսել են
անյիշատակ ժամանակներից և պահւել ժո-
ղովրդական հեքիաթների ձևով, վիշապ-
ների պաշտամունքով և աստուածաշնչեան
առասպելով: Մեր հեքիաթների մէջ սո-
վորական են ջրերը կլանող և ցամաքեցը-
նող հրէշների պաշտամութիւնները, որոնցից
ազատւում են մարդկային, յատկապէս
կոյս աղջիկների զոհաբերութեամբ(*): Ջրե-
րի պաշտաման կուլտը յայտնի դարձաւ,
երբ Պրոֆեսոր Մառը 'Իսաանիի գաւառում
գտաւ վիթխարի քարերի վրայ փորագը-
րւած վիշապներ, որ իրենց օձային կերպա-
րանքով, ոլորտներով հոսող առունների
ջրերն են յիշեցնում: Իսկ բիրլիայի առաս-
պելը աւելի բան է տալիս: Նախ այդ առաս-
պելով նորաստեղծ առաջի մարդն ու կինը
Հայաստանի բարձունքներից բղխող չորս
գետերի ակունքների սկզբում տնկած
պարսեզումն են բնակութիւն ստանում:
Մինչև օրս անկորուստ պահւած է Բարձր
Հայքում, Եփրատ գետի ակունքներում,

(*) Տե՛ս «Բլրուլ կուշ» Ազգ. Հանդէս, 1912.
XXIII 149-172:

Բարդուա անուանը, որ ըստ ամենայնի յիշեցնում է Աստուածաշնչի «սպարադիզը» :

Սակայն աւելի հետաքրքիր և նշանակաւորից է ջրհեղեղի աւանդութիւնը, որ պահւած է ոչ միայն Աստուածաշնչի մէջ, այլ շատ աւելի հին բաբելոնական գրականութեան մէջ, համարեա թէ բառացի և նոյնանման :

Բաբելոնիայի ազգային մեծ հերոսն էր Գիլգամեշը. Ն. Ք. 2768 թւականից սկսած թագաւորող Նարամ-Սինի ժամանակակից : Պեղումների շնորհիւ գտնւած են տղիւսների վրայ սեպած և գրութեամբ Գիլգամեշին նւիրւած պոէմիայի հատուածներ, որի մասն է կաղմում Ուսանապիշիսի պատմութիւնը, որ Բաբելոնիայի նոյն է : Ինչպէս նոյ, սա ևս նախապէս աստուածներից տեղեկանում է, որ տեղի է ունենալու ընդհանուր ջրհեղեղ եւ որից ազատելու համար տապան պիտի շինուի Խւրայիններով և ամեն տեսակ կենդանիներով մէջն պիտի ապաստան գտնի, մահւանից փրկւելու համար : Այդպէս էլ նա անում է, ինչպէս նոյը՝ և ջրերը պակասած ժամանակը իւր տապանով կայան է գտնում Տիգրիս և Փոքր-Ջաբ գետերի մէջտեղում գտնւող Նիտսիր լեռան վրայ : Ինչպէս նոյը՝ Արարատ լեռան վրայ : Նոյը տապանից գուրս գալով Արարատի փէշերին բնակութիւն է հաստատում և խաղողի առաջին այգին տնկում : Ահա թէ երբ է Հայաստանում սկսւել երկրի մշակութիւնը :

յատկապէս այգեգործութիւնը և նրա հետ
անհրաժեշտապէս կապուած ոռոգման աշ-
խատանքը :

1913 թ. գերմանական և զվիցարա-
կան մի արշաւախումբ, 40 հոգուց բաղ-
կացած, որին միացանք մենք, բարձրացաւ
Արարատը, մի մասը մինչև գագաթը : Ճա-
նապարհորդներն ի միւս մասը, այսպէս կո-
չւած Ալպեան կլուբի Ընկերութեան ան-
դամներ, իսկապէս գերմանական օֆիցեր-
ներ էին, որ մեծ պատերազմի նախօրեակին
եկել էին, Արարատ բարձրանալու պա-
տըրւակով, ռուս-տաճկական սահմաննե-
րը ուսումնասիրելու : Միայն թէ 40 հոգու
մէջ կային իսկական ալպինիստներ և Բեռ-
լինի բռնանիկական պարտէզի դիրեկտոր,
յայտնի մասնագէտ բուսաբան Կեօլերը :
Սա առ տեղեալն կատարած իւր ծանօ-
թութեան հիման վրայ մեզ այն կարծիքը
յայտնեց, թէ հաւանական Արարատի փէ-
շերը հնագոյն ժամանակներից ոռոգման
առուներ ունէին և լաւ մշակւած էին, ի
նկատի ունենալով այն հանգամանքը, որ
ցորեն բուսնում է այնպիսի բարձրութեան
վրայ, որ ուրիշ երկրամասերում, նոյն դո-
տիում, սովորական չէ և չի հանդիպում :

Ուրարտեան սեպածեւ արձանագրու-
թիւններից մէկը գտնւել է Արարատի փէ-
շերին, այժմ աւերակ Դաշբուռուն գիւղի
մօտ : Արձանագրութիւնը փորագրել է
տւել վանից հիւսիս արշաւող Մենուս

թագաւորը, այժմ Շամիրամ-սուրի անու-
նով յայտնի առուի հեղինակը: Հաւա-
նական է ենթադրել, որ նա իւր տիրապե-
տութեան նոյն վայրում ևս, ինչպէս իր
երկրում, ջրային աշխատանքներ է կա-
տարել, բայց բիրլիական և բաբելոնական
առասպելը շատ աւելի հին է քան Մե-
նուասի ժամանակը: Միայն մանրամասն
հետախուզութիւնները կարող են պարզել
գերմանական պրոֆեսորի ենթադրութիւ-
նը, Մենուասի հնարաւոր ձեռնարկը և ա-
ռասպելի կապը:

Դ. Ո՞րտեղից է սկիզբն առել մեր երկրի
հնագոյն կուլտուրան.

Տասն և ութերորդ դարից սկսած եւ-
րոպական ազգերը, ֆրանսացիք, Անգղիա-
ցիք, Գերմանացիք, վերջերս աւելի մեծ
չափով Ամերիկացիք, իրենց լաւագոյն
գիտնականների աշխատանքներով ուսում-
նասիրում են մարդկութեան քաղաքակըր-
թութեան ծագման և սկզբնաւորութեան
վայրերը, երկրի երեսին կանգուն, աւե-
րակ կամ կիսաւերակ դրութեամբ եղած
յիշատակարանները. կարդում և բացա-
տրում են ծանօթ և միանգամայն ան-
ծանօթ կամ մոռացւած գրերն ու արձա-
նագրութիւնները. սակայն դրանով եւս
չբաւականալով, հսկայական ծախք և աշ-
խատանք է կատարւել և կատարւում է

գետնի տակ երկար դարերի կուտակւած
հաստ հողաշերտերով ծածկւած և յաճախ
մեծ, առերևոյթ բնական, բլուրների կեր-
պարանքով, պահւած հին քաղաքների,
գերեզմանների, առանձին յիշատակարան-
ների և այլն աւերակներ՝ պեղումների մի-
ջոցով բաց անել և դրանց օգնութեամբ
մարդկութեան անցած կուլտուրայի մասին
հաստատուն փաստեր ձեռք բերել: Շնոր-
հիւ այդ պեղումների և այլ եղանակով ըս-
տացւած գրաւոր և նիւթական անհատ-
նում յիշատակարանների, բոլորովին մո-
ռացւած և կամ հաղիւ ծանօթ ժողովուրդ-
ների պատմութիւնը, գրականութիւնը,
կրօնը, օրէնքները, արհեստն ու գեղար-
տւեստը, գիւղատնտեսական, առողջապա-
հական, ընտանեկան և բազմաթիւ այլ ի-
րական փաստեր ներկայումս ամէն մի հե-
տաքրքրուող անհատի համար ուսումնասի-
րելու և ծանօթանալու առարկաներ են
դարձել:

Թէ ինչ առաջնակարգ նշանակութիւն
ունին նման աշխատանքները նաև մեր
երկրի նկատմամբ. յիշենք պրոֆեսոր ա-
կադեմիկոս Մառի վերին հսկողութեամբ
կատարւած պեղումները: Երբ վերջի պա-
տերազմի ժամանակ ուսաց զօրքը կարճ
ժամանակով տիրապետեց պատմական Վան
քաղաքին, Ակադեմիկոսը կազմակերպեց
հնագիտութեան հետախուզող մի յանձնա-
խումբ և Վանում պեղումներ կատարելու

դործը յանձնեց իր աշակերտ Օրբելուն :
 Սա բերդաքաղաքի ժայռի մի պատուածք ,
 որ հողակոյտով թաղւած էր , սկսեց պեղել
 և գտաւ գլուխը կոտրած ուրարտեան մի
 կոթող (stele) մեծ քառակուսի պատուան-
 դանի մէջ ամրացրած : Կոթողը և պատ-
 ուանդանը ծածկւած էին սեպտաձև ընդար-
 ձակ արձանագրութեամբ : Վանի մինչ այդ
 յայտնի մեծ արձանագրութիւնն է Խորխորի
 կամ Մեհերի դրան բնական ժայռի վրայ
 գրածը . Օրբելու գտածն ունի 263 տող .
 Խորխորինը 398 : Նորագիւտ արձանագրու-
 թեամբ Ուրարտեան պատմութեան ամենա-
 հետաքրքիր հատւածն է փորագրւած . երբ
 այդ պետութիւնը Ասորեստանի դէմ յաջող
 պատերազմներով ընդարձակել էր իւր իշ-
 խանութեան սահմանները և աշխարհակա-
 լական մեծ պետութեան դրութեան հասել :

Յոյն պատմահայր Հերոդոտի պատ-
 մութիւնից արդէն ծանօթ էին հնագոյն
 աղգերի , Եգիպտացիների , Ասորա-Բաբել-
 լոնիայի , Պարսիկների , Սկիւթացիների
 պատմական անցեալից բաւական ամփոփ
 տեղեկութիւններ , իսկ այնուհետև մինչև
 ներկան արդէն գոյութիւն ունին շատ հա-
 րուստ և անընդհատ պատմական գրւածք-
 ներ : Սակայն նորագոյն վերոյիշեալ ու-
 սումնասիրութիւնները եկել են ճշգելու ,
 լրացնելու և հարստացնելու մարդկութեան
 քաղաքակրթութեան անցեալի պատկերը :
 Այժմ մենք գիտենք , թէ եւրոպական կո-

չւած քաղաքակրթութիւնը ինչ հանգրւան-
ներ է ունեցել և ինչ եղանակաւ է կա-
տարելագործւել: Այդ ուսումնասիրութիւն-
ները պարզել են որ համարեա թէ միա-
ժամանակ, Քրիստոսից մօտ 4000 տարի
առաջ, Նեղոսի և Տիգրիս ու Եփրատ գե-
տերի հովիտներումն է ծագում առել մեր
քաղաքակրթութեան արշալոյսը:

Եզրիպտացիները հիւսիսային Աֆրիկա-
յում և Սումերացիք ու Ակկադներ կոչւած
ժողովուրդները Փոքր-Ասիայի արևելքում
խոշոր գետերի բուսցրած ճոխ բուսակա-
նութիւնից օգտւելով, թողնելով որսորդա-
կան եւ խաշնարածական աստանդական
կենցաղը, նստակեաց են դառնում, սովո-
րում երկիրը մշակել և երկրագործական
արտադրութեամբ իրենց կեանքն ապա-
հովել: Բնութիւնն ինքն է նախնական
մարդուն քաղաքակրթութեան առաջին
քայլերն անելու ճանապարհը ցոյց տալիս:
Ամէն տարի, աշնան արևադարձին, Նե-
ղոս գետի հարաւում բարձր լեռների և
լճերի շրջանում, տեղատարափ անձրևնե-
րի հետևանքով, մեծ քանակութեամբ ջրեր
են գոյանում և երկրագնդի ամենաերկար
Նեղոս գետի հունով թափւում են Միջեր-
կրական Ծովը, հեղեղի տակ առնելով մի
բարակ երկար շերտի ձգւած դաշտեր, գե-
տերի երկու կողմում: Դադարում են ան-
ձրևները, նւազած ջրերը նորից տեղաւո-
րւում են գետի բնական հունի մէջ. իսկ

խոնաւութեամբ և մանաւանդ ջրային տիղմով ծածկւած դաշտերը, տրոպիկ արևի տաք ճառագայթների ազդեցութեամբ, ծածկւում են փարթամ բուսականութեամբ: Նոյն երևոյթը տեղի է ունենում Եփրատ և Տիգրիս գետերի ընդարձակ հովտում, երբ գարնան արևադարձին սկսում են հալչել պատմական Հայաստանի բարձունքների հաստ ձեան շերտերը, որտեղից սկիզբն են առնում այդ գետերը և լւանալով այդ մասերի պարարտ սևահողը, տանում ծածկում և հարստացնում են Միջագետքի ընդարձակ դաշտերը և արագահաս և ճոխ բուսականութեան յարմարութիւն ստեղծում:

Այդ երկու երկրամասերում բնակութիւն հաստատած ժողովուրդները, որոշ չափով միմեանցից անկախ, հիմք են դնում մարդկութեան քաղաքակրթութեանը, ստեղծելով պետական կազմ, ժողովուրդների համակեցութեան օրէնքներ, արուեստներ և գեղարուեստ, մանաւանդ ճարտարապետութիւն և քանդակագործութիւն. ստեղծում են կրօնական բազմապիսի ըմբռնումներ, և մեծապէս զարգացնում գիւղատնտեսութիւնը, ոռոգման բաւական բարդ սիստեմով: Իսկ ամենից գլխաւորը՝ գրերի գիւտն են անում և սովորում բնութեան մէջ եղող հանքերը մշակել և օգտակար դարձնել:

Դարեր տեղ, դանդաղ բայց հաստա-

տունն առաջ ընթացող քաղաքակրթութիւնը, յիշեալ երկու վայրերում չի պարփակուում, որովհետեւ մի կողմից մթերքների փոխանակութեան անհրաժեշտութիւնը սկիզբն է դնում հարեւան ժողովուրդների հետ վաճառականական կապեր ստեղծելու, միւս կողմից ուրիշի աշխատանքին տիրանալու կամ ուրիշներին իրեն բռնութեամբ ծառայեցնելու ցանկութիւնը, փոխադարձ յարձակումների և պատերազմի աղբիւր ծառայելով, ժողովրդներին շփման մէջ են դնում և միմեանցից սովորում են ինչ որ անյայտ էր:

Այդ եղանակով նոր ժողովուրդներ քաղաքակրթութեան մասնակից դառնալով, իբրեւ աւելի թարմ և խիզախ դանդաճներ, տիրանում են հների ուսմանը և պատերազմներում նրանց յաղթելով, տիրանում նրանց երկիրներին և նոր աշխարհակալ պետութիւն կազմում:

Մօտ 1500 թուականին Եփրատ գետի ավին հիմնւած Բաբելոնիա մայրաքաղաքին տիրանում է Ասորեստանի ժողովուրդը, որի նինուէ մայրաքաղաքը գտնւում էր նոյն Միջագետքի աւելի հիւսիսային մասում, կառուցւած Տիգրիս գետի ավին: Մօտ հազար տարի է տեւում այդ աշխարհակալ նոր պետութիւնը, ախոյեան ունենալով իրենցից աւելի հիւսիս-արեւմուտք գտնւած ժողովուրդներին, նաեւ Ուրարտացիներին:

Եզրիպտական քաղաքակրթութիւնը ևս պարփակւած չմնաց Նեղոսի ափերում. վաճառականութիւնն ու տիրապետութեան արշաւանքները նրանց ուղղեցին դէպի տսիական երկիրները. Պաղեստինի վրայով դէպի Սիրիա և դէպի Փոքր-Ասիա, և հետագայում նոյն Փոքր-Ասիան հանդէս բերաւ Եզրիպտոսին տիրող Հիւքսոս ժողովրդեանը և Եզրիպտոսի ամենամեծ ախոյեան Հետիտական ժողովրդին, մօտաւորապէս նոյն ժամանակներում, երբ Ասորեստանցիք սկսեցին իրենց տիրապետական արշաւանքներն ընդդէմ Բաբելոնիայի:

Հետիտներն ու Ուրարտացիք, որ իրենք իրենց Սալդեր են կոչում, հին պատմական գրականութեան մէջ հազիւ են յիշատակւած, առանց կարեւոր մանրամասնութիւնների, մինչդեռ երկուսն էլ ընդհանուր պատմութեան և մասնաւորապէս մեր երկրի անցեալի համար առաջնակարգ նշանակութիւն ունին: Նրանց թողած յիշատակարանները եւրոպական ուսումնասիրութեամբ յայտնաբերուեցին. նրանց մեղ ժառանգութիւն թողած հիերոգլիֆանման և սեպածե արձանագրութիւններն ու գրւածքները նորագոյն հետախուզումների շնորհիւ են մատչելի դարձել և այդ երկու մեծ պատմական ժողովուրդների անցեալը մեր առաջ պարզել: Եւ որովհետեւ երկու ժողովուրդներն էլ հնում մրցակից են եղել Եզրիպտացիներին և Ասորեստան-

ցիւներին՝ սրանց յիշատակարաններում և սբաւական հարուստ տեղեկութիւններ կան որ դալիս են լրացնելու տեղական հարուստ աղբիւրների թերիւները :

Հետիտական իշխանութիւնը աւելի հին է ուրարտականից . նրանց բնակավայրն էր Փոքր-Սսիան՝ Հայաստանի տրեւմուտքում Հալիս գետի և նրա մերձակայ երկրամասերում . գլխաւոր մայրաքաղաքն էր Հասսի, ներկայումս Բուլազֆեօյ, որտեղ պեղումների միջոցաւ ի յայտ են բերւած նրանց ստեղծագործութեան կարեւոր մնացորդները, անշուշտ եգիպտականից ազդւած . նրանք ստեղծել են իրենց գրերը և որ ընդհանուր քաղաքակրթութեան համար ամէնաէականն է, նրանց է վերագրւում երկաթի մշակութիւնը՝ մի քանի գիտնականների կարծիքով :

Ը. դարում Ասորեստանցիւների թրծած աղիւսների պատմական արձանագրութեամբ, սեպածե գրերով անձանագրւած է որ 1115—1110 թ. թագաւորում էր Թեգլաթ Պալասար առաջինը : Սա էր որ արշաւելով դէպի հիւսիս, մտնում է Հայաստան . «Մի երկիր որ խիտ անտառներով էր ծածկւած» և «որտեղ իրենից առաջ ոչ մի թագաւոր չէր մտել» : Կործանում է Կուրհիէ և Հարիա երկիրները, տեղական աստուածներին գերի վերցնում, նաև բռնակիւններին, յափշտակում նրանց ստացուածքը, իսկ գիւղերը հրդեհում, ապա

մտնում է նալիրի երկիրը, կուլի մտնում
 23 փոքր թագաւորների հետ, ջարդում
 բոլորին և հալածում մինչև վան քաղաքը
 և ապա ստիպում իրեն հարկատու դառ-
 նալ: Իսկ նախաքրիստոսեան ութերորդ
 դարից նոյն Ասորեստանցիներին մօտ ա-
 ռաջին անգամ յիշւում են Ուրարտացիներ:

Յիշեալ դարից սկսած երկու ժողովուրդ-
 ները, Ասորեստանցիք և Ուրարտացիք,
 փոխադարձ յաջողութիւններով, միմեանց
 դէմ շարունակում են պատերազմները,
 մինչև նախաքրիստոնէական վեցերորդ
 դարը, երբ արեւմուտքից Ուրարտացիների
 երկիրը ներս են խուժում և վերջնակա-
 նապէս հաստատւում Արմէններ-Հայերը,
 և մեր երկրին տալիս են իրենց անունը:
 Ապա պատմական ասպարէզ է մտնում
 պարսկական նոր թարմ և պատերազմա-
 սէր ժողովուրդը և տիրապետում Բաբե-
 լոնիային, Ասորեստանին, Ուրարտացիներ-
 ի ու Հետիտների երկիրներին, մինչև
 Նդիպտոս, մինչև Հնդկաստան, մի խօս-
 քով ժամանակւայ ծանօթ քաղաքակիրթ
 բոլոր երկիրներին:

Պարսիկ Դարեհ Աքիմենեան թագա-
 ւորի Բեհիստունի բնական բարձր ժայռի
 վրայ փորագրւած սեպածե արձանագրու-
 թեան մէջ առաջին անգամ պատահում ենք
 Արմենիա անւանը: Ասել է վեցերորդ դա-
 րից, նախաքրիստոնէական, Հետիտների
 և սրանցից ուշ եկող Ուրարտացիների տի-

րապետութիւններին տէր էին դարձել Արմէնները, նոր ժողովուրդ, և ոչ պարսիկ թագաւորը և ոչ էլ նրանից յետոյ հինգերորդ դարու յոյն պատմագիր Հերոդոտը, նախկին տիրողներին չեն ճանաչում, այլ Արմէններին:

Պարսկական տիրապետութիւնը մերերկրում, երկար կամ կարճ ընդհատումներով, հայկական, մակեդոնական, հռովմէական, յունական, արաբական, սելճուկ եւ թաթար ցեղերի իշխանութիւններով, շարունակւել է մինչեւ 1820-1828 թիւրմինչեւ ցարական Ռուսաստանի տիրապետութիւնը պատմական Հայաստանի մի մասի վրայ մինչեւ այժմ: Հետեւապէս մերերկրի քաղաքակրթութեան, յատկապէս երկրի մշակութեան ամենամնայուն հետքերը պարսիկ տիրապետողները թողած պիտի լինին:

Հայաստանի Պարսիկներից տիրապետութեան ամենահին հաւաստիագիրը եւ տիրապետողի հպարտութեան արձանն է Բեհիստունի Դարեհ թագաւորի յիշեալ արձանագրութիւնը: Նա փորագրւած է Գիրմանշահ քաղաքին մօտ, հին Մարերի՝ այժմ Քրդստանի երկրամասում, Եկրատանա, այժմ Համադան քաղաքից դէպի արեւմուտք տանող ճանապարհի վրայ: Արձանագրութիւնը փորագրւած է բնակութիւնից հեռու վայրում, առերեւոյթ հնում էլ այդպէս է եղել, միայն թէ ժայռի անմի-

ջական ստորոտում բղխում է Պարսկաս-
տանում ոչ սովորական մի հսկայական աղ-
բիւր, որի ներքեում ճահիճներ են: Հա-
մադանից դէպի արեւմուտք, դէպի Քիր-
մանշահ, և այնտեղից դէպի Բաղդատ գը-
նացող ճանապարհորդը այդ ժայռի տակով
պիտի անցնի, այդ անուշահամ ջրի ափին
կանգ առնի, իրեն և գրաստին հանգըս-
տութիւն տալու և զովացնելու և զլուսը
վերև բարձրացնելով, պիտի տեսնի հպարտ
տիրապետողի բարձրաքանդակ արձանը:
Դարեհի գլխի վերև թեատարած Ահուրա-
մազդան է փորագրւած, նրան յաղթու-
թիւն տւող աստուածը. իսկ առջեւում
շարւած են, վիզերնին շղթայ, Դարեհի
ձեռքով յաղթահարւած բոլոր թագաւոր-
ները: Շղթայւածներին մէջ է նաև Արմե-
նիայի թագաւորը, որը, ինչպէս արձանա-
գրութիւնն է պատմում, երեք անգամ
պարսիկ զօրապետներից յաղթւելով, երեք
անգամ ապստամբութեան դրօշակ բարձրա-
ցրեց, դժւարութեամբ ենթարկւելով օտա-
րի լծին:

Յաղթութեան պատմութիւնը հաղոր-
դող սեպածեւ ընդարձակ արձանագրու-
թիւնը գրւած է երեք լեզուներով. պարս-
կերէն կամ հին պեհլուի, բաբելական և
եւրամական լեզուներով:

Թէ թուածս տիրապետողները երկալ
դարերի ընթացքում մեր երկրի հողամշակ-
ման, յատկապէս ջրերի օգտագործման

համար, բացի Ուրարտացիներից և հայկա-
կան փոքր իշխանութիւններից, այն եւս
քրիստոնէական միջին դարերից սկսած,
ինչ են կատարել, միւսների արածների
մասին տեղեկութիւն չունինք: Հաւանա-
բար պատմական մանրամասն ուսումնա-
սիրութիւնները որոշ փաստեր ի յայտ բե-
րեն: Միակ մեղ ծանօթ տեղեկութիւնն
այն է, որ Երեւանի Դաւմայի առուի հա-
նումը աւանդաբար վերագրւում է ուսա-
կան տիրապետութիւնից առաջ այդ քա-
ղաքը եւ երկիրը կառավարող պարսիկ
սարդարին. սակայն ի նկատի ունենալով
Երեւան քաղաքի հնութիւնը և որ այնտեղ
միշտ մշակւել է խաղողի որթը եւ այգի-
ներ գոյութիւն են ունեցել, հաւանական
ենք համարում ընդունել որ սարդարն ա-
ւելի շուտ նորոգել է հին, ուրարտեան
թագաւորների հանած առուն, որ ժամա-
նակաւորապէս խանգարւել էր: Ուրարտա-
ցիները Երեւանի Ղանլի թափայի մօտ, էյ-
լարում բերդեր էին շինել և աւելի հիւսիս
իրենց տիրապետութեան տակ ունէին,
և ինչպէս կը տեսնենք, առունների հան-
ման առաջնակարգ տեղ էին տալիս:

Ե. Ուրարտացիների կամ Խալդերի ձեռ-
նարկներ.

Վանայ Ծովի հիւսիսային ափին բար-
ձրանում է մի հսկայական ժայռ, բնու-

թիւնից կարգւած հին ժամանակների հա-
 մար, թեթեւ պարիսպների յաւելմամբ, ան-
 յաղթելի և անմերձենալի բերդի տեղ ծա-
 ռայելու: Իբրեւ բերդ եւ Ուրարտեան եր-
 բեմնի հզօր եւ աշխարհակալ պետութեան
 մայրաքաղաք, ինչպէս տեսանք, գոյու-
 թիւն է ունեցել նախաքրիստոնէական ու-
 թերորդ դարից, իսկ իբրեւ բերդ պահպա-
 նել էր իւր նշանակութիւնը մինչև վերջի
 մեծ պատերազմը, տաճիկ կառավարու-
 թեան համար: Նրա դիրքի գեղեցկութիւ-
 նը, կլիմայի առողջարար մեղմութիւնը,
 շրջապատ երկրի մշակութեան յարմարու-
 թիւնն ու պտղաբերութիւնը, արհեստա-
 կան միջոցներով մեծ տարածութիւններ
 ուղղման հնարաւորութիւնը, Ուրարտա-
 ցիներին, գուցէ նրանցից առաջ ապ-
 ըող մարդկանց միտք է տւել այդ տեղը իշ-
 խանութեան գլխաւոր կենտրոն դարձնե-
 լու: Նրա հին ուրարտա-խալդիական ա-
 նունն է Տուշպա, որ յետոյ Վան-Տոսպ հայ-
 կական ձեռակերպումն է ընդունել: Այդտեղ
 հաստատուած փոքր իշխանութիւնը, Ասոր-
 րեստանի գլխաւոր մրցակիցը հանդիսանա-
 լով, նախաքրիստոսեան ութերորդ դա-
 րում, ինչպէս ակնյայտնի պարզում է
 Օրբելու ի յայտ բերւած և Մառի կարգա-
 ցած ու թարգմանւած արձանագրութեամբ,
 տիրանում է Ասորեստանի աշխարհակա-
 լական դիրքին և նրա տիրապետութեան
 տակ գտնւած երկիրներին մինչև Միջեր-

կրական Մոսկւ, իւր իշխանութեան տակ
առնում:

Վանի բնական ժայռերի վրայ քաղա-
քին տիրող Ուրարտացիները սեպածե ար-
ձանագրութիւններով արձանացրել են ան-
ջնջելի կերպով իրենց շինարարութեան և
յաղթութիւնների յիշատակը: 1829 թ.
Փրանսիական Ասիական Ընկերութեան
յանձնարարութեամբ գերմանացի Շուլց
գիտնականն ուղարկւեց այդ երկիրը հնա-
գիտական հետախուզութիւնների ենթար-
կելու և առաջինն եղաւ, որ բնական ժայ-
ռերի, ինչպէս նաեւ յատուկ պատրաստած
զանազան քարերի վրայ արձանացած սե-
պածե գրութիւնները ժողովեց հրատարա-
կելու համար: Յետագայում եւրոպացի,
նաեւ ռուս և հայ գիտնականների ջանքե-
րով աւելի թւով նորանոր արձանագրու-
թիւններ ի յայտ բերւեցին որ բաւական
լրիւ կերպով կարգացւել են: Մի կարեւոր
հանգամանք պարզւում է, որ Ուրարտեան
աշխարհակալ թագաւորները, նոր տիրա-
պետած երկիրներում քաղաքներ, բեր-
դեր, մեհեաններ էին կառուցանում, ո-
րոշ տեղերում ջրանցքներ անցնում և այդ-
պիսի տեղերում իրենց կատարածների յի-
շատակը սեպածե արձանագրութեամբ յա-
ւերժացնում: Այդ արձանագրութեան մէջ
նոքա իրենց Սալդեր են անւանում, երկրի
գլխաւոր Սալդի աստուծոյ անունով:

Հետեւելով և առաջնորդւելով այդպի-

սի արձանագրութիւններով բաւական ման-
րամասնութեամբ վերականգնել է այդ շի-
նարար ժողովրդի և նրան առաջնորդող ժա-
դաւորներին պատմութիւնը: Համառօտ կանգ-
առնելով միայն նրանց դէպի Հայաստան
կատարւած տիրապետական արշաւանք-
ներին վրայ, տեղեկանում ենք հետեւեալը:

Ութերորդ նախաքրիստոսեան դարէ
սկզբում Մենուաս ժադաւորը Վանից ար-
շաւում է դէպի Արաքսի հովիտը և հաս-
նելով Արարատի ստորոտներին գետի աջ
ափին Դաշբուռուն գիւղի մօտ, նոր քա-
ղաք է հիմնում Luhiunini-Լուիսիունինի ա-
նունով՝ վերափոխելով Menuahiuli: Նրա
որդի Արգիշտիս շարունակում է հօր սկսա-
ծը, գետն անցնում և սրտ ձախ ափին,
մի բլրի վրայ արդէն գոյութիւն ունեցող
հին ամրոցը վերաշինում է, մեհեաններով և
այլ շէնքերով դարգարում և իր անունով
վերակոչում Արգիշտիսիսինի — Արգիշտի-
քաղաք: Արգիշտի և նրա անմիջական ժա-
ռանգների համար, Վանից յետոյ, այդ քա-
ղաքը երկրորդ մայրաքաղաք է դառնում
Արարատեան դաշտի և նրանից դէպի հիւ-
սիս-արեւելք և հիւսիս-արեւմտք ընկած
նոր տիրապետած երկրների համար: Այդ
քաղաքի տեղն է այժմ անբնակ Արմաւիրի
բլուրը, որտեղ պատահաբար և ոչ յատուկ
հետախուզութեամբ կամ պեղումներով
բաւական թւով սեպածեւ արձանագրու-
թիւններ են գտնւել:

Ուրարտացիները շարունակելով իրենց արշաւանքը բարձրացել են Արագած լեռը Ամբերդի ձորով, ապա Բաշապարանի ուղղութեամբ, իջել են Շիրակի դաշտը և հասել մինչև Բարձր Հայք, մինչև Սարըղամիշի մօտերքը, և աւելի հիւսիս մինչև Ջլդըր լիճ։ Միւս կողմից հիւսիս-արեւելեան ուղղութեամբ առաջ ընթանալով Երեւանի անմիջական մերձաւորութեան Ղանլի թափա կոչւած տեղում և յետոյ Էյլար գիւղի մօտ պաշտպանութեան և յարձակման բերդեր են շինում, հասնում են մինչև Սեանի լիճը և մերձակայ երկրներով անբողջովին իրենց տիրապետութեան տակ առնում։

Լճի հարաւային և հարաւ-արեւելեան մասում, բնական ժայռերի վրայ իրենց սկզբնական գրութեան տեղում անկորուստ պահւած են մի քանի արձանագրութիւններ, ամենից նշանաւորը և ընդարձակը Քեօլանդուան կամ Ալուչալու գիւղի մօտ գտնւածն է. ծովի վրայ կախւած մի բարձր ժայռի երեսին փորագրւած և սովորական միջոցներով միանգամայն անմերձանալի ընդարձակ 19 տողից արձանագրութեան մէջ Սարդուրի թագաւորը նկարագրում է իր պատերազմական յաջողութիւնները և յիշատակում, որ յաղթել է 22 թագաւորների եւ նրանց երկրները իր տիրապետութեան տակ առել։ Յիշւած անուններին մի քանիսը համապատասխան են ցայժմ պահւած և գործածական տեղական

անուաններին, իսկ մեծ մասը անյայտ են. հետևապէս անկարելի վերականգնելու տիրած երկրների ամբողջութիւնը:

Այդ շինարար ժողովրդի տիրապետութիւնը մեր երկրում դժբախտաբար երկաքառե չի եղել: Եօթներորդ դարու վերջերից արեւմուտքից ներս են խուժում թարմ և պատերազմիկ հորդաներ: Կիմըներ իսկ աւելի ուշ Արմէններ, միւսոյն ժամանակ հիւսիսից Կովկասեան լեռնաշղթան պատռելով արշաւանքներ են սկսում Սկիւթական դանազան ցեղեր և Ուրարտացիները, որ Ասորեստանի հետ վարած երկարատև պատերազմներով արդէն բաւական թուլացել էին, ընկճւում են, կորցնելով իրենց անկախութիւնը և վեցերորդ դարից սկսած երկրի տէրերը դառնում են Արմէնները, յիշատակւած Պարսկաստանի Բեհիստունի արձանագրութեան մէջ: Երբ չորրորդ դարում յոյն Քսենեֆոն պատմագիրը տաս հազար յոյն վարձկան զօրքի գլուխն անցած Հայաստանի լեռներով, Չանայ Ծովի մօտով, նահանջում էր դէպի իւր հայրենիք Յունաստանը, հանդիպում է Հայերի և ոչ թէ խալդիական-ուրարտեան իշխանութեան:

Զ. Ուրարտա-խալդիական ջրաբաշխական ձեռնարկներ.

Նեղոս, Տիգրիս և Եփրատ գետերի հե-

զեղոումները տարւայ մէջ կարճ տեղու-
 թիւն ունին. երկար ամիսների անումն
 ունեցող բոյսերին կենդանութիւն տալ չեն
 կարող: Բայց այդ ջրերը իրենց բնական
 հոսանքին թողնելով, համեմատաբար փոքր
 տարածութիւններ էին հեղեղում և յաճախ
 փոփոխելով իրենց ընթացքը, միանգամ
 կենդանացրած շրջանը անջրդի և ամայի
 էին դարձնում: Հէնց այդ փոփոխութիւն-
 ները մարդկանց սովորցրին արհեստական
 աշխատանքներ կատարել և ջրերի ընթաց-
 քը և նրանց շահագործումը ենթարկել ի-
 րենց կամքին: Հնագիտական ուսումնա-
 սիրութիւնները պարզել են թէ ինչպիսի
 ջրային մատակարարման սխեմաներ էին
 ստեղծւել, թէ ո՛րքան կատարելագործւած
 էին առուների ցանցերը և թէ մանաւանդ
 ինչ վիթխարի աշխատանքներ են կատա-
 րւել յորդացած ջրերի աւելցուկը ամբարել
 փոքր և չափազանց մեծ լճերում, տարւայ
 ընթացքում օգտագործելու համար: Բնա-
 կան կամ արհեստական փոսերի ջրերը կամ
 բաց արխերով տանում էին աւելի ցած
 ընկած դաշտերը, կամ դոյլերով վերեւ
 բարձրացնում՝ մօտ ընկած դաշտի համար:
 Հնագոյն պրիմիտիւ անիւներով, կենդա-
 նիների օգնութեամբ խորքերից ջուր բար-
 ձրացնելու արհեստը համարեա անփոփոխ
 կերպով կիրարկւում է մինչև այժմ Պարս-
 կաստանում և հէնց նոյն Միջագետքում:
 Միայն վերջի տարիներում սակաւ առ

սակաւ դուրս են մղում նախնական գործիքներն ու եղանակը, փոխարինելով ջրմուղ գործիքներով:

Հետեւապէս հին մարդկային քաղաքակրթութիւնը երկրագործութեան համար բնական ջրերից օգտւելու երեք սիւսեմ ունէր. ինքնահոս առուներով ջրերը հասցնել ցանկացած եւ հնարաւոր տեղերը. լճերի մէջ ամբարել աւելցուկ ջրերը ժամանակի կարիքի համար եւ երրորդ՝ աւելի խորքերում գտնւած ջրերը դոյլերով կամ անիւներով վերեւ բարձրացնել, կամ տանիլ հասցնել աւելի ցած տեղեր, երբեմն գետնատակ առուներով կամ տունեղներով:

Ուրարտուի թագաւորները Վանի ջրջանում եւ Արարատեան դաշտում գործադրել են երեք միջոցները, հոյակապ եւ մնայուն ձեռնարկներով:

1891 թ. երկու գերմանացի ուսումնական Բեշգ եւ Լեմսկ-Հառուպս գիտական արշաւանք կազմակերպելով մանրադնինքնութեան ենթարկեցին Ուրարտացիների պատմական բոլոր վայրերը, ներկայ ժամանակների ուսսական, տաճկական եւ պարսկական երկրներում, իջան մինչեւ Ասորեստան, հասան Նինուէի աւերակները, փոքր չափով պեղումներ կատարեցին Վանի թոփրակկալէում, վերստուգութեան ենթարկեցին զանազան մասնագէտների միջոցով արդէն ծանօթ յիշատակարանները եւ երկար ժամանակ մշակում էին

իրենց հաւաքած գիտական մեծ պաշարը :
Երկուսն էլ պարբերաբար հրատարակել են
մասնակի ուսումնասիրութիւններ և յօ-
դաւածներ , բայց գլխաւոր աշխատանքը
դեռ չի տւարտւած :

Ձեռիս տակ է Լեմանի Հայաստանի
անցեալի ուսումնասիրութեան կարեւոր
երկը . Հայաստանը երբեմն եւ այժմ , Ar-
menien Einst und Jetzt, Berlin - Leipzig. 1910
1926 և 1931 , երկրորդ հատորի առաջի
մասում , երկու հատոր , երեք մասից բաղ-
կացած : Գրքի մէջ գնահատելի էջեր են
նւիրւած Ռուզաս առաջնի եւ Մենուաս
թագաւորների ջրաշինարարութեան մնա-
յուն ձեռնարկներին և ստորերկրեայ ջրերի
քարհիւքներին , և ծանօթանալով այդ նիւ-
թին , հիանում ենք այդ անձանց շինա-
րար մեծ գործերի վրայ , որոնց հետ կա-
րելի է համեմատել միայն ներկայումս Ուոր-
հրդային իշխանութեան կատարածները
Հայաստանում : Ծանօթանանք այդ գոր-
ծերին :

1 . Ռուզաս առաջնի լիւր . — Վան քա-
ղաքի արեւելեան կողմում , լեռների մէջ
գտնւում է մի արհեստական վիթխարի
լիճ , ծանօթ ներկայումս Քեօիօ գեօլ ա-
նունով : Ժամանակը մոռացութեան է տւել
երկրի համար այդ բարիքը ստեղծող Ռու-
զասի անունը և նրա արածը վերագրում
են մի անանուն քահանայի : Բարեբախ-
տաբար անկորուստ մնացել է Ռուզասի

կանգնեցրած կոթողը, մեծ պատւանդանի մէջ ամրացրած տափակ սիւնանման մի քար, որի վրայ սեպածեւ տառերով լճի շինութեան և թոփրակիւէ նոր քաղաքի հիմնարկութեան մանրամասնութիւններն են հաղորդւած, որ առ տեղեալն արտագրել, կարդացել և թարգմանել է գերմանացի գիտնականը:

Վանից արեւելք ընկած է Վարադայ լեռը, սրա հարաւային ուղղութեամբ գտնւում է Տոնի անունով գիւղը, որի մօտ է ջրահաւաքման մի վիթխարի բնական փոս: Տոնիից դէպի այդ փոսը վայրենի ճեղքւած ներով տեղեր են, ուղղագիծ դառնալով ընկած, ժայռերի կտրտւածքներով և անդընդախոր վիհերով: Գիւղից մօտ կէս ժամ հեռաւորութեամբ է Ռուդասը, յիշեալ միջավարում, իր արհեստական լճի տեղը որոշել, ոչ թէ մերձակայքը ջրելու համար, որ վայրենի խորթ ու փորթութեամբ մի տարածութիւն է և ոռոգելու համար մի անգամայն անօգուտ կ'լինէր, այլ որպէս զի այդ տեղում ամբարւած ջուրը արհեստական առուներով հեռուն տարւէր, դէպի պտղաբեր և մշակելի տեղեր:

Լճի տեղը վերին աստիճան յարմար է ընտրւած: Վիթխարի ձոր է, որի հիւսիսարեւմտեան անկիւնը նեղանում է մինչև հարիւր մետրի լայնութեամբ և ունի մի երկրորդ նեղացում ընդամէնը յիսուն մետր լայնութեամբ: Այդ երկու անցքերը վիթ-

խարի քարերով, կիկլոպեան պատերի ամբարտակով ամրացրած են, որով գոյանում է հսկայական ջրամբարը տարւայ ջրառատ եղանակներին շրջակայքի աւելցուկ ջրերը ամբարեւել համար: Նեղ, յիսուն մետրանոց բացւածքը գտնւում է հարաւ-արեւմտեան մասում և սրա պատնէշը քսան մետրանոց կիկլոպեան պարըսպով է կառուցւած: Այդ պատի մէջ թողնւած է մի շիւղ, որ ունի 1.50 մետր բարձրութիւն, մի մետր լայնութիւն, շինւած յատուկ խնամքով տաշւած մեծամեծ քարերով: Շիւղի անցքի ներսում յարմարեցրած էր տուեալ չափերի մի մեծ սալքար, որ ըստ պահանջել հարկի, կարելի լինէր բանալ և փակել, ջրերի ընթացքն ու ջրի քանակը կանոնաւորելու համար: Երկրորդ նեղ անցքի առաջ ևս շինւած է համապատասխան պատնէշ: Երկու պատնէշներով ամբարւած ջրերը բացւած երկու շիւղներով ի վիճակի են ամէն մի վայրկեանում 12—15 խորանարդ մետր ջուր դուրս հոսեցնել, որպիսի քանակ կ'հեղեղէր վանի դաշտային մասն ամբողջովին, հետեւապէս այդքան ջրի կարիքը չկար: Ուստի շիւղները շինւած էին նաև նրա համար, որ ջրառատ տարիներում նախապէս աստիճանաբար բացէին ջուր դուրս թողնելու, որպէսզի մինչև պռունգները լցրած ջրամբարից հեղեղներ չթափւէին դէպի վանի դաշտը: Տաճկական կառա-

վարութեան տեղական պաշտօնեաներն ,
 առանց ըմբռնելու շխւղների անհրաժեշ-
 տութիւնը , ինչպէս Լեման-Հառապտն է
 արտայայտում , հողով ու քարերով փա-
 կել էին տւել հիւսիս-արեւմտեան անկեան
 շխւղը : 1891 թ . չափազանց ձիւնառատ
 ձմեռայ հետեւանքով , ջրերը լցւեցին
 ամբողջ լիճը . ջրերը նախապէս պարպե-
 լու ճանապարհը փակւած էր , լճից դուրս
 թափւող ջրի առաջը արգելքներ չկային ,
 գէպի վան տանող առուները ծայրէ ծայր
 լցնելով , սոսկալի թափով ներքե գլորւե-
 ցին , միայն Յայնկոյսների գետակին ,
 քանդեցին եղած կամուրջը , գետեզերում
 գտնւած տները , այգիները և պարտէզ-
 ները :

Ռուզասի լիճը ծովի մակերեւոյթից
 2500 մետր բարձր է , իսկ վանայ լիճը
 1625 մետր . երկու լճերի հեռաւորութիւնը
 միմեանցից ընդամէնը մօտ 30 կիլոմետր
 է , ուրեմն պարզ է , թէ 1000 մետրաչափ
 բարձրութիւնից գլորւող ջուրը ինչպիսի
 վիթխարի ոյժ կ'ներկայացնէր :

Ռուզաս առաջինը Սարգուրի օրդին
 էր , Ասորեստանի Սարգոն երկրորդի ժա-
 մանակակիցն ու հակառակորդը : Նրա շի-
 նած լճի ջրերը առուներով բերած հաս-
 ցրած են մինչև Թոփրակկալէ , ճանապար-
 հին բաւական գիւղերի ջուր մատակարա-
 րելով թէ ջրելու և թէ ջրադացների հա-
 մար : Գլխաւոր առուն Թոփրակկալէ չհա-

սած, մի քանի ճիւղերի է բաժանուում և ստորերկրեայ անցքերով, բլրից դէպի արեւմուտք և դէպի հարաւ-արեւմուտք ուղղութեամբ, դուրս հանուում է Վանի Այգեստան կոչւած տարածութիւնը ջրելու: Ճիւղերից մէկը բաց եղանակով հոսում է դէպի Վանի ժայռի բարձունքները: Ռուդասը իւր մեծագործութիւնը ձեռնարկել էր որովհետեւ Վանի Թուրակկալէ նոր քաղաքի հիմք էր դրել, որի պահպանութեան համար անհրաժեշտ էր մերձակայքի լաւագոյն մշակութիւնը արհեստական ոռոգման միջոցով: Եւ ներկայումս նրա անկորուստ պահւած արձանագրութիւնը հնագոյն քաղաքներից մէկի հիմնագրութեան ճիշտ ժամանակի և հիմնադրի իսկական հաւաստիագիրն է, իբրեւ հազուագիւտ փաստ: 1927ին Թագէոս Ավտալբէկեանը նոր Բայազետ քաղաքում գտաւ մի նոր արձանագրութիւն, Ռուդաս առաջնի, որ կարդացին հայ մասնագէտներ Պետական Համալսարանի պրոֆ. Քալանթարեանն ու Ղափանցեանը:

2. Այս ջրամբարից մեծութեամբ այնքան փոքր չէ Բերկրիի արհեստական լիճը. Վանայ լճի հիւսիս արեւմտեան անկիւնում, որ առ տեղեաւն ծանօթացել է Բելկը, Լեմանի ընկերակիցը: Լեմանը այդ երկրորդ լիճը միայն անցողակի է յիշատակում, որովհետեւ նրա շինողի արձանագրութիւնը չի գտնւած և պակասում են պատմական

մանրամասնութիւններ, ուստի գիտնալանք չի հաղորդում տեղեկութիւններ այդ լճի օգտագործման մասին:

3. Մենուսի առուն ներկայումս ժողովրդական գործածական Շամիրամ սուխանունով է յայտնի, կամ Շամիրամի առուն: Այդ անունով է յիշատակւած նաև Մովսէս Խորենացու Հայոց Պատմութեան մէջ (Գիրք Ա. գլ. ԺԶ.). «Թէ որպէս յետ մահուանն Արայի Շամիրամ շինէ գքաղաքն և զամբարսակ զեսոյն և զիւր տունն: . . . Շամիրամ հրաման տայ բիւրուց և երկու հազար արանց անարուեստից գործաւորաց յԱսորեստանեաց և յայլոց իշխեցելոց և վեց հազար իւրոց ընտրելոց յամենայն արուեստաւոր գործաւորաց փայտի և քարի, պղնձոյ և երկաթոյ, որք ամենեքին կատարեալք իցեն ի յարուեստ գիտութեան, ածել անխափան ի փափագեալ տեղին և գործն հաւասար հրամանին տոնոյր զկատարումն:

. . . Եւ հրամայէ նախ զամբարսակ զեսոյն սպառաժիւք և ձեռնաձեռն վիսօք շինել, կրով և աւազով մածուցեալ, անբաւ շայնաթեանք և քարձրութեանք, որ կայ հաստուն, որպէս ասեն, մինչև ցայսօր ժամանակի. . . : Եւ թէ զփորձ առնուլ դէպ ումեք լինիցի, և ոչ իբր պարստատեաց քար ձեռնաձեռն ի շինուածոյ ամբարսակին խշեղ ոք զօրեացի, թէև մեծաւ աշխատութեամբ ջանայցէ: Եւ ի հեղուածս արուեստին՝ որ գքա-

րամբք՝ հայեցեալ ուրուք, որպէս ճարպոյ
ինչ հեղման հայեցողացն երեւեցուցանէ
կարծիս: Եւ այսպէս ընդ քաղուձ ասպա-
րեզս անցուցեալ զամբարսակն, հասուցանե ի
նկատեալ տեղի քաղաքին»:

Սորենացու համառօտ նկարագրու-
թեան մէջ գտնուում են առուի շինութեան
ուշագրաւ էական մասերը, որպիսին ա-
ւելի մանրամասն և նոր հասկացողութեամբ
եւրոպացի գիտնականն է տալիս իւր նը-
կարագրութեան մանրամասնութեան մէջ,
ինչպէս կ'տեսնենք ներքեւում: Առուի բուն
հեղինակը Ուրարտեան Մենուսա քաղաւորն
էր, որը առաջինը արշաւանք սկսեց դէպի
հիւսիս, Երասխի ափը և Արարատ լեռը:
Այդ առուն սկիզբն է առնում բնական
վիթխարի մի աղբիւրից, որ դուրս է ժայթ-
քում 1750 մետր ծովի մակերևոյթից բարձր
դիրքում, երբեմն հայկական Բժընկերտ
դիւղից դէպի հարաւ գտնւող և հարաւից
Հայոց Ձորը շրջափակող լեռնաշղթայի
ստորոտում:

Ճանապարհորդը տակաւին աղբիւրի
ակը չհասած, հեռուից լսում է դուրս
ժայթքող ջրի վշշոցը և տեսնում է բար-
ձունքում ճախրող բազմաթիւ ջրային աղ-
մկող թռչունների թռիչքները: Աղբիւրը
բղխում է 30-40 մետր լայնութիւն ունե-
ցող տեղերից, երկրի բազմաթիւ պատ-
ռածքներից, պարունակելով առատ թը-
թւածքի գազեր, որ պղպշակներով ծած-

Կում են ջրի երեսը, ջուրը խմելիս գազի պարունակութիւնը բաւական զգալի է լինում:

Այդ վիթխարի աղբիւրի ջրի քանակը ամէն վայրկեանում 1500 լիտրից աւել է, որ գարնանը շատ աւելի է մեծանում: Իր բնական ընթացքին թողած այդ ջրերը, ամենակարճ ճանապարհով, ջրվէժներ կադմելով, անօգուտ եղանակով պիտի թափւէին Վանայ լիճը. Լեմանի նկարագրութիւնից ակներև է, որ այդ աղբիւրի նմանութեամբ մենք ունինք ներկայումս Սիւսիանու Շաքիի աղբիւրը, որ ծաղկէփունջի նմանութեամբ սքանչելի մի ջրվէժ կադմելով անօգուտ եղանակով թափւում է Որոտն գետը: 1931 թւի աշնանը Հայաստանի Խորհրդային իշխանութիւնը, կանխօրէն կադմւած ծրագրով, այդ սքանչելի ջրառատ աղբիւրի վրայ էլէկտրական կայարան շինելու հիմք դրեց և շուտով Շաքիի աղբիւրը իր շրջանի բանւորագիւղացիներին էներգիա և լոյս է մատակարարելու:

Մենուասի առուի ջրերը բնական ընթացքին թողնւած, մինչև Խոշաբի գետակի թափւելու տեղը ընդամէնը հինգ կիլոմետր տարածութիւն ունին. Մենուասը իր արհեստական առուով նրա երկարութիւնն աւելացրել է 15-16 անգամ, ասել է 75-80 կիլոմետր: Աղբիւրի ակի գլխի վերեւցցուած են ժայռեր, որոնցից մէկի վրա

սեպտեմբեր անձանագրեալ էր ձեռնարկութեան յիշատակարանը, որ մինչև 1890 թ. իր տեղում պահւած էր, ինչպէս վստահելի աղբիւրից Լեմանն էր տեղեկացել, բայց հետեւեալ տարին արդէն այլ եւս չկար երեւի գլորւել ընկել է ակի աւազանի մէջ:

Բարերախտարար բազմաթիւ ուրիշ արձանագրութիւններ կան պահւած առուի ամբողջ շարունակութեան վրայ, իւրաքանչիւրը 4. 9 կամ 13 տողից բաղկացած, ընդհանրապէս համահման բովանդակութեամբ. միակ տարբերութիւնն այն է, որ բազմատող յիշատակարանները փորագրւած են շինարարական և բնական մեծ արգելքների տեղերում: Դրանց էական բովանդակութիւնն այս է.

«Հզօր խալիւերի համար շինել է Մեհուսար, Իսպիտենիսի որդին այս առուն. սրա անուն է Մենուսի առուն»:

Առուի հէնց ակների մօտ հասարակ քարերով և հողակոյտի պատնէշով ջրի ընթացքը փոխել են և նրան ուղղել դէպի հիւսիս-արեւելք, դէպի վերին Բժնկերտ, բաւական խորացրած հունի միջոցով, որով ջրի հոսման ոյժը իւրաքանչիւր վայրկեանում երեք մետրի է հաւասար: Նախապէս ջուրը կուտակւում է մի մեծ աւազանի մէջ, բնական և ապա արհեստականօրէն մեծացրած, և երբ այդ աւազանից դուրս է դալիս, նրան պարփակող առուն ունի 4-5 մետր լայնութիւն, մէկ ու կէս

խորութեամբ: Վերին Բժնկերտից առուն
բաւական ժամանակ ընթանում է ուղիղ
դէպի հիւսիս, զիգղագէներ կատարելով,
Բոյգաղի, Հայկաբերդի և Աստուածաշէն
գիւղերի մօտերքով: Ճանապարհին մի տեղ
հանդիպում է Խոշաբի գետակին, որի վը-
րայից անցնում է ծառերի կոճղերից եւ
հողով ու քարով ծածկւած բարձրութեան
վրայով, անկասկած հին ուրարտական
հիմնաւոր կառուցւածքին փոխարինող:
Անկորուստ պահւած առաջին սեպածեւը
գտնւում է Ներքին Բժնկերտ գիւղի կա-
մրջից հարիւր մետրաչափ Ներքե, բնական
ժայռի վրայ, ժամանակի և եղանակների
հարւածներից բաւական ինասուած: Այնու-
հետեւ սեպածեւերը յաճախ են պատահում:

Յիշեալ գիւղերից առուն ընթանում է
դէպի առաջ, մի շարք հայկական (Լեմանի
այնտեղ եղած ժամանակում) և քրդական
գիւղերի խմելու, ոռոգման և ջրաղացների
ջուր մատակարարելով: Առուի երկարու-
թեամբ բաւական յաճախ տեղերում շի-
նւած են աքվեդուկներ, այնքան հմտու-
թեամբ և հաստատուն կերպով կառու-
ցւած, որ դարեր անմնաս դիմացել են ա-
մէն տեսակ պատահարների:

Շինարարական մեծ և հմուտ վարպե-
տութեան գործ է Իշխանիգոմի աքվեդու-
կը, շինւած այն հաշւով որ առուն աք-
վեդուկի պատի վերեւի եղերքից քսան մետր
հեռու է անցնում և այդ հեռաւորութեամբ

պատնէշ է շինւած մօտը բարձրացող լե-
րան հանդէպ, որպէսզի ջրի մեծութիւնը
և հղօրութիւնն փնաս չհասցնի և լերան
հնարաւոր փլուածքներ առաջ չբերի: Պա-
տը շարւած է հինգ շարք քարով և երե-
քից չորս մետր բարձրութիւն ունի:

Այն տեղում ուր առուն դուրս է հա-
նւում Հայոց Ջորից և արեմտեան ուղղու-
թիւնից, դարձեալ թեքւում է դէպի հիւ-
սիս, մտնում լերան պատուածքի կամ
տունելի մէջ և ապա ժայռերի փորւած-
քից դուրս գալուց յետոյ, ճիւղաւորւում
է և գլորւելով դէպի ցած, երեք աստի-
ճան ջրաղացների ջուր է մատակարարում:

Այդ ջրաղացների փաստը Լեմանին
հիմք է տւել ընդունելու, որ Հայաստանի
ամէն կողմ գտնւող ջրաղացներն, իբրեւ
ջրայօժի օգտագործման միջոց, գոյութիւն
ունէին Ուրարտացիների ժամանակներից
և հետեւապէս ջրաղացաշինութեան արհես-
տը այդ հին ժողովրդից մնացած ժառան-
գութիւն է:

Իշխանիգոմից կէս ժամ քայլելու հե-
ռաւորութեամբ առուի մասին Լեմանը գը-
րում է. «Առուի ճանապարհին մենք հա-
սանք մի լեռնանցքի, շինութեան համար
այնպիսի մի արտասովոր դժւար տեղ, որ
դրան յաղթահարելն այդ ջրանցքը դնում
է հնութիւնից մնացած ջրաշինարարական
ձեռնարկների մէջ, եթէ ոչ ամէնախոշոր,
ամենանշանաւորների շարքին»:

Առուի առաջ գտնուում է լեռնային մի վիթխարի վիհ, ընկած արևելեան ուղղութեամբ և այդ վիհի միջով պէտք էր ջուրն անցկացնել: Լեռան հարաւակողմին կառուցւած պատի վրայով է տարւած առուն, ապա պատին տրւել է համարեա ուղղանկիւն թեքւածք ժայռի միջի վիհը մագլըցելու համար: Ակղբի նայողի տպաւորութիւնն այնպէս է, որ առուն տարւած է այսպէս կոչւած — կեղծ — երկուստեք ի մի հաւաքւած քարակոյտի աղեղի վրայով: Ասկայն երբ մօտիկուց քննում էք, երեւում է, որ հարթ պատակողպէք է դա, մի մետրոջափ լայնութեամբ դուրս ընկած ելուստի պատով, որով ջուրը վիհի վրայով անցկացնելը հնարաւոր է դարձել: Իսկական ջրատար պատը ընթանում է արեւմուտքից հիւսիս 33 աստիճան թեքութեամբ և կառուցւած է անդունդից վեց մետր բարձր: Այստեղում ևս ջրատար մասը ներկայութեամբ ծածկւած է իրար խիտ առ խիտ հագցրած ծառարմատներով, դարձեալ նոր ժամանակէն կարկատանք: Ահա այդպէս շինած պատի վրայով ջուրը կտրում անցնում է այդ ահեղի վիհը դէպի հիւսիսային կողմը, իսկ յետոյ ծուռում է դէպի արեւմուտք: Այդտեղում առուի հիմքը քարերով սալոյատակած է, 30—40 մետր խորութիւն ունի, իսկ լայնութիւնն է 90—110 մետր: Այդքան մեծ փոսի երկու կողմից պատեր են շարւած, որով ջուրը չի կարող

պատուածքներ առաջ բերել, ոչ հիմքը
փորփրելով և ոչ կողերի շերտերը ողողելով:

Այդ վիհով գործը չի վերջանում, ճա-
նապարհին ընդառաջ են գալիս դարձեալ
դժուար յաղթահարելի խոչնդոտներ, որոնց
մէջ ամենանշանաւորը, հնազօրեական եւ
տեխնիկական տեսակէտով, Կասեպանք ա-
նուն կրող տեղն է, Արտամետի հսկայա-
կան ձորը: Արտամետի ձորում արդէն նը-
կարագրածի պէս, կիկլոպեան պատեր են
կառուցւած վիթխարի ժայռերից, ձորի
ահուելի բացւածքի համար պատնէշներ
յարմարացնելու և ջրի ճանապարհը հար-
թելու: Վիթխարի ձորի յաղթահարումից
յետոյ, առուն համեմատաբար դիւրին և
թեք մակերեւոյթով ընթանում է դէպի
Վանի բերդաքաղաքը, նրա մերձակայքին
կենդանութիւն տալու համար:

Ուղիղ այն տեղում ուր ջուրը գուրս
է գալիս Արտամետի հսկայական ձորից և
առաջը բացւում է Վանայ լճի սքանչելի
տեսարանը, Մենուասը, թեք մակերեւոյթի
վրայ, տնկել է տւել մի խաղողի այգի իր
կնոջ անունով և նրա վայելչանքի համար:
Անկորուստ պահւած արձանագրութիւնն է
մեզ այդ ուշագրաւ տեղեկութիւնը հաղոր-
դում: Արձանագրութեան թարգմանու-
թիւնն է.

«Մենուասն է այս խաղողի տնկարանը
ձգել իւր Տարիրիաս կնոջ համար եւ
տեղի անունն էլ Տարիրիաս կոչել»:

Վերին Բժնկերտ գիւղից սկսած, 80
կիլոմետր տարածութեամբ բոլոր գիւղերը
և վան քաղաքը Ն. Ք. Քր. ութերորդ
դարից սկսած վայելում են Մենուանի մե-
ծագործութեան պտուղները:

4. Լեմանը վանում ուշագրութեան է
առել նաև Այգեստանում գտնւող բազմա-
թիւ քարհիւքները կամ քանքանները, ո-
րոնց թիւը նրա ստացած տեղեկութիւն-
ներով 21 էր հասնում: Այդ քարհիւքերի մէջ
կան նորերը և այդպէս էլ կոչւում են և
հները. վերջիններս աւելի խոր են ընկած
և աւելի հեռււոր տեղերի հասցրած: Գեր-
մանացի գիտնականը մասամբ ենթադրա-
բար է ընդունում, որ քարհիւքերով ջուր
ստանալու սխտեմը դարձեալ ուրարտա-
տան է և նրանց ժամանակներից մնացած:
Երբ մենք կը ծանօթանանք Պարսկաստանի
մի ծայրից մինչև միւսը սփռւած քարհիւ-
քերին, սկսած Դարեհի և Քսերքսեսի ժա-
մանակներից, կ'համոզուենք որ կարիք չկար
ենթադրութիւն անելու: Քարհիւքեր ան-
շուշտ գոյութիւն են ունեցել ուրարտա-
խալդիական քաղաքակրթութեան օրով և
վանը այդ բարիքն էլ վայելում է նրան-
ցից իբրև ժառանգութիւն ձեռք բերած:
Վանից հիւսիս է գտնւում Թիմարի գա-
ւառը, որտեղ հողերի մեծագոյն մասը քար-
հիւքերի ջրերով են ոռոգւում:

Այդպէս մենք գտնում ենք, եզրա-
փակում է գիտնական գերմանացին իր

հետախուզութիւնները, որ հնութիւնն ու
ներկան սերտօրէն կցորդւած են միմեանց
հետ. ոչ այնպէս ինչպէս Միջագետքում և
Բարեչոնիայում, որտեղ քաղաքների հիմ-
նարկութեան վայրերն ներկայումս հիմնա-
յատակ կործանւած են, և ծածկւած ա-
ւաղի ու փոշու հաստ շերտերով. որտեղ
ջրանցքների հետքերը միայն աւաղի վրայ
ձգւած գծերն են մատնանշում, մինչդեռ
խալդիական ստեղծագործութիւնները, ի-
րենց անընդհատ կենսունակ օգտակարու-
թեամբ, ուսումնասիրողի համար իւրայա-
տուկ հմայք ունին: Ռուզասի լիճը, Մե-
նուասի առուն և միւսները մինչև այսօր
իրենց գտնւած վայրերին կենդանութիւն
տւող երակներն են կազմում:

5. Արշակունի թագաւորների տոհմա-
յին գերեզմանատունը և թագաւորական
գանձերի պահպանութեան ապահով տեղը
Աճի — Կամախ բերդն էր: Այդ բերդի մա-
սին Լեմանը գրում է (Հտր. Ա. էջ 496-
500). Քաղաքը գտնւում է Քեօմուրչայի
Ֆրատի հետ խառնարանի մօտ, վերջնի
ձախ ափին: Այդտեղէն է անցնում նաև
Տանաձոր գետակը, ժայռերի թիկունքնե-
րով: Այդ տեղը ներկայացնում է մի նեղ
սարահարթ, մօտաւորապէս 1 ու մի քա-
ռորդ կիլոմետր երկարութեամբ, միան-
գամայն չոր անապատի կերպարանքով.
հին աւերակների անցած փառքի մնացորդ-
ներով: Հետաքրքիր հարց էր, թէ ի՞նչ-

պէս են այդտեղ ջուր բերել բաւական խոշոր աղգաբնակութեան կարիքներէ համար։ Տակաւին պահած են աւաղաքարի մէջ հնուց փորւած սանդուխների աստիճաններ, որ իջնում էին մինչև ներքեում հոսող Տանաձորի ջուրը։ Բայց այդ եղանակով ջուր տանել և աղգաբնակութեանը բաւարարել անկարելի էր։ Տեղական բնակիչների ցուցմունքով Լեմանը հետախուզում և տեսնում է որ կամախի հետևում գտնւած բարձունքներից փայտեայ խողովակներով 80—100 մետր բարձրութիւնից ջրաբեր առու կար շինւած։ Որոշ տեղերում կարելի էր տեսնել վիմափոր առուներ ջրի համար։ Բացի այդ կային նաև վիմափոր սենեակներ այդ առուների ծայրերին, որ ծառայել են իբրև հսկայական ջրամբարներ և վիմափոր անցքեր նրանց մէջ ջուր թափելու։ Լեման ինքը տեսնում և համոզւում է, որ որոշ տեղերում դեռ պահւած կային փայտեայ խողովակներ, հաստատելով տեղացիների պատմածները։

Բացի այդ՝ բերդալերան արեւմտեան կառուցւածքներում կար ջրագլխի հսկայական մեծութեամբ մի բացւած, և միշտ կողմնակի խողովակներ, բոլորն էլ վիմափոր, երկարժամանակեայ ջրի հոսանքից լոսւածքներով։

Դէպի Տանաձոր տանող աստիճանների ճանապարհով եւ այդքան զարմանալի եւ դժուարագործ ստորերկրեայ վիմափոր ջը-

րանցքով կենդանացած Անի-կամախը ներկայացնում էր նախահայկական ջրամատակարարման արուեստի մի գեղեցիկ մնացորդ, որ գոյութիւն է ունեցել նաև հայկական պատմութեան ընթացքում:

Ուրարտացիներից պահւած կան ջրատարութեան և ջրագործագրութեան ուրիշ հետաքրքիր օրինակներ ևս. օրինակ Բոստան-դայես անունը կրող Վանի շրջանի ուրարտեան այն բուրգը, որտեղ պարտէզ էր տնկւած վիմափոր, կամ բոլոր բերդերի գէպի ջուր տանող գետնանցքների վրայ, լայն սասիճանների տերասների վրայ. բայց մենք բաւականա՞նք յիշատակելով այն առուները, որ ուրարտական թագաւորները շինել են Արարատեան դաշտում:

6. Ուրարտեան համեմատաբար կարճատե տիրապետութիւնը ներկայ Հայաստանի տերիտորիայի, սկսած Երասխ գետի ձախ ափից գէպի Սեանայ լիճը, նոյնպէս ջրաշինարարութեան հետքեր է թողել: Ինսնսկան թուականներին երկու սեպածե արձանագրութիւն գտնւեցին Արարատեան դաշտում, մէկը Երասխի ձախ ափին, բոլորովին պատահական կերպով, միւսը Զուարթնոցի աւերակներում, պեղումների շնորհիւ: Առաջինի գտնողը մի գիւղացի էր, որ դաշտում յանկարծակի բռնւած յորդ անձրեւից պաշտպանւելու համար ապաստանարան է որոնում կուտակւած քարերի խոռոչում, Քեալագարխ գիւ-

ղի առուագլխին, մօտաւորապէս Կարա-
կայա հին աւերակ քաղաքի դէմ յանդի-
ման, որտեղից սկսում են Սարդարապա-
տի, Շահրիարի և այլն գիւղերի առուները:

Գիւղացին նկատում է, որ իրեն ա-
պաստանարան տւող ժայռի վրայ ինչ որ
գրութիւն կայ, որ սեպածե արձանագրու-
թիւն էր: Ռուս Նիկոլսկի և գերմանացի
Լեմանը ստանալով մեր ուղարկած արձա-
նագրութեան էստամպատը, մեր նկարա-
գրութեամբ, թարգմանեցին և երևաց, որ
Արմաւիրին տիրող Արգիշտին է գրել տւել
այդ արձանագրութիւնը, որի մէջ յիշա-
տակում է, որ ինքը Արաքսից առու է
(խալդիական պիլի բառով արտայայտւած)
հանել երկիրը ջրելու համար: Զուարթնոցի
պեղմամբ գտնւած արձանագրութեան մէջ,
չատ աւելի ընդարձակ և ուրիշ տեղեկու-
թիւններով հարուստ, Ռուզաս երկրորդը
յիշատակում է, որ ինքը տիրել է Կուար-
լուի երկրին, քաղաք է հիմնել և Իլդա-
րուն գետից առու է հանել, հողերի ոռոգ-
ման համար: Մինչդեռ այս երկու արձա-
նագրութիւնները հաստատուն տեղեկու-
թիւններ են մեզ հաղորդում. Արարատեան
դաշտի ռոգման համար երրորդ առուի
հանումը բաւական հաւանական մի են-
թադրութիւն է, որի մասին գրում է Լե-
մանը: Ենթադրութեան աղբիւրն այն է,
որ Սեանի լճի ափերին գտնւած սեպա-
գրերից երկուսի շնորհիւ յայտնի է դար-

ձեւ, որ այդ լճի ջրերը, ինչպէս նաեւ Վա-
նայ լճինը, ենթակայ են մօտ երեսուն տա-
րիների պարբերական բարձրացումների և
նուազումների: Սեանայ լճից մի գետակ է
դուրս գալիս, որ խառնւելով Միսիսանէի
լեռներից բղխող գետակի հետ Ջանգու
գետն է կազմում: Լճից դուրս եկող ջրի
քանակն անհրաժեշտ էր Արարատեան դաշ-
տի ոռոգման համար. մինչդեռ համարեա
թէ ցամաքելու աստիճանի է հասնում լճի
ջրերի նուազման տարիներում: Լեմանը են-
թադրում է, որ ջրամատակարարման այն-
քան առաջնակարգ կարեւորութիւն տւող
ուրարտական թագաւորները բնականաբար
պիտի միտք յղանային օգտագործել Սեա-
նի ջրերը ոռոգման համար և նրանցից մէկն
է լճից դուրս եկող գետակի ելման անցքը
փորել, յատկապէս Ռուզաս երկրորդը, որ
իր արձ. հաստատւած առուի համար միջոց
կ'մտածէր Սեանի պէս մի խոշոր ջրամբա-
րից օգտւելու (Տե՛ս նրա գրքի, հտր. Ա.,
էջ 164):

Այսպէս պատահաբար յայտնաբերւած
արձանագրութիւնները ապացոյցանում են,
որ Վանի շրջակայքը այնքան առատու-
թեամբ ջուր մատակարարող թագաւորնե-
րը, Արարատեան դաշտի պտղաբերութիւնը
և սպասելիք հողամշակութիւնն անուշա-
դիր չէին թողել: Պիտի հաւատալ որ նոր
հնարաւոր գիւտերն ապագայում աւելի
լրիւ տեղեկութիւններ կ'բերեն: Աւելորդ

չենք համարում այստեղ կրկնել ուրիշ առթիւ արտայայտած ենթադրութիւնը, որ Երեւանի առուները պարօխկ սարդարներին վերագրւած, Աշտարակի Ականատեսի առուն, որ 1292 թ. նորոգել է ոմն Յակոբ վարդապետ, հաւանական Ուրարտացիների նախնական ձեռնարկներն են:

7. Հնադոյն տեղեկութիւններիցն է Մ. Խորենացու հաղորդածը Հայոց Տիրան թագաւորի Գայլատոյ — ծովէն — հանած առուի նուիրման մասին: Այսպէս է պատմւած. Արտաշէս թագաւորի Արտաւազդ որդին մեռնում է անժառանգ և Տիրան թագաւորը Անձեւացեաց ազգից Երախնաւուն ունենով պատանուն է տալիս «զամենայն տունն Արտաւազդայ», սրան է տալիս Տաշեօն աւանը, հետն էլ ագարակներ եւ մեծ մի այգի, որի միջով անցնում էր — դեռ առուն —, որ հանում էր Գայլատոյ լճից. «եւ զայգին մեծ, յոր մտանէր առուն դեռ, հանեալ ի ծովէն Գայլատոյ» (Խորենացի, Պատմ. Գիրք Երկրորդ, Գլ. 62):

Ստ. Կամսարական գիւղատնտեսը, ինքը Սուրմալուի գաւառից և լաւատեղեակ այդ շրջանին, բերանացի զրոյցում ինձ յայտնեց, որ այդ լճից արհեստական կաւէ խոշոր փողերով ջուր է բերած մինչև Երասխի ոջ ափին դնւած Կարակալայի աւերակները: Իմ հարցին, թէ արդե՞օք Գայլատոյ լիճը — Բալղ-գեօլը արհեստա-

կան մի լիճ չէ իրենից ներկայացնում: Նա
ասաց. առ տեղեաւն այդպիսի հարց իրեն
չի տուել, բայց լաւ մտաբերելով լճի եր-
կրարանական դիրքը, երեք կողմից բարձր
լեռներով ու բլուրներով շրջափակւած, իր
կերպարանքով Սեանայ լճին նման ամե-
նացածը, դէպի արեւմուտք նայող մասում,
մի դաշտավայր է ներկայացնում, որից յե-
տոյ խոր բացւածք կայ: Կարելի է կարծել
և հնարաւոր է, որ դաշտի մասը սկզբնա-
բար արհեստական կառուցւածք ունենար,
գարերի կուտակումով, աւազն աւելի եր-
կարացած և ընդլայնած լինի: Նա հնարա-
ւոր է համարում ընդունել, որ արհեստա-
կան ամբարտակ է կառուցւել:

Է. Հայկական ջրաբաշխական ձեռնարկ-
ները միջին դարերից ի վեր.

Ուրարտա-խալդիացիներն իրենց քա-
ղաքակրթական գերը վերջացրին Ն. ք. Քր.
վեցերորդ դարից, իրենց տեղը զիջելով
Թրակիայից Փոլսգիայի վրայով ներս խու-
ժող Արմենո-Հայերին, որոնք անշուշտ ի-
րենց մէջ ձուլեցին տեղական հին ժողո-
վուրդներից շատերին, սկզբում Հետիտ-
ներին և ապա Ուրարտացիներին: Այդ ձուլ-
ման պրոցեսի և նոր ժողովրդի առաջ գա-
լու և նախորդների երկրներին տիրանա-
լու հանգամանքները դեռ ևս անյայտու-
թեան թանձր քողով են ծածկւած: Բազ-

մաթիւ են եւրոպացի մասնագէտների են-
թադրութիւնները, բայց հարցը կարող են
լուծել միայն իրական փաստեր, որ ծած-
կւած են երկրի խորը կուտակումների տակ:
Հետիւտների և խալդերի այգալիսի աղբիւր-
ներով այժմ քաջածանօթ դարձած պատ-
մութիւնը այդ է ապացուցանում: Մինչև
Քրիստոսի վեցերորդ դարը, մի չափա-
զանց երկար անջրպետ, ոչ գրաւոր յիշա-
տակարաններ են յաջորդական ջրաբաշ-
խական աշխատանքների մասին մեղ տե-
ղեկութիւններ հաղորդում և ոչ էլ երկրի
մէջ գոյութիւն ունին ձեռնարկներ, որ մեզ
ստիպէին անյայտ մնացած իսկական հե-
ղինականներին որոնելու, ինչպէս Քեշիշ գեօլի
և Շամիրամ սուի օրինականներն են ցոյց տա-
լիս և ոչ էլ այդ ուղղութեամբ ուսումնա-
սիրութիւններ կան կատարւած:

Ասել թէ այդ 1200 տարիների շրջա-
նում մեր երկրում ջրաբաշխական գործեր
չեն կատարւել, անկարելի է. մեր երկրում
առանց արհեստական ոռոգման դժւար է
քաղաքակրթական կեանք երեւակայել,
միայն այս պիտի նկատել, որ հաւանական
եղած գործերը փոքր և աննշան ձեռնարկ-
ներ էին, կամ հների կարկատանքներ:
Ուղիղ այդպէս փոքր ձեռնարկներ են մեզ
ներկայանում հայ դանադան դասակարգի
մարդկանց ջրաբաշխական կատարած գոր-
ծերը, որոնց յիշատակութիւնը պահւած
են կամ հայ պատմագիրների մօտ, սկսած

վեցերորդ դարից, կամ եկեղեցիների ու վանքերի պատերի վրայ փորագրւած: Բաւական յաճախ են տեղեկութիւններ նաեւ ձեռագիրների յիշատակարաններում, բայց բոլորը ի մի հաւաքել մանրագնին կանոնաւորութեան առարկայ է. մենք բաւականում ենք գլխաւորապէս արձանագրական նիւթերով:

Այդպիսի արձանագրական յիշատակարաններ բաւական շատ են, որոնց օրինակները, թէեւ թերի արտագրութիւններով և ոչ լրիւ, ի մի հաւաքւած տպագրւած են Կ. Կոստանեանի Վիսական Տարեգիր ժողովածուի մէջ, տպագրւած Պետերբուրգում 1913 թ.: Յարմարութեան համար արձանագրութեան տուեալները բաժանում ենք այսպէս. 1. — Նոր առուններ կամ աղբիւրներ հանելու փաստեր: 2. — Արդէն գոյութիւն ունեցող առունների նորոգութիւններ: 3. — Զրային վէճերի կարգաւորումն: 4. — Բարեգործ անձանց նուիրատւութիւններ զանազան վանքերի և եկեղեցիների:

1. Նոր առուններ հանելու փաստեր.

ա. Ներսէս Շինող մականուանեալ կաթուղիկոսը Վաղարշապատում, Հռիփսիմէի վանքից մօտ երկու և կէս կիլոմետր հարաւ — արեւելեան մասում արդէն գոյութիւն ունեցող չորս վանքերից զատ շի-

նում է հինգերորդ նորը, Զուարթնոց ա-
նունով: Հոյակապ և շքեղ եկեղեցուն կից
շինել է տալիս կաթոլիկոսարան և շըր-
ջապատի դաշտի վրայ ընդարձակ այգիներ
տնկում: Այդ այգիների ոռոգման համար
տասներորդ դարու Յովհաննէս պատմա-
գիր կաթոլիկոսի վկայութեամբ, Քասախ
դեռից նոր առու է հանում և բերում
հասցնում իր նոր տնկարանը:

Զուարթնոցի պեղումները աներկբայ
ցոյց տուին, որ այդ առուն խկապէս գո-
յութիւն է ունեցել, որովհետեւ բացւեցին
ջրի կանոնաւոր հետքեր, և պեղումներ
կատարող Սաչիկ վարդապետը հին առուի
հետքերով նոր առու փորեց և բաւական
ընդարձակ մաս վերստին այգիներով և
ծառատունկերով ծածկեց:

Պատմագրի հաղորդածը կարօտ է որոշ
ճշտման: Վաղարշապատը դարեր առաջ
արդէն ոռոգւում էր Քասախ գետի, հա-
ւանական նաեւ Զագու գետերի ջրերով:
Տրդատ թագաւորի ժամանակ Հռովմից
Հայաստան փախած կոյսերը չորրորդ դա-
րում յիշեալ Հռիփսիմէի և նրանից ոչ հե-
ռու գէպի արեւմուտք ընկած Շողակաթի
վանքերի շրջակայքում գտնւած հնձաննե-
րում էին տպաստան գտել, որտեղ նրանք
նահատակւեցին և որտեղ յետոյ վանքերը
շինւեցին: Հետեւապէս արդէն չորրորդ դա-
րում Վաղարշապատի ներկայ այգիների
տեղում դարձեալ խաղողի այգիներ էին

տնկւած եւ Քասախ գետի ջրով ջրւած :

Ներսէս Շինողը գլխաւոր առումի մի ճիւղն է տարել իր նորակառոյց եկեղեցու մօտ :

ը. Նոր Բայազէտ գաւառի, ներկայումս Մարտունու շրջանի ներքին Ալուշալու անուամբ գիւղի արեւելահիւսիսային կողմում մի գեղեցիկ հովտի մէջ շինւած է Հայաստանի Համազանց բաղմաթիւ վանքերից մէկը «Վանեւանու» անունով յայտնի, որի մանրամասն նկարագրութիւնը յիշատակարաններով տալիս են Մեսրոպ Արքեպիսկոպոս Սմբատեան իր «Գեղարքունիք» գրքի մէջ և աւելի լրիւ Եր. Լաւայեան իր հրատարակած Աղգ. Հանդէսի 1913 թ. XIV. էջ 51-54, տալով բերելով վանքի շինութեան կարեւոր յիշատակարանը : Սրա մէջ հաղորդւում է թէ՛ շինութեան և թէ՛ մեզ հետաքրքրող ջրամատակարարման մասին : Եկեղեցին շինել տրւողն էր «Շապուհ Բագրատունի Հայոց սպարապետ տէրանց տէր, որդի Աշոտոյ Հայոց թագաւորի ի ժամանակս Հայոց թագաւորին մեծին Սմբատայ հարազատ եղբաւր իմոյ . . . վերակացու և տեսուչ առնելով զքոյր իմ Մարիամ Սիւնեաց տիկին . . . » :

Շապուհ Սպարապետը իր շինել տուած եկեղեցուն գիւղերով և կալուածքներով նուէրներ տալով հարստացնում է .

«Եւ ետու դ. գեղոյս սահման կոթայ քարն , Շաւառնահողն , Գետամէջն ,

կթանոցն, Գետավանաց ծովն . մկ. Պրամ
ի կոթայ քարէն, շլ. ի Բոտելեաց, ռկ.
յԱղիբոդանաց, ջղ. ի Կարբին գետերէն և
նստերէն» :

«Տր. Սողոմոն տր. Աթանաս, Սմբատ
թագ. աստ ածվ. քերեալ ջուրս յՈ՛նճո-
ռաց Դաւթի ձեռօք . . զոր յառաջ բե-
րած էր . . » :

Այս ջրաբերութեան յիշատակութիւնը, որ
մի տեսակ հին առուի նորոգման կերպա-
րանք ունի, սրա հետ միասին գետերի և
նաւերի, խիստ անորոշ են և միայն նոր
ուսումնասիրութիւնն առ տեղեալն կարող
է պարզել ջրի սկզբնական ակն ու անցած
առուի ուղղութիւնն ու նպատակը : Մեզ
համար կարեւորն է, որ հայկական իշխա-
նութեան ամենաբարձր գիրքերի վրայ
կանգնած անձինք իրենց երկիրը շէնացը-
նելու համար առուներ են անցրել և եկե-
ղեցու շինութեան հաւասար յիշատակելի
գործ համարել :

Թ. Ավդալբեկեանը հմտալից մի յօդած
ունի հրատարակած Հ. Խ. Ս. Հ. ի Գիտու-
թեան և Արուեստի ինստիտուտի տեղե-
կագրի (1931ի Հ. Գ. էջ 90-112) մէջ՝ «Նոր
Բայազէտի հին առուներն ու շրջակայքի
ոռոգման հեռանկարները» վերնագրով :

Յօդածի մէջ այս արձանագրութեան
մասին տեղեկութիւն չկայ. նա ուրիշ աղ-
բիւրներով և իր անձնական մանրազնին
տեղագրական ուսումնասիրութիւններով

գտել է, որ Նոր Բայազետի շրջանում հը-
նուց գոյութիւն են ունեցել առուների շատ
աւելի զարգացած ցանցեր, որոնց օժան-
դակութեամբ երկրի աւելի մեծ թւով գիւ-
ղերը կարողացել են պահպանել իրենց գո-
յութիւնը, և որոնց բաւական խոշոր թիւը
ներկայումս, հին ջրատար երակների ոչըն-
չացմամբ, ամայացել և անմարդաբնակ են
դարձել: Ռուս և հայ հեղինակներ ժԹ — Ի
դարում տեղեկութիւններ հաղորդել են
միայն — երեք հին առուի մասին: Վե-
րոյիշեալ առուների վրայ, մենք, գրում է
Ավդալբեկեանը, 1927 թ. սկսած մեր հե-
տախուզութիւնների հետեանքով, ավելա-
ցրել ենք և ավելացնում ենք եօթ հին ա-
ռու: Իբրև կրակացութիւն իր ձեռք բե-
րած կարևոր տեղեկութիւնների, առաջար-
կում է վերանորոգել այդ հին առուները
և բնակաշէն դարձնել — մօտ 75 քառա-
կուսի կիլոմետր — ընդարձակ մի տարա-
ծութիւն: Իսկ եզրափակման միանգամայն
ընդունելի երկու նախագասութիւններն են.
— Հին առուները պէտք է դադարեն հը-
նութեան յուշարձաններ լինելուց և դառ-
նան կենդանի կեանքի գործօն երակներ:
Հին առուները մեր երկրի ոսկէ հանքերն
են գետնի երեսին:

գ. Յակոբ Եպիսկոպոս, առաջնորդ և
մետրապօլիտ Սիւնեաց նշանաւոր Տաթևի
վանքի, մի առու է հանում, որ իր կարե-
ւորութեամբ եւ խոշորութեամբ մասամբ

յիշեցնում է Ուրարտացիների դործը: Նրա
կատարած գործի մանրամասնութիւնը յիշատակում են իր յաջորդներից Յովհաննէս եպիսկոպոսը, ժամանակի բերմամբ
իւրաքանչեւ առուի նորոգողը և ապա աւելի
մանրամասն Ստեփանոս եպիսկոպոս Օրբելեան պատմագիրը:

Յակոբը Դվինեցի էր, Յովհաննէս պատմագիրը կաթողիկոսի եղբորորդին և նրա ձեռնաստէնը: Երիտասարդ հասակում եպիսկոպոս ձեռնադրւելով, կարգւում է Տաթևի վանքի վանահայր և Սիւնեաց թեմի առաջնորդ, քառասուն տարիների ձիգ ժամանակաշրջանում 918—958: Նա սիրում է շինարարութիւն. ամենից նշանաւորը Վարարական առուի շինութիւնն է: Օրբելեան պատմագիրը այդ մասին այսպէս է պատմում.

«Սա գանձագին առնէ զշուրն Ջագէձորոյ, որ Վարարակն կոչի. ի տեառն Փիւլիպպէէ որդւոյ Վասակայ Սիւնեաց իշխանի ընդ ԲԺՌ դրամի (12,000 դրամի) և մի լուսաւոր ջաւահիրի . . . և բերեալ ի Յաֆուսն որ հանդէպ վանիցն, յայնկոյս գետոյն, և արար զամենայն վայրն առապարեւ փշալից վարդուս եւ սնկալից: Տնկեաց բազում այգիս եւ որթս սորեկս. էարկ տունկս ի զանազան պտղաբերոց. ձիթենիս և թղենիս և նոնենիս. և յամենայն մրգաբերաց արար դրախտս զարմանալիս: Եւ զարդարեալ զբոլոր վայրն ընդարձակագոյն»

Թանձրախիտ ծառովք և քաջուղէշ որթովք :
 Ի վայելումն եղբայրութեանն եւ ի պէտս-
 ամենայն կարօտելոց եւ ողքատաց» :

Տաթևի վանքի արխիւում, գուցէ նաեւ
 քարերի վրայ արձանագրւած, կային առ-
 ուի շինութեան յիշատակարանը, միան-
 գամայն համապատասխան պատմագրի տե-
 դեկութեանը, որովհետեւ նա այդ վաւե-
 րագիրն էլ է մուծել պատմութեան մէջ :

«Ես Յակոբ շնորհիւն աստուծոյ եպիս-
 կոպոս Սիւնեաց, գնեցի զ Վարաւակ
 ջուրն յաստուածապահ տեառն Փիլիպ-
 պէէ, Սիւնեաց տեառնէ, ընդ ԲԺԹ
 դրամի և մի պատուական գոհարի. և
 բազում ծախիւք և մեծամեծ աշխա-
 տութեամբ վերին աւգնականութեամբն
 ածի զջուրն ի լեռնէն Չագհանոյ և բե-
 րի ի Վարդուս. և տնկեցի որթս սո-
 րեկս և այգիս վայելուչս և դրախտս
 բազմածաղիկս և պտղալիցս, ի վայե-
 լումն սուրբ հայրապետաց որ ի սուրբ
 աթոռս հաստատին և սուրբ ժողովոյս և
 ամենայն հաւատացելոց Գրիստոսի . . . :

Եւ չկայ յայս ջրոյս հաշիւ ոչ Նո-
 րեցեաց, ոչ Խոտանանեցեաց, ոչ Շն-
 հերացեաց կամ Հայեցեաց, ոչ այլ մար-
 դոյ, ոչ յարտ կտրել և ոչ ի մարդ և
 ոչ պարտիզի ջուր տալ. զատ ի մա-
 տակէդ ըմպելոյ մարդոյ և անասնոյ :

Եւ թէ ոք յանդգնի եւ զայս ջուրս
 կտրէ, այնպիսին նշովեալ լիցի յԱս-

տոլածոյ եւ ի սուրբ նշանէս եւ ՅԺԸ
(318) հայրապետացն որ ի նիկիայն
գումարեցան եւ ի մէնջ, եւ բաժին նո-
րա ընդ ուրացողս եւ կախարդս լիցի
յաւուր անեղ ատենին Քրիստոսի, եւ
ընդ սատանայի եւ հրեշտակաց նորա
ճարակ լիցի անշէջ հրոյն տանջանաց,
ուր հուր նոցա ոչ շիջանի եւ որդն նո-
ցա ոչ վախճանի:

ՅԶԱ. Թուականիս (= 932 թ.) գրե-
ցաւ վճիռս այս իմով ձեռամբս եւ կն-
քեցաւ մեր գովրական մատանեաւս ի
կամս աստուծոյ:

Վանական արխիւի մէջ պահւած էր
նաեւ առուն վաճառող Փիլիպպէ իշխանի
պարտաւորագիրը, այսպիսի բովանդա-
կութեամբ.

«Կամաւն աստուծոյ եւ Փիլիպպէ որդի
տեառն Վասակայ Սիւնեաց տեառն, ի-
մոյ կամաւորութեամբն վաճառեցի զՎա-
րապկանաց ջուրն սուրբ Գրիգորին, որ
իմ պապուն տէր Փիլիպպէին շինեալ
էր, ի սուրբ եպիսկոպոսարանն Տաթե-
ւոյ: Եւ գնեաց Յակոբ Սիւնեաց եպիս-
կոպոս ընդ ԲԺՌ դրամի եւ մին մեծա-
գին գոհարի, եւ վճարեաց զամենայն
գինն ողջամբ: Եւ ես առեալ իմ զգանձս
եւ զմին գոհարն ի Յակոբայ Սիւնեաց
եպիսկոպոսէ եւ ապիկար եմ ես եւ իմ
զաւակունքս եւ ազգայինք յայդ ջրոյդ
յայսմհետէ մինչեւ յաւիտեանս ժամա-

նակաց : Եւ չկայ Նորեցեաց կամ Խոտանանեցեաց , կամ Շնհերայ և Հայեցեաց յայդ ջրոյդ հաշիւ . ոչ շատ և ոչ սակաւ . ոչ յարտ հատանել և ոչ ի մարգ դատել . որ մարդ և անասուն ջուր ըմպեն ի մատակէդ :

Եւ թէ ես կամ իմ դաւակիք յայս պայմանէս ստեմք և կամ յայդ ջրէդ կտրիլ խորհիմք յարտ կամ ի մարգ կամ յայլ ինչ , յաստուծոյ և ի սուրբ նշանէդ նդովեալ եղիցիմք և զվերոգրեալ անէծսդ տեառն Յակոբայ անմահ կենօք ժառանգեսցուք : Աստուած շնորհաւոր արասցէ սուրբ ուխտիդ և սուրբ աստուածազգեաց հայրապետացդ» :

Վարարական ջուրը գտնւում է Գորիս քաղաքի հովտի ամենաբարձր տեղում , որտեղից բղխում են Գորիսի գետի ակունքները , մօտ 10 – 12 կիլոմետր տարածութեամբ : Բարձր դէպի հիւսիս ջրին աւելի մօտ է Վերինշէն գիւղը , Ուշթափայ կոչւող լեռնադաշտի արևելահիւսիսային բարձունքներում : Ուշթափան ձգւում է հիւսիս–արևմտեան ուղղութեամբ , Որոտն գետի հոսանքին զուգահեռ , աստիճանաբար ցածրանալով , իսկ Որոտն գետի և Գորիսի հովիտի ուղղութեամբ անդնդախոր կտրւածքներ ունի , երբեմն ցից ժայռերով պարսպանման կտրտւած : Բազմաթիւ հայկական խոշոր գիւղեր , հովիտներում և անդունդների մէջ շինւած , Ուշթա-

փայլի արօտներով և վարելահողերով են իրենց ապրուստը հայթայթում: Ուշթափան բնակութեան համար հիանալի յարմարութիւններ ունի, սակայն դարերի անապահով վիճակը, բայց նաև ինքնահոս աղբիւրների առատութիւնը և կլիմայի մեղմութիւնը թելադրել են մարդկանց գիւղեր շինել ամենատանտանելի, գծարամերձ և ամեն հանգստութիւնից զուրկ մասերում, գլխաւորապէս թշնամու յարձակումներից և ձմեռայ բքաբեր քամիներից ազատ լինելու յոյսով: Ուշթափան բազմաթիւ աղբիւրներ ունի, մանաւանդ նրա աւելի բարձրը, լերան ստորոտներին մերձաւոր մասերում, իսկ Պատմագրի յիշած գիւղերի մերձաւորութեամբ, ջրերը պակաս են և ամառայ շոգերին մարդ ու անասուն բաւականաչափ նեղւում են խմելու ջրի պակասութիւնից:

Յակոբ եպիսկոպոսը իր առուն շինել է Ուշթափայի ամբողջ երկարութեամբ, հիւսիսից հարաւ-արեւմուտք, մօտաւորապէս 30 կիլոմետր տարածութիւնից: Դաշտի բնական թեքութիւնը և հարթութիւնը առուի փորման զործը բնականաբար կը գիւրացնէին, բայց որովհետև դաշտի մէջ յաճախ են հեղեղատներ և բլրանման բարձրութիւններ, գետինը տեղ տեղ ամուր քարերով է ծածկւած. առանց բարդ աշխատանքների անկարելի էր զործը գլուխ հանել: Մանրամասն հետախուզութիւնը

կ'պարզի թէ հեղեղատների և այլ դժւարութիւնների առաջը շինարարն ինչպէս է հարթել: Կարեւոր է այդ հետախուզութիւնը Ուրարտեան արուեստի հետ համեմատելու համար:

Առուն գործում էր մինչև 14րդ դարը, երբ Օրբելեանն իր նկարագրութիւնն է տալիս. մանաւանդ որ Օրբելեանի նախորդ վանահայրը, Յովհաննէս եպոս.ը, հիմնական նորոգութիւններ էր կատարել: Նորոգողն արձանագրութեամբ յաւերժացրել է իր աշխատանքը, չմոռանալով նախորդին: Ու չթափայլի վրայ, Վերինշէնի դէմ յանդիման տեղում, մի ժայռ կայ ցցւած, որի տակով առուն էր անցնում: Այդ ժայռի $2,26 \times 0,83$ մետր բնականից հարթ երեսին նորոգողը գրել է տւել իր արձանագրութիւնը.

«Յամի յորում էր թվ. ՉԽԳ (= 1294) ես տէր Յոհաննէս համաւն աստուծոյ եւ աղաւթիւք հոգեւոր հաւր մերոյ տէր Հայրապետա տարա զջուրս Վարարական ի Վարդուհն զոր աստուածապատիւ եւ հոգեւոր տէր Յակոբ գնեալ էր եւ տարեալ բազում աշխատութեամբ եւ արդեամբք. զխափանեալն ի բազում ժամանակաց կրկին նորոգեցաք, յիշատակ մեզ եւ նախնեաց մերոց որք հանդիպիք սուրբ երրորդութեամբ յիշեցէք ի Քրիստոս»:

Այդ երկու շինարար անձերի գործը այլ ևս գոյութիւն չունի. պատմական յի-

շատակարաններն շնորհիւ միայն գիտենք
այդ աչքի ընկնող գործի մասին :

Վարդուտը ցաքուտ դարձած վայրը
գտնւում է Տաթևի վանքի դէմ յանդիման՝
դէպի արևելք, Որոտն գետի ձախ ափին,
նշանաւոր Սասնայ կանոցից սկսող զառի-
վայրերում: Ուշթափայի պռունգին գլտ-
նւող պարսպանման ժայռի ստորոտում
անցկացրած առուի փորւածքն է մնում,
մի հին մատուռի աւերակ և փլւած պա-
տերի շարքեր, որով բաւական թեք զա-
ռիվայրերը կտրատւել և յիշած այգիների
ու տնկարանների տեղիք են դարձրել:

Հայաստանի անցեալ գիւղատնտեսա-
կան մշակութեան համար ուշագրութեան
արժանի տուեալներ են խաղողի որթի,
պտղատու ծառերի և ծաղիկների յիշատա-
կութիւնը. մանաւանդ այն, որ մեր երկրի
մէջ Տաթևի ձորում մշակւել են ձիթենիներ,
որ այժմ գոյութիւն չունին:

դ. Արագած լեռան ստորոտում գլտ-
նւում է հնագոյն դարերից իր անունն ան-
փոփոխ պահած Թալիս գիւղը, որի մէջ կան
եօթներորդ դարուց պահւած երկու կիսա-
ւերակ եկեղեցի, մէկը փոքր մատուռ,
միւսը մեծ կաթուղիկէ, եօթներորդ դարու
հայկական լաւագոյն ճարտարապետու-
թեան յուշարձան և ուշագրաւ գերեզմա-
նային կոթողներ: Տաճարի մայր սիւներից
մէկի վրայ 783 թւականից փորագրւած է
այսպիսի մի յիշատակարան.

«ՄԼԲ թուականութեան հայոց եւ Ուխտասուր վանականս եւ Տուսի եղբայր իմ բերաք աղբեւրանիս ի Քարկապ նուր/ա/տէն ի Թալին . թէ յիշխա(ն)աց ոք խլե իմ մեղացս պար(տ)ական եղիցի» :

Յիշատակարանը սկիզբը արտագրել էր եւրոպացի ճանապարհորդ և տպւել էր սխալներով Այրարատում : Յետոյ առ տեղեւան մենք կրկին քննեցինք և Սոկրատի պատմութեան յառաջաբանում 1892ին հրատարակեցինք , բայց դարձեալ մութ էր մընում , թէ արդեօք նուբասեմ պիտի կորդալ , թէ ոչ : Յամենայն դէպս հայ ջրաշինարարութեան արձանագրութեանց մէջ սկզբնական բնադրով հնագոյն արձանագրութիւնն է , 783 թ . , որից աւելի հինը մեզ ծանօթ չէ : Թալինը իր շրջակայքով մեր երկրի կարևոր տեղերիցն էր , թէեւ ներկայումս բաւական խեղճ վիճակ ունի : Հայկական ճարտարապետութեան գեղեցիկ մնացորդներ , ոչ միայն Թալինում , այլ և նրա մօտակայ տեղերում , Մաստարայում , Ներքին Թալինում , Իրինդում , Թալիշում կամ Արուճում , Աշնակում և այլն , խօսուէն վկաներ են , որ վեցերորդ դարից մինչեւ իններորդ դարը , այդ շրջանում բազմաթիւ և լաւ կենցաղով ապրող ժողովուրդ կար , որ կարող էր գոյութիւն ունենալ միայն երկրի արդիւնաւէտ և յաջող մշակութեամբ և որ առաջնակարգ տեղ էր տըրւած ոռոգման գործին : Այդ ենթադրու-

Թիւնը հաստատուում է կոշի ջրային վեճի
խնդիրը, որի հետ կ'ծանոթանանք:

Ուխտատուը վանականը ո՞րտեղից է ջրեր
բերել Թալինի համար, այժմ այդ տեղը
յայտնի չէ. ո՞րտեղ էր գտնւում Քարկա-
պինու բաժն, ընդունելով որ այդ ընթեր-
ցուածն է ուղիղը: Տեղական ժողովուրդը,
ոչ հին բնակիչներ, այլ նոր գաղթական-
ներ, անտեղեակ են հին բնակիչներին մէջ
պահուող սովորական աւանդութիւններին
և նրանց ցուցմունքը առանձին կարևորու-
թիւն ունենալ չի կարող. իսկ նրանք ցոյց
են տալիս եկեղեցուց մի կիլոմետրաչափ
դէպի սարը բարձրացող լեռնահովիտ, որի
առաջը հնուց պատնէշ կայ քաշւած, իսկ
այժմ հողով է լցւած և մշակելի արտ է:
Նրանց տեսլով այդտեղ հնում արհեստական
ջրամբար էր շինւած, դարնան ջրերը հա-
ւաքելու համար: Հովիտը, որ անձամբ
քննեցինք, բաւական փոքր է և նրա մէջ
հաւաքւած ջրերը մեծ բան չէին կարող
լինել. սակայն անկասկած է, որ դա իս-
կապէս ջրամբար է, փոքր մասշտաբի:
Ուշադիր հետախուզութիւնը գուցէ այդ-
պիսի ջրամբարներ աւելի ի յայտ բերի,
բայց թէ արդեօք դա է Ուխտատուի շի-
նածը, թէ տակաւին անծանօթ մնացած
Քարկապի ջրերն է բերել, մնում է չլուծ-
ւած: Ուստի մենք բաւականանանք միայն
ջուր բերելու փաստն արձանագրելով:

և. էջմիածնի Թանգարան է բերւած

բազալտ քարից մի մեծ կոպիտ քար, հա-
մարեա անտաշ վիճակում, ջրային շինա-
բարութեան յիշատակարանով: Քարի վե-
րեւի մասում, մէջտեղը փորւած է մի խաչ
և դրա շուրջն ու ներքեի ազատ շերտի
վրայ, չափազանց անկանոն եղանակով,
առանց տողերի և միատեսակ ուղղութեան,
փորագրւած է յիշատակարանը: Գրերի մի
մասը գլխագրեր են, մի մասը բոլորգիր,
շղագրին մօտեցող:

Այդ արձանագրութեամբ ոմն Քորֆ ի
թագաւորութեան Սինեֆերիմա ջրի առու է
հանել ՆԽԱ. (= 992) թւին:

եղեւ

հիւն

ջրի

կամ

նու

վաւ

մ

ւեղ

ւց

լ

հաւե

յաւնչե

Աւ

ՆԽԱ.

ի քաղաքի ռոն
քեւեւիս քեւեւիս
հրեւիս քեւեւիս
քեւեւիս քեւեւիս

«կամ եղեւ ի հիւսիս (հոյս) ջրի | զառուն
վաս (sic) | մեղաց | հանել | յառուն |
Ա. | ՆԽԱ. (= 992) | ի թագաւորութեան
| թեան սինաք | էրեմա ես քոր | ք կակ-
նեց խաչ» :

Արձանագրութիւնը գրւած է երկա-
թագրով և հնաձեւ բոլորգրով. կարդացւում
է դժւարութեամբ և հասկանալի է, որ ա-
ռաջի հրատարակութեան մէջ սխալներ
կան: Հնութեամբ, գրերի ձևով և բովան-
դակութեամբ կարեւոր է: Այս քարը բեր-
ւած է Էջմիածին «Իգտիրէ դէպի Երասխ
երկու ժամ հեռի Բլուր գիւղից, որի առ-
ջեւէն կ'անցնի փոքրիկ առու մը, սկիզբն
առնելով Ղարաղալայից» . մի տեղեկութիւն
որ հաղորդում է Կ. Բասմաջեանը (Բանա-
սէր, 1901, էջ 130-131), որ հրատարակել
է քարի լուսանկարը և արձանագրութիւնը:
Այս տեղեկութեամբ պարզւում է, առուն
Քորքը հանել է Երասխի ոջ ափից, և իս-
կապէս յիշեալ գիւղը ոռոգւում է Երաս-
խի ջրով:

զ. Մխիթար Այրիվանեցին իր պատ-
մութեան մէջ (հրատ. Մ. Էմինի, Մոսկովա,
1860, էջ 58) գրում է.

«Ապիրատ իշխան երկոտասան հազար
հեծելի — — — Սա շինեաց զկեչառուս և
հան զառուն Երևանայ» :

Երևանն ունի ներկայումս մի քանի
առուներ. բուն քաղաքի անմիջական մեր-

ձաւորութիւնները ջրում են Ղրխքուլաղից
սկիզբն առնող Գետակաչայի ջրերով եւ
Ջանգու գետից հանած առուներով։ Անո-
րոշ է մնում Ապիրատ իշխանի հանած ա-
ռուի բուն աղբիւրը։

Է. Բաղրատունեաց իշխանութեան
մայրաքաղաք ծառայող նշանաւոր Անի
քաղաքը թէեւ շինւած է Ախուրեանի եւ
Ծաղկոցաձորի հովիտներով կաղմուող մի
տեսակ թերակղզու վրայ, ինչպէս Արշա-
կունիների ամրոց Անի-կամախը, բայց այդ
ջրերը շատ խորն են ընկած, ամրութիւն-
ների եւ պարիսպների շրջանակից դուրս,
եւ աղգարնակութիւնը գետնափոր անցքե-
րով միայն կարող էր մօտենալ այդ ջրերին։
Պրոֆ. Մառի պեղումները քաղաքի մէջ
ի յայտ բերին դանադան ուղղութեամբ
տարւած քունդեր, որոնց հետքերը տա-
նում հասցնում են մինչեւ քաղաքի արեւ-
մուտքում գտնւող, ոչ շատ հեռի ընկած
Ալաջադաղի ստորոտները։ Ալաջադաղից
մեծ յորդութեամբ աղբիւրներ են դուրս
թայթքում, որ բնական հոսանքով ուղ-
ղւում են դէպի Անին եւ Ծաղկոցաձորի
ջրերի մի մասն են կաղմում։

Կասկածից դուրս է, որ քունդերով
այդ աղբիւրների ջրերիցն են քաղաքին
ջուր մատակարարել։ Պ. Թ. Թօրաման-
եանը գրում է այդ մասին. «Յիշատակու-
թեան արժանի գործ է ջրմուղը, որուն
միջոցով լերան ստորոտներէն ջուրը կ'հաս-

նէր մինչեւ Անի և կ'ըսործըանար պալատի
բարձունքներուն վրայ։ Ուշադրութեան
արժանի էր ջրմուղի որոշ մասերուն շին-
ուածքի կերպը, որն որ նախընթաց տա-
րիներ Պ. Ն. Մանի պեղումներով բացուե-
ցաւ. կային տեղեր որ թրծած հողէ խո-
ղովակները ջրի ուժեղ ճնշումներէն անմաս
պահելու համար կրկնակի քարէ խողովակի
մէջ ամփոփած և մաքուր կրաշաղախով
պնդացուած են» (Ա.դ. Հանդէս, XXIII,
1912, էջ 5-6)։

Այս ձեռնարկութիւնը վերագրւում է
Աշոտ Ողորմած թագաւորին։ Նոյն պե-
ղումներն ի յայտ բերեցին խոշոր ջրամբար
միջնաբերդի պալատի հարաւային մասում։
Ջրամատակարարման այս մանրամասնու-
թեամբ այս եղանակով էլ պատմական եր-
կու Անի ամրոցները միմեանց նմանւում
են։ Նախ քան պեղումները մի արձանա-
գրութիւնից արդէն յայտնի էր, որ Առաւն
Մագիստրոսը տասն և մէկերորդ դարում
քաղաքի համար խմելու ջուր էր բերել։
Ահա այդ արձանագրութիւնը.

« — — — Եւ Առաւն Մագիստրոս մեծա-
րեալ ի մեծափառ թագաւորութեանց
ի գեղ զարդու և ի տիս մանգութեան
իմո եկի յարեւելս, ի գեղեցկաշէն բերդս
յԱնի, բարձրացուցի բաւանդակ զպա-
րիսպ սորին կառկառակոյտ արձանաւք
եւ հաստահեղոյս ամրութեամբ. եւ ի
յիմոց մեծածախ գանձուց ածի ջա-

նիւ ջուր յորդաբուխ ի մէջ ամրոցիս
յուրախոյ թիւն եւ ի զովացումն ծարաւ-
եաց — — : »

Արձանագրութեան մէջ չի պահած
թւականը, բայց որովհետեւ արձանագրու-
թեան մէջ յիշւած է բիւզանդական կայս-
րուհի, հաւանական Զօէն, ուստի ընդուն-
ւում է որ Առաւելը իր ձեռնարկութիւնը
կատարել է 1045—1054 թւականներին :

ը. Անի քաղաքի մերձաւորութեանն
է գտնւում Հոռոմոսի նշանաւոր վանքը,
Ախուրեան գետի աջ ափին : Նրա վանա-
հայրերից մէկը Մխիթար անունով 1198 թ.
վանքի համար ջուր է բերել. չի ասւած
խմելու թէ ուղղման նպատակաւ. տեղա-
կան ծանօթութիւնը կ'պարզի այդ : Զրի-
բերելը առերեւոյթ կապւած էր որոշ զըժ-
արութիւններին հետ, որովհետեւ արձանա-
գրութեան մէջ կարդում ենք, որ Մխիթա-
րից առաջ նոյն իսկ Հայոց թագաւորներն
այդ գործը գլուխ հանել չեն կարողացել :

«Ի Ոկտ (=1191) թուիս ես հայր Մխի-
թար սատարութեամբ Սարգսի կրաւնա-
ւորի — — — զԱկանց ջուրն, զոր մեր հին
թագաւորացն կարի յոյժ ջանացեալ եւ
ոչ ժամանեցին բերել — — — մեծ ծախիւք
ածաք ի Հոռոմոսի վանս — — — Եղեւ այս-
ի հայրապետութեան տեառն Բարսղի-
եւ ի տէրութեան վանացս քրիստոսա-
սէր պատրոնացս Գրիգոր Հէճպին եւ
Սմայատա եւ եղբարց իւրեանց եւ ի տէ-

րութեան քաղաքիս եւ բոլոր երկրիս
հաւոյ . . . Չաքարէի եւ Իվանէի» :

Կէս դար անց այդ առուն մնասում
է եւ խափանւում — խուպանեալ էր — ե
տմն Առիւծ մնասւածները նորոգում է :

«Թվիս Չ (= 1251 թ.) կամաւն աստու-
ծոյ եւ Առիւծս Հոգեւորեանց եւ ամու-
սին իմ Սեդ միաբանեցաք սուրբ Յո-
վանիսի, յառաջնորդութեան տէր Բար-
սղի բերաք զշուրս որ տաթարովս (?)
խուպանեալ էր . . . » :

Արձանագրութեան ճաքարովս բառն
անորոշ է. դուցէ մարդու անուն է, որ
խանգարել էր ջրի բերելուն, ինչպէս այդ
արդէն մի անգամ տեղի էր ունեցել 1206
թւին :

«Ի ՈԾԵ (= 1206) թւիս եւ Չախաբայ
Շահնշահ, որդի Սարգսի, զաւրապետ
Հայոց եւ Վրաց, քակեցի զշրաղացն,
որ յԱկանս հակառակ ջրիս շինած էր
եւ վերստին հաստատեցի զշուրս ի վան-
քս Հոռոմոսի վասն արեւշատութեան
ինձ եւ եղբաւր իմոյ Իւանէի» :

թ. Հետեւեալ արձանագրութիւնները
եւ ջուր բերելու տեղեկութիւններ են պա-
րունակում Բիւրականում գտնւած .

«Ես հայր Գրիգոր որ Հայաքաղի զակնս
դրի եւ զառուս հանի, եւ տէրունի
հրամանով զՀայաթաղի հ — — րեցի Բիւ-
րական — — » :

Ժ. Գանձասար նշանաւոր վանից մօտ, խաչէն գետի ձախ կողմի մի բարձրութեան վրայ գտնւած Պառաւածոր կոչւած տեղում, եկեղեցու պատի վրայ փորագրւած է.

«Ո՛ւ (= 1181 թ.) թուին եւ իշխանութեան Սմայատա եւ Բարսեղ երեց եւ Սարգիս եւ այլ եղբայրքս եւ Սանասի երիցո որդիք մեր ժողովրդովս շինեցաք զեկեղեցիս եւ բերաք ջուրս — » :

ԺԱ. Դարալագեազ, Մարտիրոս գիւղի մի խաչարձանի վրայ փորագրւած է.

«Ի թվականիս հայոց ՋԼԷ (= 1288 թ.) յիշխանութեան Պապաքին եւ Ամիր-Հասանայ եւ Սարգիս եւ որդին իմ Պետրոս շինեցաք զաղբիւրս եւ կանկնեցաք զխաչս» :

ԺԲ. Ստ. Օրբելեանի մէջ յիշւած են ջուր բերելու այս գէպքերը :

Տասներորդ դարում ոմն վահան, որդի Ջաղիկ իշխանի, մտնում է կրօնաւորաց շարքը. իր համար և իր անունով մի վանք է շինում Բաղաբերդի ամրոցի մօտ, «հանգէպ Աճանանու» : Նրա մահւանից յետոյ վանահայրութեան պաշտօնն ստանում է իր եղբորորդին, որ ճոխացնում է վանքը՝ նոր շինութիւններով : Սա է որ յետոյ Հայոց կաթողիկոս է ընտրւում :

«Շինէ . . զգաւիթ եկեղեցոյն մեծամեծ քերածոյ վիմաւք երեսուն կանգնոց չափ . . . Շինէ եւ ի ձուլեալ կրաշա-

դախ քարանց տրապէզ մի մեծ եւ բերէ
փողովք զընւրն ի դուռն նորա . . » :

Ժգ. Աւելի ուշադրութեան արժանի
է Դարալագեաղի կամ Վայոց ձորի, Գլն-
դէվաղ վանքի վանահայր Սարգսի կատա-
րած գործը, որ ՆՄԷ (= 1008) թւին Ջկնա-
րած կոչւած գետից առու է հանում առա-
պար եւ անջրդի տեղերը ոռոգելով մշա-
կելի դարձնելու :

« Ի թագաւորութեանն Գագկայ, որդ-
ւոյ Աշոտոյ, իսկ ի Սիւնեաց եւ Բաղաց
նորոգ թագաւորութեանն Վասակայ . . .
հայր Սարգիս . . . անեալ զընւրն ի լեռ-
նէն ի մեծ դիտաւոր սարէն, ուր ա-
կունքն են քաղցրահամ գետոյն որ
Ջկնարած կոչեն, աներեւոյթ հրեշտակի
առաջնորդութեամբ, բազում ջանիւ եւ
մեծամեծ ծախիւք բերեալ հանդաստան
վանիցն, եւ զանհուն առապարն ան-
ջրտի արար ջրարբի եւ զամենայն լեռ-
նակողմն յորում ոչ գոյ ումեք հաշիւ .
ոչ Պրակեցեաց եւ Կեչուտեցեաց եւ ոչ
այլ սահմանակից գիւղօրէիցն եւ ոչ այլ
ումեք . եւ այս ի թուականին ՆՄԷ (= 1008) » :

Հետաքրքիր է այս առուն առ տեղ-
եան քննել. արդեօք ներկայումս ևս գոր-
ծում է թէ ոչ եւ թէ որքան տարածու-
թիւն ունէր, որովհետեւ ճանապարհին բա-
ւական գիւղերի մօտով է անցել :

Ժդ. Նոր Բայազէտի բերդի գլխին կայ
մի հին մատուռ, մօտը մի խաչարձան, ո-
րի երկար պատուանդանի վրայ կայ այս
արձանագրութիւնը.

«Ի թվ. ԲՃՂԱ. ես Ամիր Վա(հա)պս (որ)-
դի Վասիլ իշխ(ա)ն(ի) շինեցի զեկ(ե)-
ղ(ե)ց(ի)ս եւ զԳամառանո առուն հա-
նեցի կնիմանաց ձորէն եւ սարերէն :
Բնակիչք գեղիս խո(ս)տ(ա)ց(ա)ն տա-
ր(ին) : Գ : Ժ(ա)մ : կ(ա)տ(ա)ր(ո)ղ(ք)ն
ահնին յԱ.յ» :

Այս արձանագրութիւնը առաջին ան-
գամ հրատարակող թ. Ավդալբեկեանը չի
համարում ԲՃՂԱ թւականը հայկական հին
թւական, այլ սարկաւազադիր փոքր թւա-
կան, որի հետ հետեւապէս գումարում է
ոչ թէ 551 (= 842) այլ 1083 եւ ստանում է
1374 թ. իբրեւ արձանագրութեան ուղիղ
ժամանակ : Հաւանական, նա հաշւի է ա-
ռել նաեւ արձանագրութեան հնագրական
կողմը, թէեւ այդ մասին ոչինչ չի ասում
(տես, Տեղեկագիր ՀԽՍՀ. Գիտութեան եւ
Արվեստի Ինստիտուտի, Յերեւան, 1927,
հ. 2, էջ 216) :

2. Առուների նորոգութիւններ.

ա. Արդէն յիշեցին Տաթեւ և Հոռո-
մոս վանքերի առուների նորոգման արձա-
նագրութիւնները, որոնց մէջ տեղեկու-

թիւններ կային նախորդ աշխատանքներէ մասին. առանձնակի է մնում Աշտարակի Ականատեսի առուի նորոգութեան արձանագրութիւնը, որովհետեւ նորոգողը չի լիմացել առուի հիմք դնողի անունը:

«Շնորհիւն աստուծոյ եւ Յակոբ երեցս ըստ կարի մերոյ նորոգեցի զմեծ առու տեղւոյս բազում աշխատութեամբ որ խախտեալ հիմանց յիշատակ հոգւոյ լիմոյ եւ որք աւգնական եղեն տրաւք եւ աւանդ գրեցի, որ շինած տուն եկել տնանկաց աւթեւան լինի: ԹՎ. ՉԽԱ. (= 1292)»:

Սրա նորոգութեան թւականն է 1292, երկու տարի առաջ Վարարակից: Քասախ գետի խորը և բարձրադիր պատուտածքներով ջուր հանելը ուշագրաւ ձեռնարկ է և միանգամայն յարմար Ուրարտացիների արւեստին. ուստի կարելի է ենթադրել որ հիմնական աշխատանքը նրանք էին կատարել, երբ ամբողջ Արագած լեանը ստորոտներով իրենց տիրապետութեան ներքոյ էր:

3. Զրային վեճերի կարգաւորումն.

ա. Զուրը առ ու ծախի առարկայ էր և բաւական թանկարժէք, ինչ որ Սիւնեաց Յակոբ եպիսկոպոսի վճարած գումարն է ապացոյցանում: Զուրը գողացւում և յափշտակւում էր, ապացոյց նոյն Յակոբի

սոսկալի նստիւքները և թալին Տիրատուր
վանականի սպառնալիքը: Ջրին տիրապե-
տելու այնպիսի բարդ վէճեր էին տեղի ու-
նենում, որ յաղթելու համար երկրի ամե-
նաբարձր իշխանութեան միջամտութեան
կարիք էր լինում: Մի խօսքով տարածայ-
նութիւններ, որ յատուկ են հին տիրա-
պետական իրաւակարգերին:

Պատմական Արուսի ներկայումս թա-
լիսի եկեղեցու պատի վրայ 867 թւից մի
արձանագրութիւն կայ պահւած, որ նման
վէճերի կենդանի պատկեր է տալիս: Կոչ
և Արուս գիւղերի բնակիչները ընդհանուր
առուի ջրամասերի շուրջը անվերջ կռի են
բռնում, որ ոչ իրար մէջ ոչ ալ տեղական
իշխանաւորների միջոցով հարթել է լինում:
Գանգատը հասնում է Անիում գահակալող
թագաւորին և նրա սպարապետին: Վեր-
ջինիս կողմից եկած անձն է կարողանում
կողմերին հաշտութեան բերել: Որպէսզի
վէճը այլ ևս չկրկնուի, վճիռը տուող պաշ-
տօնեայն իր որոշումը փորագրել է տալիս
Արուսի մայր եկեղեցու պատի վրայ:

«ՅԺԶ Է քուսկանին Հայոց յի
Եխանուրի Առոսոյ եւ ի սերուրի Սմբատայ
Հայոց ասպարապետի Բագրատունոյ եւ ի
կաթաղիկո

սուրի Զաքարիայի եղեւ կռիւ ընդ յԱ-
րուս եւ ընդ Կոռ եւ
ընդ գաւառն, եհար Արուս գ'ոռ եւ զգա-
ւառն եւ կալաւ

զԿոճա վանականն եւ ի Քրքավանին ընդ
 անկին մինքա
 նի վանառեցին եւ Գրիգոր որդի վա-
 ռամա ծառա Ս
 մբասա Բագրատունո եկի հրամանաւ Սմ-
 բասա եւ եւ
 հաւասարեցի զշուրն ընդ Կոճ եւ ընդ
 յԱրուն գին
 շ իւրեանց բնիկ ռաամ եր լելա: եւ կեա
 Կոճա եւ :ա: Արն
 ո: Արդ եթե այլ ոք հակառակել ջանա
 այլ աւելի ո
 ամ յուզե .յթր. սուրբ հայրապետացն
 նզել լիցի եւ
 ի Սմբասա մահուամբ . . . պատուհասի»:

(մի բառ քերւած)

Մի երկրորդ արձանագրութեան մէջ
 դարձեալ Կոճա ջրի վէճի հարց է արձանա-
 գրւած: Արդեօք վերելը կարգաւորւած ջրի
 մասին է խօսքը. արձանագրութիւնից մի-
 այն այսքան է պարզուում, որ բռնաւոր մի
 անձն, կամ հարեւան գիւղի ժողովուրդը
 բռնութեամբ խլել են կոշապատկան ջուրը,
 որ դրամի վճարումով հազիւ են կարողա-
 նում ազատել:

«ՇԾ թվականիս (=1101 թ.) եւ հայր Յո-
 հանէս բազում աշխատութեամբ /սաս/-
 տիկ երդուեալ Կոճա քանուխաւքս դա-
 քաւորն աւագերեցն . . . քափեցին զբնա-
 ջուր առուն :Մ: (=200) դահեկանի գնի
 որ Աւագին տան եւ որ . . . »:

բ. Անշուշտ այդպիսի մի ջրային վեճի հետևանքով է որոշում կայացրած և Տեկոթի եկեղեցու վրայ արձանագրւած հետևեալը, 1036ին, Յովհաննէս Շահնշահի թագաւորութեան և Պետրոս Հայոց կաթողիկոսի հայրապետութեան ժամանակ:

«Ես Հապ. . . շահիկս եւ եկեղ(ե)ցպանս միաբան եղբայրաւքս Խնձկաւնից վանսն Տեկոթոյ ջրոյս և Ագարակաց ուղեւորինչ առաջի թագաւորու. . . ն լել է ի՞ աւրս եւ ի՞ գիշեր Տեկոթոյ է եւ ի՞ աւր եւ ի՞ գիշեր Ագրկոց հարցի. . . և գիտողս նշովուք եւ երդնլով աւղորդն այտ է . . . »:

գ. Լմբատ վանքում արձանագրւած է, որ Անօրէնները — արդեօ՞ք մահմեդականներ, որոնց մասին սովորական է այդ բառի դորժածութիւնը, թէ վանքը յափըշտակող անձինք — գրաւել էին վանքը և յետ են ստանում փոխարէնը դիջելով կամ հատուցանելով «ղցիցքն վանիցս եւ զշուրն»: Ինձ համար անհասկանալի է ցիցբ բառը այսպիսի դորժածութեամբ:

«Ոն թ. (= 1191 թ.) . . ես skr Բարսեղ որ գնեցի զվանֆս յանաւրիմաց եւ ետու զղցիցքն վանիցս եւ զշուրն, որ իւրեան էր ի հնոց լեալ, յիշատակ ինձ . . . »:

4. ՆԼԻՐԱՏԼՈՒԹԻՒՆՆԵՐ ՎԱՆԲԵՐԻՆ ԵՆ ԵԿԵՂԵՑԻՆԵՐԻՆ.

ա. Ստ. Օրբելեանն իւր պատմութեան մէջ է առել երկու արձանագրութիւններ, որոնցմով յիշատակում է, թէ Սիւնեաց Սուփան իշխանը 901 թ. իր ծախքով եկեղեցիներ է շինել տւել, հոգեւորականաց դաս հաստատել և պահպանութեան համար խոշոր նուէրներ տւել. գիւղ, հող, ջուր և ձուկ որսալու իրաւունք շնորհել:

«Ինձ Սուփանայ յիշատակարան հաստատեալ հոգեւոր ի Բրիստոս ի Բաղափազեղս Կոքայ ՚ի կացուածի իմոց նախնեացն կամաւքն աստուծոյ շինեցի տուն տեառն . . անուանակոչութեամբ սրբուհւոյ տիրամաւր Աստուածածնին վիմատաշ, կոփածոյ քարամբք եւ ի սմա սենեակս ութ ի վերոյ եւ ներքոյ: Եւ ապա ի սմին սուրբ քաւարանիս կարգեցի քահանայս եւ զարդարեցի . . ես սահմանեցի հողս եւ ջուրս, եւ ետու միոյ միոյ քահանայի յիսուն դրամ ի տարւոջն . .» (Օրբելեան, Պատմ. Թիֆլիզ, 1910, Գլ. Լէ. էջ 177-178):

Երկրորդ արձանագրութիւնն է.

«Կամաւն աստուծոյ ես Սուփան, Սիւնեաց իշխան, շինեցի զՄաֆենոցաց եկեղեցիս, եւ անխնայաբար զարդարեցի

պատուական սպասուք եւ աստուածա-
յին կտակարանաւք. եւ ետու զսեպ-
հական տեղն մեր ի սա, որ ըստ ան-
ուան եկեղեցւոյս Աստուածածին ասի,
ամենայն սահամանաւք, լերամբք եւ
դաշտիւ. եւ ետու որս ձկանց . . . »
(էջ 179):

Շարունակութեան մէջ յիշւած են նաեւ
այլ նուէրներ. հետաքրքիր է մեզ համար
ջրային հարցի հետ կապ ունեցող ձկնոր-
սութեան յիշատակութիւնը, անշուշտ Սե-
ւանի լճից:

բ. Հետաքրքիր է Անիի մէջ պահւած
մի արձանագրութիւն, որի մէջ գրւած է
ՆՁԵ (= 1036) թւից.

«Կամ եղեւ ինձ տեառն պետրոսի հա-
յոց կաթուղիկոսի տալ զայգին Աշնկի,
որ ի մեր կորդո արկած էր . . . մարդ-
պանին Ապղղարիպա, որդւո Գրիգորո
Պահլաւունո վասն առաւել սիրոյն եւ
երախտեացն, զոր ծառաեալ էր սուրբ
Լուսաորչի աթոռս. արդ տուաք . . .
եւ Գ. աւր ջուր ազատ ի խալաէ եւ ի
գեղջէ յամենայն հասուց . . . իսկ նա
ընծաեաց յիւր շինեալ եկեղեցիս ի սուրբ
Փրկիչս բաժակի . . . »:

գ. Զաքարիա Սպասալարը հայկական
արձանագրական յիշատակարանների մէջ
ամենայնաճախ յիշատակւած անձնաւորու-

Թիւններիցն է, որովհետեւ հայկական վանքերի մեծ հովանաւորն ու նուիրատուն էր: Ուշադրութեան արժանի է այն մեծ նուիրատու թիւնը որ նա արել է Հառիճայի վանքին: Բացի այլ և այլ շինութիւններից, այդ վանքին է ընծայում իր սեպհական գիւղը, ջրաղացներ, պարտէզներ, խաղողի այգիներ, ևն: Վանքի հիւսիսային պատի վրայ խոշոր երկաթագրերով երկարօրէն թւարկում է իր ընծաները:

«Նս Ջաֆարէ, մանդատորթա խուցէս, ամիր սպասաւար հայոց եւ վրաց, որդի մեծի Սարգսի, գանձագին արարի ըզհռչակաւոր սուրբ ուխտս Հառիճայի յիւր բնական հայրենատիրացն յաղաղս կենդանութեան տեառն իմոյ, բարեպաշտ Թամար Թագուհւոյ. եւ փրկութեան ինձ եւ հարազատ եղբաւր իմոյ յիվանէի և զուականց մերոց Շահնշահի եւ Աւագին. եւ ծնողաց մերոց: Շինեցի ի սմա ամրոց եւ զկաթողիկէս բազում ծախիւք եւ զարդարեցի ամենայն սպասիւք եւ սրբութեամբ եւ զիմ գեղն, որ է մերձ ի սուրբ ուխտս, զՄողորիոն (թէ Մոկորիոն) ընծայեցի սուրբ Աստուածածնիս բոլոր իւր ամէն հողահատովն, սարովն եւ ջրովն, զոր բնական լեալ է: Եւ ետու ջաղաց մի ի Գետիկ, որ Դիւաղաց կոչի. ջաղաց մի յԱնի Գլիճորին եւ պարտէզ մի ի Ծաղ-

կաձորին. այգի մի յԵրեւան եւ այգի մի ի Թալին: Եւ զառաջին սահմանքն, որ բուն լեալ էր, հաստատեցի ի սահմանախաչէ ի Հառիճա գետն կոռ մարգով, Գբերովն, Յամաքձորով, Ճինարին Հարով, Գոմցեց ձորովն, Արեն աղբերով, Հին Հառիճաով . . . նաեւ գրեցաւ կտակս հաստատ թիւ: ՈԾ: (= 1201)»:

Ոմն Հեճուպ Վահրամ աւելի ուշ, մօտ 1235 թ., Հառիճայում ժամատուն է շինում եւ վանքի համար ջուր բերում, որը «միւս ջուր» է կոչում, ուրեմն արդէն եղածի վրայ նորն է աւելացնում:

«Աստուածասէր եւ արդիւնաւոր պատրոնն Հիջուբ Վահրամ շինեաց զվայելուչ ժամատունս եւ եբեք զմիւս ջուրս յիշատակ հոգո իւրո եւ զաւակաց իւրոց եւ ամուսնո իւրո Թամարին. . .»:

Դարձեալ Զաքարիա սպասալարը խոշոր նւէր է տալիս Հաղբատի վանքին եւ ընդարձակօրէն արձանագրում: Սա 1210 թ. «յամս աւծելոյ Աստուծոյ թագաւորաց թագաւորին Դէորգէ, որդւոյ մեծի թագաւորին Թամարին», իր սեպհական մի կալուածքը փոխանակում է ոմն Շոթրկայ որդի Դաւթի կալուածքի Հաղբատ գիւղի հետ եւ նոր ձեռք բերածը նւիրում, հողով ու ջրով, Հաղբատի վանքին, որովհետեւ իր ունեցածը վանքից հեռու էր վրանում:

« . . . եւ առի երկու գեղին փոխան զՀաղբաս հայրենիք եւ ընծայ սուրբ Նշանին ամենայն սահմանաւք, ոնց բնական լեալ է հողով եւ ջրով, խոտամարգերով, մայրիւք եւ ջաղացովք. գոմամարգերով. լերամբ եւ դաշտով. վասն կենդանութեան թագաւորին եւ արեւշատութեան որդւոյ իմոյ Շահնշահի եւ եղբաւր իմոյ Իւանէի եւ որդւոյ իւրոյ Աւագին եւ յիշատակ մեզ եւ ծնողաց մերոց :

Եւ է այս գեղ ազատ յամենայն հարկի ի պատրոնաց, ի ձեռնաւորաց, ի գիւղականաց . . . ով զՀաղբատս յետ առնու . . . նդովի . . . » :

Նոյն Զաքարէն իր եղբայր Իւանէի հետ 1200 թ. Գեղարդայ կամ Այրիվանքին ջուր են շնորհում, համեմատ այս արձանագրութեան.

« Ի թուի ՈԽԹ (= 1200) քրիստոսասէր իշխանաց իշխանին Զաքարէ եւ Իւանէ վերստին դարձոյց զջուրն Ամսունամասակի Էշ (հինգշաբթի) եւ ուրբաթ ի սուրբ ուխտս. զԱ. (զմի) աւրն որ է ուրբաթու . . . (թերի) :

դ. 1211 թ. մի արձանագրութեան մէջ յիշւած է Սպարապետ Բուբայի նւէրը :

« Թվին ՈԿ (= 1211) նորոգեցաւ եկեղեցիս առաջնորդութեամբ Յովասափի

եւ Անարայիսի, մեծ սպարապետ տէր
երկրիս Բուքայ եւ առու ինչք զայգին
Ոսկէբակայ, որ է առու Քանափեռու.
ք. ական ջաղացին աչիկ . . . (թերի):

ե. Զաքարէի եղբայր Իւանէ Աթա-
բակը 1219 թ. Աւան գիւղի ջրի մասին այս-
պիսի կարգադրութիւն է անում.

«Ոկը (= 1219) ես Իւանէ Աթաբակ հայոց
եւ վրաց զկուչա (?) Աւանա, որ ի հնուց
նոցա էր եւ կրկին գնեցին ի Զաջոս բա-
զում գանձ 'ի հայրենիք: Արդ ոք յի-
մոց կամ յաւտարաց լինի տէր երկրիս
հող եւ ջուր աւելացնել պարտ է Աւանա-
վասն միամտութեան սոցա եւ ով խլէ
ակաւս մի կամ մի բահով վարէ, շարէ
տայ Ռ (= 1000) ու . . . նդովեսցի . . .»:

զ. Նոյն Իւանէ աթաբակը նւիրում
է Շիրակա եկեղեցու ջրային հարկը.

«Ի թ. ՈՀէ (= 1228) շնորհիւն աստու-
ծոյ ես Իւանե եւ Խոճակա վրաց եւ Հա-
յոց թագոհի վասն յերկար կենդանու-
թեան հարազատաց մերոց մանդատոր-
թա խուցէս Շահնշահի եւ ամիր սպա-
սալար Աւագին քողափ զգեղիս Շիրակա
զապուռիշի եւ զջրսահին բաժն յոր-
դեցէ յորդիք ազատ ի բաժէն . . .»:

ե. Վերե յիշւած Հոռոմոսի վանքին
երկու նուագ հողի և ջրի նուիրատւութիւն
է տեղի ունենում 1231 թուին.

«Շնորհիւն Քրիստոսի եւ Ասլանս, որդի
Շիրականն եւ զ/ւղակից իմ Ասուշիս
տուաք զմեր գանձագին հայրենիքն
զԳողեցն զկէս գանգն իւր հողովն եւ
ջրովն ի սուրբ Յովաննէս յառաջնոր-
դութեանս տէր Բարսղի արհիեպիսկո-
պոսի, որդւո Ամիր Երկաթա» . . . (թերի):

«Ի սոյն ամի եւ Խոսրով, որդի Վարհմա
Լաւռեցո եւ զ/ւղակից իմ Շուշիկ տուաք
զմեր գանձագին հայրենիք զԲարհատին
գանգն իւր հողովն եւ ջրովն ի սուրբ
Յովաննէս . . . » :

ը. Սիւնիքի նորավանքի 1261 թ.
մի արձանագրութեան մէջ պահւած է Սիւն-
եաց Սմբատ իշխանի ջրանւիրաբերութեան
յիշատակութիւնը .

«Ի թվիս ՉԺ (= 1261) այս գիր յիշա-
տակի եւ արձան անջնջելի իմ Սմբա-
սայ իշխանաց իշխանի, որդւոյ մեծին
Լիպարիտի . . . շինեցի զեկեղեցիքս .
վերստին նորոգեցի . . . պահարանաւք
եւ ետու իմ հայրենեացն . Բ. (= 2)
գիւղ ի սուրբ Նախավկայս, զԱւէշ ու
Անապատ եւ յԱկոռի զնորասունկ մեծ
այգին իւր կիրակաջրովն . . . » :

թ. Կորսի շրջանում գտնւող Բագ-
նայրի վանքը 1262 թ. երկու գանազան ան-
ձերից հողի և ջրի նուէր է ստացել :

«ՉԺԱ. (= 1262) . . . Եւ Ապուղամբ, որդի

Մագիստրոսի, թոռն Վահրամ իշխա-
նին . . . ետու զիմ գանձագին հայրե-
նիքն զԿաղղուց կէսն իւր հողովն եւ
ջրովն ի սուրբ Աստուածածնամայրս . . .»
(Թերի):

«ԶԺԱ. (= 1262) . . . ես Խաւռազ, մեծ
Խաւռազիս թոռն, Ասասնիս որդիս, իմ
անդրանիկ որդին Սասնայն, որ կէս
տարեկան ի Քրիստոս փոխեցաւ, յիմ
գանձագին հէրէնեցս յԱշնկու, որ իմ
պապն գնել էր ու սիկելով յիս տվել,
ինչ իմ պապն մեռաւ ես Խաւռազ իմ
կնոջն զբաժինքն, ահն ու մարգարիտ
իմ պարոնին տվի, Շահնշահի, ու կըր-
կին զԱշնակ գնեցի եւ զիմ որդւոյն
բաժինն զՍասնին ի Բգնեսս սվի յԱս-
տուածածինս. զվէրի իգին իւր ընծա-
նովն . ք. (= 2) շինական, զՄեհրեւան
ու զԽաչատուր Դուլուսին փեսայն, իւ-
րենց հողովն ու ջրովն ի Տգնիս զջա-
ղացն, յիմ խոտահարն . Ճ. (= 100)
բարդ խոտի տեղ, որ վանքս ընծէ . . .
սկի արծաթի: Ես Խաւռաս զայս ընծա
տվի սուրբ Աստուածածնիս, ով որ գրե-
լոցս հակառակի, Աստուածամայրս լինի
իւրն դատախազ . . .»:

Ուշագրութեան արժանի տեղեկու-
թիւն է, որ նուիրատուն երկու շինական
եւ նւիրում է վանքին, նրանց յատկա-
ցրած հողով ու ջրով:

Ժ. Տարսայիճ «արքայաշուք» իշխանի աղջիկը Ասփէն Ղարաբաղի Խաթրայ վանքին մի բանի ջուր է նւիրել եւ վանքի պատի վրայ յաւերժացրել իւր նւէրը .

«Ես Ասփե, դուստր արքայաշուք իշխանին Տարսայիճին, թագադարմ մաւրն իմոյ Մինա խաթունին նպաստ եղեալ քրիստոսապսակ գլխոյ իմոյ . . . իշխանին Գրիգորի ի շինութեան լուսանուէր սուրբ եկեղեցոյս . . . տուի զմեր խոսհողն բլրի հանդի զսենեկպան Ս. բանի ջուր . . . զմեծ տէր Յովհաննէս, շինող եկեղեցոյս, որդին Դաւիին, եղբայր մեծ իշխանին Հասանա յիշեցէք . . . » :

Ժա. Քասախ գետի աջ ափին էր գլտնում հայկական ճարտարապետական գեղեցիկ յիշատակարաններից մէկը, Յոհաննա վանքը, մինչեւ մի 15 տարի սրանից առաջ բաւական լաւ վիճակում, թէեւ ունէր աչքի ընկնող ճեղքւածներ. այդ ժամանակ երկրաշարժի ցնցումներից հիմնովին կործանւեց : Նրա պատի վրայ պահւած բաղմաթիւ յիշատակարաններ կային . մէկի մէջ յիշատակւում է, որ 1283 թ. Քուրդ իշխանի որդի Հասանը վանքին նւիրաբերութիւն է անում :

«Թուին ՉԼԲ (= 1283) ես Հասան իշխան, որդի Քրդին իշխանաց իշխանի եւ մաւր Խորիշահի յաղգէ Մամիկոնեանց, թողն մեծի Վաչէի եւ բարեպաշտ ամուսին իմ

Արուս խաթուն յազգէ Ուքանանց տա-
րածամ եւ կէս աւուրց ելաք յաշխար-
հէ, աւանդեցաք զհոգիս մեր եւ զամէն
հայրենիսն եւ զզաւակսն մեր Դաւթի
եղբաւր մեր հարազատի եւ աստուա-
ծասիրի . . . տուաք ի սուրբ Կարապետս
եւ եղբայր իմ Դաւիթ զմեր գան-
ձագին գեղն զՎահրամագեղ եւ զՂա-
մազանցն իւրեանց ամէն հող եւ ջրով
եւ բնորդի մարտկաւք. Կարբի զմեր
գնած եւ զմեր ձեռատուենկ այգին եւ
Զքարկենց փոսն եւ զՈրդկան, որ սեպ-
հական հայրենիք էր եկեղեցւոյս եւ ի
չար եւ ի դառն բերմանց ժամանակիս
ելեալ էր ի վանացս, բազում աշխատու-
թեամբ եւ յոլով ծախիւք դարձուցաք
ի սուրբ ուխտս» :

Ժր. Արձանագրութիւնների յիշւած
ժողովածու գրքի մէջ բացառաբար տպա-
գրւել է մի արձանագրութիւն հարաւային,
տաճկական սահմանում գտնւած Հայաս-
տանից, որով Արեւելի սուրբ Յարութիւն
եկեղեցուն 1291 թ. ջուր է տրւում «ամէն
երկուշաբաթ, գիշեր եւ ցերեկ», իսկ մի
շաբթ գիւղականներ հողեր, այգիներ և
տներ են նւիրում :

« Ի ժամանակս տէրութեան Ուլաուն
ղանին եւ ծառայ ծառայիցն աստուծոյ
տէր Աբրահամ տեսչ զաւառիս Քաջ-
բերունն տվաւ ինձ տեղիս այս տեառնէ

սորին Սահմագին կոչեցեալ. եւ շինեցի
 զեկեղեցիքս . . . պարոն Սահմագինն
 տանուտէրաւքն Ասպիսնկայ, զի սե-
 փական աւանդսն, որ կարգեալ էր յա-
 ռաջնոցս նախ քան զաւերն ի Խորազ-
 մէն, դարձեալ հաստատեցին տեղւոյս:
 Ի մարդէն Ծ. (= 50) բարդի տեղ եւ Բ.
 (= 2) արտ, մին ժե. (= 15) եւ միւսն
 ժ. (= 10) եւ ի Սեւակն Ի (= 20) բարդ
 խոտեղի եւ զշուրն Վրհաւնից յամէն Բ.
 շաբաթ զսիւ եւ զգիշեր: Եւ ետ պարոն
 Սահմագին զգեղն Մեծոփ իւր մզրա-
 յիւքն եւ խարհանիւք եւ քրդագեղե-
 րովն. ետ Մելիք Ստեփան տանուտէ-
 րաւքն Ի. (= 20) բարդի տեղ. ետ Խա-
 չիկն զայգին ի Գողիսն, Վ. տակ. ետ
 Աւտարշախն եւ Մխիթարն զիւրեանց
 այգին ի Գողիսն Բ. տակ. ետ պարոն
 Փռանգն արտ մին ի քաղաքն Ե. (= 5)
 մոթոյ տեղ. գնեցի արտ մին եւ ոչ հեռի
 յայն արտէն ժ. մոթո տեղ եւ տվի եկե-
 ղեցեացս . . . Եւ տվին ի քաղաքն տներ
 եւ Բ. կուղպակ: Եւ սոքա են աւանդ
 եկեղեցեացս . . . Եւ շինեցաւ սուրբ
 Յարութիւնս ի Թւիս ԶԽ (= 1291)»:

Տասնչորս և տասնհինգերորդ դա-
 րերը Հայաստանը ապրել է իր առանց այն
 էլ ողբերգական պատմութեան ամենածանր
 օրերը և շինարարական գործերի հետքեր
 համարեա թէ չկան: Երբ 15րդ դարի կիսից

կաթոռդիկոսական իշխանութիւնը նորից
վերահաստատուում է էջմիածնում, 16րդ
դարից նրա ներկայացուցիչներից ոմանք
ոռոգման գործին առանձին ուշադրութիւն
են դարձնում, առանց որի էջմիածնի գլխ-
նւած վարչապետի գաշտը մշակել և
օգտակար դարձնել անկարելի է: Այդ ուղ-
ղութեամբ յիշելու արժանի են այս գոր-
ծերը.

Քասախ գետի ջուրը օգտագործւում էր
հնագոյն ժամանակներից. վանական կա-
ռավարութիւնը յաջողեցրեց իր առուա-
գլխի եղած և աւելի բարձրերում չօգտա-
գործւած ջրերի կէս մասը հաստատել վա-
ղարչապետի համար, որ բերւում է Շահ-
արխ կոչւած առուով: Եղած ջրի քանակն
աւելացնելու համար, Արագածի բարձուն-
քում գտնւող Ղարադեօլ լճակի ջրերը, որ
բնական հոսանքով գէպի արեւմտեք, գէպի
Շիրակի գաշտն էին հոսում, յատուկ ա-
ռուի միջոցով այդտեղից հոսող ջուրը բե-
րում խառնում են Քասախի ջրերին, Շահ-
արխի ջրերը շատացնելու համար: Յիշեալ
Մոլադուրսուն գիւղի մօտ արհեստական
լիճ են շինում, Մովսկ անունը տալով:
Վանքի հարաւային մասում խոշոր ջրամ-
բար են շինում, ինն արշին խորութեամբ
սրբատաշ քարերով շինւած պատերով, յա-
տուկ տնկած անտառին ջուր տալու: Աշ-
խատում են Սեւանի լճից Ջանգուն թա-
փող ջրի քանակը աւելացնել և այդ գետից

նոր առու բերել: Աւջուր գետից առու են
անցկացնում հարաւային, ցածրագիր հո-
ղամասերը ոռոգելու: Գետնափոր երկու
քարհիղ կամ քանքան են անցկացնում,
խմելու և ոռոգելու ջուր ստանալով: Ամե-
նավերջին ձեռնարկն էր Զանգուի առուի
շինութիւնը, որ կիսկատար էր մնացել և
Հայաստանի խորհրդային Կառավարութիւ-
նը աւարտեց:

Պատմական և արձանագրական տեղե-
կութիւնները մեզ տանում են Հայաստանի
բոլոր անկիւնները, Կարսի շրջանից սկսած,
Անի, Հոռոմոս, Հառիճ, Թալին, Թալիշ,
Հաղբատ, Վաղարշապատ, Սիւնիք, Ղարա-
բաղ, Արճէշ, Երբեմն կարեւոր, երբեմն փոքր
և աննշան տեղեկութիւններով շեշտում,
թէ մեր երկրի բոլոր անկիւններում ոռոգ-
ման պահանջը անհրաժեշտութիւն էր:

Միւսնայն ժամանակ այդ պատմական
տուեալները մեզ նոր բան էլ են սովորեցը-
նում. փոքր սեպհականատիրական սկըզ-
բունքներով ղեկավարւող ժողովուրդը,
անհատ ձեռնարկողների եռանդով, կարող
է առերևոյթ աննշան յաջողութիւն ունե-
նալ, օրինակ Յակոբ Սիւնեցու ձեռնարկը,
բայց այդ կատարւում է միմիայն յօգուտ
սակաւաթիւ անհատների: Մի շարք գիւ-
ղերի բազմաթիւ բնակիչներ Յակոբի ա-
ռուին մօտենալիս օգտւելու դիտաւորու-
թեամբ, սոսկալի նդովքների պիտի են-
թարկւէին, որովհետեւ այդ ջուրը պէտք էր

իշխողի պարտէզների, անուշահամ պտուղ-
 ների և մանաւանդ ծաղկանոցների համար :
 Բայց այդ՝ մենք տեսնում ենք, որ դա-
 րերի ընթացքում անհատ անձինք, նոյն
 իսկ մեծ տիտղոսներով իշխողներ, Աթա-
 բակ, Ամիր Սպասալար, Սպարապետ, Կա-
 թուղիկոս, և շնորքաւ փոքր և աննշան
 գործեր են կարողացել գլուխ հանել. մինչ-
 դեռ սոցիալիստիկական շինարարական ո-
 ղեւորութեամբ տարւած ժողովուրդն իր
 հարազատ աշխատողների ձեռքերով ընդ-
 ամէնը տաս տարիների չնչին ժամանա-
 կում շինում և աւարտում է Էջմիածնի
 ջրանցքը, Շիրջրանցքը, Սարգարապատի,
 Էվջիլարի, Կարճեւանի առուները, և այլն :
 Իսկ մի տարի առաջ, բնդամենը մի քանի
 ամսում, Երեւանի ներքեի մասում սկսած
 Հայոց առաջնորդարանի ներքեւից Զան-
 գուլից մի մեծ առու հանեցին. թէ՛ խոշոր
 ելեկտրական կայան գործարկելու և թէ՛
 մեծաքանակ տնջրղի տարածութիւններ ո-
 ռոգելու : Նման ձեռնարկներ ներկայումս
 սկզբի պէս անսովոր բաներ չեն. դրանց
 մասին շատ բան չեն գրւում, այլ բաւա-
 կանանում են օրաթերթերում անցողակի
 իշատակութեամբ :

Ը. Մեր հարեւան Պարսկաստանի
ոռոգման սխեմները .

Հիւսիսից հարաւ հազար կիլոմետրից աւելի երկար ձգւած Պարսկաստանը իր այդ սահմաններում ունի կասպից ծովը և Հնդկական օվկիանոսը, որ խոնաւութեան շտեմարաններ են . իսկ արեւելքում փռւած է ընդարձակ Ասիան, Թուրքեստան, Ալվանստան և Բելուջստանի ցամաքային երկիրները . նրա արեւմտեան սահմաններում նոյնպէս ցամաքային երկիրներ են, Հայաստան, Տաճկաստան, Ասորեստան, Միջագետք : Երկրի ներսում չկան յիշելու արժանի լճեր և գետեր : Հարաւում հոսում է բաւական ջրառատ Խուշիստանի Գարուն գետը, ստորին հոսանքում մինչև իսկ նաւագնաց, իսկ հիւսիսում բաւական մեծ է Ռուդրար գետը, որ գոյանում է Գիլանի յորդառատ անձրևներից և համարեա անօգուտ կերպով թափւում է իրեն սնուցանող կասպից ծովը :

Էնդելի և Ռեշտ, Գիլանի երկու գլխաւոր քաղաքներից, ցարական իշխանութեան օրով ուսական ժողովրդական դրամով շինուած շոսէն, Ռուդրար գետի հովտով, սկզբում անտառածածկ, ապա լերկ և ժայռոտ ուղիով 40-50 կիլոմետր կտրելով, ճանապարհորդին հասցնում է Պարսկաստանի բարձրագիւր մասերը, Ղազվին քաղաքի չափազանց ընդարձակ դաշտը,

որի համեմատաբար փոքր մասն է մշակ-
 ւած: Դաշտը նման է մի վիթխարի աւա-
 ղանի, որի եզերքները կազմում են դա-
 նադան բարձրութեամբ լեռներ և բլուր-
 ներ, որ շղթաներ կազմելով միմեանց հետ
 օղականման եզերում են դաշտը: Այդ
 պատկերն ու տեսարանը տիպիք է համա-
 բա թէ ամբողջ երկրի համար, դէպի հա-
 րաւ և արեւելք, տարբերելով շրջանակ-
 ների մեծ ու փոքր չափերով: Ամբողջ եր-
 կրի մէջ գիւղերն ու քաղաքները գլխաւո-
 րապէս օաղիսների կերպարանքով են ներ-
 կայանում, որովհետեւ գետեր ու գետակ-
 ներ չափադանց սակաւաթիւ են. և մշա-
 կութիւն տեղի է ունենում միայն ոռոգ-
 ման միջոցով, որտեղ որ փոքրաքանակ
 ինքնահոս ջրեր կան կամ արհեստական
 ջրապաշար է ստացւում: Երկարածիւղ գե-
 տերի մշակւած տարածութիւններ հազւա-
 գիւտ երեւոյթ են Պարսկաստանի ընդար-
 ձակ տերիտորիայի վրայ:

Ղաղվինն ունի բաւական ընդարձակ
 խաղողի այգիներ և պտղատու ծառերի
 պարտէզներ, որ ջուր ստանում են գլխա-
 ւորապէս ստորերկրեայ ջրապաշարից, ար-
 հեստական քանքանների միջոցով, որով-
 հետեւ գետ ու գետակ չունի և մերձակայ
 արձուներէից ինքնահոս ջրերի քանակը
 աննշան է:

Յիշեալ շոսէի ուղին հասնում է մինչև
 Թեհրան, արեւելահարաւ ուղղութեամբ,

մինչև Պարսկաստանի ներկայ մայրաքաղաքը : Ճանապարհին կայ միայն մի փոքր գետ կամ գետակ , Արխէշի ջուրը , որի մեծ մասը 1925 թ . շահ դարձած Ռիդա Խանի կարգադրութեամբ 1929 թ . տարւում է մայրաքաղաք , խլելով տեղական զիւղական ազգաբնակչութեան ձեռքից , քաղաքի նորագոյն ձևով , 30—45 մետր լայնացրած փողոցների ջրջման և ազգաբնակչութեան այլ կարիքների համար : Թեհրանը վերջի երկու երեք տարիներում , իր գլխաւոր մասերով , համարեա թէ ամբողջովին վերաշինւել է , եռ և երկյարկանի տներով , գեղեցիկ ծառատունկ փողոցներով , քաղաքային ծաղկանոցներով , սքվերներով և հասարակական մեծ ու հոյակապ շէնքերով :

Թեհրանը Ղազվինի պէս նոյնպէս զուրկ է գետ ու գետակից , մինչդեռ մօտ 300,000 ազգաբնակչութեամբ մայրաքաղաքը , իր արտասովոր ընդարձակ նստածքով , ունի ճոխ բուսականութիւն , անհատ մեծամեծների և հարուստների խոշոր պարտէզներ և տների մեծ մասի բակերում մեծ ու փոքր աւազաններ , կիլոմետրներ տարածւող լաւ մշակած դաշտեր և բաղմաթիւ զիւղեր : Գիւղերի մի մեծ թիւը ընկած է քաղաքի հիւսիս արևելեան դէպի լեռնաշղթաները բարձրացող հովասուն գիրքերում , մօտ 15—20 կիլոմետր հեռաւորութեամբ , որոնք ծառայում են մայրաքաղաքի համար իբրև ամարանոցների :

Քաղաքի նստածքը միանգամայն հարթ տարածութիւն է, նախկին տիրապետողների օրով աղիւսէ պարիսպներով և մեծ խրամատով պաշտպանւած, առանց որ և է բնական ամրութեան: Ներկայումս պարիսպները փլցնում են և խրամատները լցնում, իբրև կարևորութիւնից զուրկ բեռնաւորում: Այդ հարթութիւնը ոչ շատ թեք մակերևոյթով բարձրանում է դէպի իր ամարանոցային գիւղերը, որտեղ նախկին ու ներկայ շահերը սքանչելի ամարանոցեր ու պալատներ ունին շինած, ոչ պակաս չափով եւրոպական դեսպանատները, մանաւանդ նախկին ցարականը և անգղիականը: Պարսիկ մեծամեծներն ու հարուստները նոյնպէս ունին գեղեցիկ ամարանոցի շէնքեր, ընդարձակ պարսերով և պարտէզներով, թէ՛ դեկորատիվ եւ թէ՛ պտղատու ծառերից: Այդ բարձունքները շարունակութիւնն են կազմում Պարսկաստանի ամենաբարձր լեռների, Դեմաւէնդի լեռնաշղթայի, որի մէջն է 21,000 ոտնաչափ՝ առասպելներով հարուստ գագաթը, մշտական ձիւնով ծածկւած և երկրի հեռաւոր տեղերից երևացող:

Լեռնաշղթան մայրաքաղաքի հետեւում մի տեսակ պատնէշի պէս կանգնած է հիւսիսի սառնամանիքների դէմ յանդիման և իր անդնդախոր ձորերում պահում է մըշտական անհալ ձեռն մեծ կոյտեր և սառցարաններ: Բնականից այդ եղանակով ամ-

բարւած խոնաւութիւնը աստիճանաբար հալւելով սուղւում է երկրի ներսը, իսկ պարսիկ ժողովուրդը, բազմադարեայ քաղաքակրթութեան ուղիներով ընթանալով, գետնատակ տունեղներ է ծակծկում, որոշ հեռաւորութեամբ հորերի բացւածքներով և այդ տունեղների մէջ կուտակւած ջրերը հաւաքում է ինքնահոս առուների մէջ և ծառայեցնում իր կարիքներին, ինչպէս իրենից առաջ քաղաքակրթւած Ուրարտացիները և միւս հին ազգերն էին անում:

Քանքաններն են զլիսաւորապէս թեհրան մայրաքաղաքի, նրա ազգաբնակչութեան, նրա բազմաթիւ տմարանոցներին բազմապիսի կարիքների համար ջուր մատակարարում, որովհետեւ ինքնարուղի ջրերը աննշան քանակ են:

Թեհրանից մինչև Սպահան, Մեծ կոչւած Շահաբասի հնութեան մնացորդներով հարուստ մայրաքաղաքը, հինգ հարիւր կիլոմետր է, դէպի հարաւ ընկած, Պարսկաստանի համարեա կենտրոնական մասում: Այդ վիթխարի տարածութեան մէջ, 125 կիլոմետրի վրայ Ղում քաղաքն է գլտնւում, շիա մահմեդականների ամենամեծ սրբավայրերից մէկը, որի միջով համանուն գետակն է հոսում և այնուհետև մինչև Սպահան ինքնահոս ջրեր չէք տեսնում և միայն մի տեղ մի բարակ աղբիւրի էք հանդիպում: Միմեանցից բաւական հեռու, անծայր ամայութիւններով անջատւած

գիւղեր և շէն տեղեր են պատահում, որ
իրենց գոյութեամբ դարձեալ քարհիզների
ջրերին են պարտական:

Սպահանի միջով հոսում է երկրի կեն-
տրոնական մասի ամենամեծ գետը, Ջա-
յանդառուտ գետը, որը գարնանը բաւա-
կան խոշոր կերպարանք է ստանում, ծած-
կելով իր հունի ընդարձակ աւազանը, իսկ
հազաագիւտ տարիներում, ձեռն և անձրե-
ների առատ ժամանակներում, ավերն էլ
է հեղեղում: Գետի վրայ շինւած են չորս
կամուրջներ, Շահաբասեան դարից, եր-
կուքը մի շարք աչքերով և ճարտարապե-
տական գեղեցկութիւն տւող յաւելւածք
շինւածներով: Քաղաքը գտնւում է ձախ
ափին, իսկ աջ ափը տրւած էր Հայաստա-
նից 1605 թ. բռնութեամբ գերեվարած Հա-
յերին, որ Նոր-Ջուղա անունով քաղաք
էին հիմնել, եօթ թաղից բաղկացած, Ե-
րեւանի, Թարվիզի, Քոչերի ևլն. անուն-
ներով, անշուշտ համապատասխան գաղ-
թականների նախնական բնակատեղերի ա-
նունների յիշատակութեամբ: Այժմ այդ
մասում ևս, ինչպէս Նոր-Ջուղայի շրջա-
պատում, Նոր-Նախիջևանում, ապրում են
Հայերից աւելի շատ տեղացի բնիկներ:

Ջայանդառուտը սկիզբն է առնում
Փերիա և Չարմահալ լեռնային բարձրադիր
գաւառներից, որ նոյն ժամանակը գերե-
վարած հայ գիւղական ժողովրդի բնակու-
թեան վայրերն են ծառայում: Սպահանից

մինչև այդ գաւառները եղող տարածու-
թեան բարձրանալը չատ աննկատելի է և
սայլի բնական և չպատրաստուած ճանա-
պարհը որ և է աչքի ընկնող թեքութեան
չի հանդիպում, հետեւապէս և գետի հո-
սանքը Հայաստանի գետերի պէս անդըն-
դախորդահամըմունքների ընթացք չունի
և ոչ էլ Ռուսաստանի գետերի դանդաղու-
թիւնը:

Բաւական մեծ գետի ջրերի մինչև վեր-
ջին կաթիլը օգտագործւում է ոռոգման
համար, բայց այստեղ ևս, գետի ամբողջ
ընթացքին զուգահեռ, աջ և ձախ ափե-
րին, սկսած յիշեալ փերիա և Չարմահալ
գաւառներից, գործում են անվերջ քան-
քաններ, մի քանի անգամ աւելի հողա-
մասեր մշակելի դարձնելով, քան գետի
ջրերը կարող էին: Օրինակ՝ Նոր-Ջուղան
գետի ջրից մաս ունի և սեպհական առու,
բայց այդ առուի ջուրը ոռոգման համար
բաժանելով բաւական ընդարձակ սեպհա-
կան դաշտի վրայ, որի կիսից աւելին խա-
ղողի այգիներ են, իւրաքանչիւր իրաւա-
տիրոջ յատկացրած ժամանակամիջոցում,
ամառւայ շոգերին հաղիւ երկուսից երեք
անգամ ջրելու հերթ է հասնում, մինչդեռ
խաղողի այգիները տիրող տաքութեան
պատճառով շաբաթական ջուր են պահան-
ջում. իսկ այդ թերին լրացնում և բա-
ւարարում են հորերի ջրերով: Ամեն այգի
իր սեպհական հորն ունի, երբեմն աւելի:

Ինչպէս նկատուել է, այդ հորերն էլ քար-
հիղների կարգին պիտի հաշուել, իբրեւ
ստորերկրեայ պաշարի մասնակիցներ:

Գիւղատնտեսական, ասպարիզում Պարս-
կաստանի կուլտուրան ամենաարժէքաւոր
արտադրանքներն ունի: Երկրի մի ծայ-
րից մինչեւ միւսը, որտեղ, իբրեւ անհրա-
ժեշտ պայման, ջրելու հնարաւորութիւն
կայ, հասնում և մշակւում են խաղողի
որթը, ամենալնտիր և բազմաթիւ տեսակ-
ների, դեղձն ու ծիրանը, նուշն ու թուզը,
չերամապահութեան և պտուղների թութը,
ձիթենին իւղ արտադրող, խնձորն ու տուն-
ձը, ընկոյղն ու կաղինը. իսկ Շիրազից
սկսած և աւելի հարաւ հասնում են ար-
մաւը, ֆստան, լիմոնն ու նարինջը, ևւն:
Վերջինները մեծ ծառերի պէս բացօդեայ
բուսնում են Գիւղանում ու Մաղանդարա-
նում, կասպից ծովի հարաւային ափերին,
որտեղ վերջերս սկսել են մշակել թէյի
թուփը և Հնդկաստանի ջութը — վուշի
մանվածք ստանալու: Հողամշակութեան
տեսակներն են՝ ցորենն ու գարին, եգիպ-
տացորենը, կորեկը, հաճարը, բամբակը,
թամբաքուն և ամեն տեսակ ընդեղէններ:

Երկիրը հողի պակասութեան հասկա-
ցողութիւն չունի, այլ պակասում է ջուրը,
որը արժէքաւորում է հողը և մարդկային
կենցաղը հնարաւոր դարձնում: Ջրի ար-
ժէքին պիտի վերագրել հողամշակութեան
ինտենսիւ որոշ ձևերի կիրարկումը: Նոյն

Կտոր հողից պարսիկը աշխատում է տա-
րեկան մի քանի բերք ստանալ, որովհետե
այդ կտորը միայն կարող է ջրել: Մարդ-
կային եւ կենդանական աղբով, հին շի-
նութիւնների արեահար եղած պատերի հո-
ղերով, փողոցներից կուտակւած աղբով,
անպայման երկու տարին մի անգամ պա-
րարտացնում է խաղողի այգիները, իսկ
ամէն տարի սովորական մշակութեան դաշ-
տերը: Ամենափոքր թեքութիւն ունեցող
հողամասերի երեսը զիգզագաձեւ փոսերով
է ծածկում, որպէսզի ջրելուց հողաշերտերը
չլւացեն, ինչ որ անխնայ տեղի է ունե-
նում Հայաստանի բոլոր լեռնային գա-
ւառներում: Աւելի լուս արդիւնք ստանա-
լու համար, փոխանակ արօրի հեշտ միջո-
ցին դիմելու, յատկապէս Սպահանում,
երկար սրածայր բահերով են հողը փորում.
մի իշաբեռ աղբ ձեռք բերելու համար, ամ-
բողջ օրւայ ճանապարհ են կտրում անց-
նում:

Սպահանից մի քանի հարիւր կիլոմետր
աւելի հարաւ է ընկած Շիրազի բերրի դաշ-
տը, որտեղ մշակւում է խաղող եւ ստա-
ցւում է երկրի ամենագովական գինին,
որտեղ ձմեռ չկայ եւ լիմոնի ու նարինջ-
ների մշտականաչ պարտէզներում ու բո-
լոր պարսիկներից անչափ սիրւած եւ խը-
նամ: Եւ ծաղկանոցներում Հաֆիզ եւ Սաադի
պարսիկ մեծ բանաստեղծների գոված սո-
խաներն են երգում, եւ որի մերձակայ-

քու մն է գտնւում Պարսկաստանի անցած
 փառքի ամենամեծ յիշատակարան — աւե-
 քակը, Պերսոպոլիս քաղաքը, Դարեհի եւ
 Քսերքսեսի վիթխարի պալատի բեկորների
 մնացորդներով: Ոչ հին Պերսոպոլիսը և ոչ
 էլ նոր Շիրազը գետ ու գետակ ունին,
 նման թեհրանին. նրանց շրջապատի մեծ
 դաշտերը ստորերկրեայ ջրերով են կենդա-
 նութիւն ստացել: Այժմ Պերսոպոլիսի շուր-
 ջը ամայութիւն է թագաւորում և հնու-
 թեան մնացորդները անխնայ յափշտակու-
 թեան ենթարկւելով, եւրոպայի անյադ
 ժողովուրդների ժողովածուների քանակն
 են մեծացնում:

Տեսանք որ Վանի քարհիւղների հնու-
 թիւնը Լեմանի կողմից վերապահումով էր
 ընդունւել. Ուրարտացիների երկրին տի-
 րող Դարեհը անկասկած այդ զարգացած
 արհեստը պատրաստի ընդունել էր նա-
 խորդ աւելի քաղաքակիրթ և իրեն են-
 թարկւած ժողովուրդներից, հետեւապէս
 Վանի քարհիւղների ծագման հնութեան
 մասին չպէտք է կասկածիլ:

Շիրազից ուղեորելով դէպի աւելի հա-
 րաւ մինչև Հնդկական Ովկիանոսը, Պար-
 սից ծոցը, երեք շարք ֆեօթանցիկ կամ լեռ-
 նադօտիներ պիտի մագլցել անցնել, որոնց
 մէկի վրայ, ովկիանոսի խոնաւութեան աղ-
 գեցութեամբ, կաղնի ծառերի անտառներ
 են բուսնում, որոնց պտուղը իրենց անա-
 սունների հօտերով այդ լեռների վրայ չուող

բնակիչներին կերակուր է ծառայում: Սակայն այդ մասում ևս հանդիպում են միայն փոքրիկ և աննշան ինքնահոս առուակներ և մի գետակ: Մշակման դաշտերի մօտ հանդիպում էք դարձեալ կամ հորերի կամ քարհիլներ:

Բուշիք քաղաքը գտնւում է Պարսից ծոցի ափին և երկրի հարաւի մեծ նաւահանգիստն է, Հնդկական օվկիանոս մըտնելու համար: Այդտեղ ևս նոյն սիւստեմն է գործում, հորն ու քարհիլը, լրացնելու ինքնահոս սակաւաքանակ ջրերի պակասը:

Սպահանից դէպի արեւելահարաւ են ընկած Եղդ ու Քրման քաղաքները, իսկ դէպի հիւսիս — արեւմուտք Սուլթանաբադ, Համադան, Քիրմանշահ քաղաքները, իրենց ընդարձակ դաւառներով: Այդ բոլոր վայրերում ևս նոյն սիւստեմն է թագաւորում և ոռոգման նոյն եղանակը:

Դարերի փորձն ու պահանջը Պարսկաստանում քանքանափորների յատուկ կադրեր է առաջ բերել: Կան այնպիսի գիւղեր, որոնց բնակիչների գլխաւոր գործն է քանքանափորութիւնը և նրանց մաքրումն ու պահպանումը: Ամէն երկու, առ առոււելն երեք տարուց յետոյ քանքանները ներսից պիտի մաքրւին, այլապէս խոնավութիւնից չամրացրած տունեղներից թափւող հողը ջրի քանակը կ'պակսեցնի և լճացումներ ստեղծելով, աւերներ կ'պատճառի: Սակայն որքան փոքր է այդ ծախ-

քը, համեմատած բաց առուների տարե-
ցտարի անհրաժեշտ մաքրումների համեմա-
տութեամբ: Քանքանափորները գործնա-
կան հմտութեամբ ի վիճակի են նոր փորելե-
լիք քանքանների տեղերն ու ուղղութիւնը
որոշել, թէեւ Պարսկաստանում այդ այն-
քան էլ դժւար չէ, որովհետեւ կան քան-
քաններ շատ տեղերում դարեր առաջ գոր-
ծադրւած և ներկայի աղգաբնակութեան
սակաւութեան և աղքատութեան պատճա-
ռով երեսի վրայ են ձգւած և նոր կարիքի
համար հարկաւոր է այդ հինը նորոգել:

Հայաստանը իբրեւ Պարսկաստանի սահ-
մանակից երկիր, կլիմայական և հողամը-
շակման բաւական ընդհանուր գծեր ունի,
բայց մեր երկիրը իր փոքրութեամբ ոչ
այնքան սակաւաջուր է և ոչ էլ այնպիսի
ընդարձակ անապատներով է ճոխացած:
Հիմնական նմանութիւնն այն է, որ մեր
երկրում գիւղատնտեսութեան յաջողու-
թեան համար ոռոգումը անհրաժեշտ է:
Յայտնի սահմաններում, լինելիք մեր ա-
ռաջարկն է, Պարսկաստանի և Ուրարտա-
ցիների օրինակն աչքի առաջ ունենալով
մեր երկրի համար որոշել ղեկավար սկզբ-
բունք դարձնել քարհիւղափորութիւնը Հա-
յաստանի կառավարութեան ոռոգման ծը-
րագրի մէջ, քարհիւղների օգտագործումը
ոչ միայն անուշադիր չթողնել, այլ առաջ-
նակարգ տեղ տալ:

Թ. Հայաստանի ջրային ռեսուրսները .

Բնութիւնից մեր երկրին տրւած են երկու վիթխարի ջրամբարներ, որ տարւայ ձիւնաբեր և անձրևաբեր եղանակներին նախ, հետո տեղերի ջրատար ամպերը դէպի իրենց են քաշում և ապա իրենց ծոցում գոյացած վիթխարի խոռոչներում և ստորերկրեայ շերտերում ամբարում են, տարւայ ընթացքում ամբողջ երկրին մատակարարելու համար: Դոցանից մէկը Արագած լեռն է իր լայն փուլածքով, Արայի, Սպիտակի և Զաջուռի բարձունքների հետ, միւսը Աղմաղանի, Միսխանէի և Գեղարքունեաց լեռների բարձունքում թառած Սեւանայ լիւնը, 640 ոտք ծովից բարձր: Մեր երկրի, Պարսկաստանի հետ համեմատած, չափազանց առատ ջրերը, աղբիւրներով, գետակներով ու գետերով այդ երկու վիթխարի մասիւններիցն են սկիզբն առնում և գահավէժ բարձունքներից գլորւում են մեր և մասամբ մեր երկու հարեւան հանրապետութիւնների դաշտային հողերը պտղաբեր և մշակելի դարձնում: Արագածի բարձր գագաթը չը հաշւած, երկու զանգւածներ համարեալ նոյն բարձրութեան վրայ են գտնւում, արեւելքից արեւմուտք դէմ յանդիման կանգնած:

Արագածից բղխող ջրերն են, Ախուրեանը, որ արեւելքից իր մէջ է ընդունում

լերան վտակները և ստորերկրեայ հոսանքի ջրերը. Սեւ ջուրը, կազմւած ամբողջովին վիթխարի աղբււրներից և ստորերկրեայ սուղմուռնքներից: Այդ գետը մինչև իր դուրս գալու տեղը Արարատեան դաշտի սկսւածքում, ծածկւած է լուռայի հաստ շերտով և հոսելով ցածր մակերեւոյթի վերայ, ընդամենը 20-25 կիլոմետր երկարութեամբ և շատ քիչ օգուտ տալով, թափւում է Արաքսի մէջ: Արագածի ամենաօգտակար գետը Քասախն է, որի ամեն մի կաթիլ ջուրը ամառայ եղանակին, գետի սկսւածքից մինչև Սեւրի հետ խառնւելը, օգտագործւում է ամերին ապրող բազմաթիւ գիւղերի բնակիչների ձեռքով: Արագածը Սպիտակի բարձունքներից իր ջրերից բաժին է հանում Լոռայ Չորագէտին-Դերեղչային, իսկ Եղվարդի ուղղութեամբ Զանգուին: Ի վերջոյ Արագածի բարձունքներից են ներքև սուղւում այն մեծ հանիքները, որ փռւած են, միանգամայն անօգուտ և միասակար եղանակով, սկսած Սարգարապատի շրջանից մինչև Էջմիածնի ու Չորանքարայի ցածրադիր հողերը: Թէ որքան ջրեր են սուղւում երկրի աւելի խորը շերտերը, արտեղեան ջրամբարներ կազմելով, արտեղեան հորերի յաճախութիւնը ապագայում կ'պարզեն:

Սեանի և նրա վիթխարի շրջապատի զանգւածը, թէ աւելի ջրեր է ընդունում իր մէջ և թէ աւելի թւով ու ջրառատ գե-

տեր հոսեցնում իր կրծքից : Անցեալ 1932ին
 ինջիներ Տէր Աստուածատրեանի Մոսկվա-
 յում կարդացած մի զեկուցման քաղաած-
 քից տեղեկանում ենք, որ լեռնային 6340
 տա մեծ բարձրութեան վրայ գտնւող Աւ-
 ւանայ լիճը 1413 քառակուսի կիլոմետր
 տարածութիւն ունի, որ նրա մէջ երկնքից
 թափւող և շրջակայքից ներս հոսող ջրերի
 քանակն է, ամբողջ տարին հաշւի առած,
 ամէն մի վայրկեանում 50,4 խորանարդ
 մետր, դուրս տւածը միայն 2,8 մետր,
 իսկ մնացորդը ամբողջովին լճի մակերե-
 ւոյթը մշտական հաւասարակշռութեան մէջ
 պահելով, պակասում է անընդհատ գոլոր-
 շիացումով : Զեկուցման ամփոփումը խիստ
 համառօտ էր, այլուպէս մեզ համար մոթ
 է մնում, թէ միթէ՞ յարգելի ինջիները Աւ-
 ւանի յատակը համարում է առանց ծա-
 կտկէնների և ճեղքւածների մի կաթսայ,
 որ այդ յատակից չեն կարող ջրեր իրենց
 համար ստորերկրեայ անցքեր գտնել և
 մեր երկրի գանազան տղբիւրներին ջուր
 մատակարարել : Առերեւոյթ ի նկատի է
 առնւած միայն լճից անմիջապէս դուրս
 եկող ջուրը, Զանգու գետի մի ճիւղը և
 գոլորշիացումը : Այդ առումով, իրաւ է,
 լճի ջուրը 50 մետրով իջնելով, երկրի ջրա-
 տնտեսութեան համար աննկատելի կ'մնայ :

Բաւականանանք միայն անուններով
 յիշատակել այն գլխաւոր և աչքի ընկնող
 գետերը, որ իրենց ծագումով Աւանի մեծ

զանգւածին են պարտական, յորդացած
տեղական և մերձակայ լեռների ջրերով.
Ջանգուն, Գառնին, Վեդին, Արփաչայը,
Երնջակը կամ Նախիջևանի գետը, Բաղար-
չայը, միջին հոսանքում Որոտն, սաորի-
նում Բարգուշատ կոչմամբ, Ջարուղն ու
Յագարին, Խաչէնը, Թառթառը, Շամքորը,
Աղսառը և Ջորագետը կամ Դերէդ գետը:

Սեանն ընդունելով մի մեծ շրջանակի
կենտրոն, յիշւած գետերը նրա շաւիղներն
են՝ ուղղւած դէպի նրա պերիփերիան և
այնպիսի դասաւորութեամբ, որ երկրի բո-
լոր մասերը կարող են ինքնահոս եղանա-
կով ոռոգման ենթարկել: Սակայն, եթէ
նոյն իսկ այդ երեացող ջրերի քանակը բա-
ւականանայ ոռոգման կարիքներին, ուշա-
գրութեան պիտի առնենք մի կարևոր հան-
գամանք: Մեր լեռների մեծ բարձրութիւն-
ների հետեանքով, նրանցից բղխող գետերը
շատ արագավաղ են, ներքև են գլորւում
ահուելի վիհերով ու դժւարամերձ ժայռերի
պատուածներով և ընդ հանրապէս օգտակար
են դառնում դաշտային մասը հասնելուց
յետոյ: Մեր երկրի լեռնային և լեռնա-
ստորոտ մասերը դուրի են մնում ջրերից:
Անկախ դրանից, եթէ ջրերը գործադրւեն
բաւարար չափերով բարձրադիր մասերում,
կ'ըրկւեն սաորին դաշտերը, երկրագործա-
կան բարձր կուլտուրաների վայրերը:

Աւելորդ անգամ կրկնելով պիտի ա-
ռնենք, թէ ջրերի տնտեսաբար օգտագոր-

ծուճը, թէ ծախքերի անհամեմատ խնայողութիւնը գուցէ թելադրեն Պարսկաստանի և Ուրարտացիների օրինակով ընթանալ և մեր երկիրը ևս քանքաններ ունենալ:

Մեր ունեցած տեղեկութիւններով 1765-70 թ. Յակոբ Զուղայեցի կաթողիկոսն էր, որ էջմիածնում առաջին քանքանը փորել տւեց: Նա ինքը ծնւած լինելով Սպահանի մօտ Նոր-Ջուղայում և ծանօթ պարսկական քանքաններին, էջմիածնի հին և սառը կոչւած քանքանները հանել տւեց, որ խլամելու և փոքր չափով հողեր ոռոգելու էին ծառայում: Ամենայն հաւանականութեամբ քանքանափորներն այնտեղից հրաւիրւած պարսիկներ էին:

Նոյն գործի կրկնութիւնը մենք տեսնում ենք Խրիմեան կաթողիկոսի ժամանակ. սա իբրև Վանեցի, քաջատեղեակ էր քանքանների օգտակարութեանը. Վանից վարպետներ բերել տւեց և քանքանի նոր գիծ փորել տալով, հնի հետ միացրեց: Նրա ժամանակ, երբ խնամքով մաքրւում էին քանքանի հորերը, հոսող ջուրն այնքան առատ էր, որ Խրիմեանը Ներսիսեան լճի ներքեւում ջրաղաց շինել տւեց, որ գործում էր միշտ լիքը դրութեամբ պահւած լճի թափւած ջրից:

Անշուշտ Պարսկաստանի օրինակով պիտի բացատրել Վեդի գիւղի, Հին-Նախիջևանի, Աղդամի, Զակեան-Չարդախլուի և Գանձակի տակաւին գործող քանքանների գոյութիւնը:

Ժ. Երկաթաբան ինժեներ Գր. Աղաբաբեանի
առաջարկը.

Իմ ձեռին է ինձ. Գր. Աղաբաբեանի
առաջարկին լեզուով հրատարակած մի փոքր
բրոշիւրը. Irrigacia Etschmiadzinskih zemil,
Kaptaj podzemnich vod, Gornavo Ingenera Gr.
Agababiana. 1911 թ.:

Այդ թվականներին էջմիածնում փոքր
կերպով դրւած էր վանական սեպհակա-
նութիւն կազմող Վաղարշապատի մօտ 7000
դեսեատին հողերի ոռոգման հարցը: Վան-
քի յանձնարարութեամբ մի քանի ինժե-
ներներ ոռոգման ծրագրեր կազմեցին և ի-
րենց նախահաշիւներով ներկայացրին վա-
նական կառավարութեանը ի դործադրու-
թիւն: Յարական իշխանութիւնը թոյլա-
տրել էր և արտօնել Սեջրից վերցնել 75 բաշ
ջուր: Ի նկատի էր առնւած այդ ջրով ո-
ռոգել վանքի հարաւային հողամասերը,
ներսիսեան լճից և այն ժամանակեայ ան-
տառից ներքեւ, մինչև դորուղները տա-
րածւող մասը:

Առաջի ծրագիրը լեռնային ոռոս ին-
ջներ Կազասին էր, որ հնարաւոր էր հա-
մարում օգտւել միայն արտօնութեան եր-
րորդ մասով, 25 բաշ ջրով. արդէն դոյու-
թիւն ունեցող Սեջրի առւի միջոցով բերել
վանքի հողերը և ջրհան մղկղաների մի-
ջոցով բարձրացնել ու ջրել միայն մօտ 600
դեսեատին հող: Ծրագիրը պահանջում էր

միանւագ 140,113 ռուբլի, իսկ տարեկան ծախք պիտի կատարեն, մէջը հաշւած առկոսներն ու գրամագլխի աստիճանական զեղչումը, 19,638 ռ.: Այդ հաշւով ամէն դեռատնի միանւագ ծախքը հաւասար էր 230 ռ., իսկ տարեկանը 32 ռ.:

Երկրորդ ծրագիրը ներկայացնողներն էին ինչ. Ա. Լիսիցեան և Տէր Վարդանեան, որ հնարաւոր եւ օգտակար էին համարում օգտուել արտօնւած ջրի ամբողջութիւնից, բետոնի խողովակներով ջուր բերել ինքնահոս եղանակով մինչև վանքի հողերը և չորս աստիճան ջրհաններ գործադրելով էլէկտրական ոյժով առաջի շարք նասոսներով ջրել 270 դեռատին, երկրորդ շարքով 620 դ., երրորդով 390 դ. և չորրորդով 940 դ.: Էրոշիւրի մէջ ծրագրի նախահաշիւը չի ցոյց տրւած, այլ նկատւած է, որ խիստ թանգարժէք է և տեղական պայմաններն ի նկատի առած, պատահարներ ի նշխար:

Թոււմանեան և Վասիլեւ ինջինները ներկայացրին երրորդ ծրագիրը, որ կայանում էր հետեւալում. Կուլիբէկլու գիւղի մօտ բղխող աղբիւրների առաջը պատնէշել, ինքնահոս առու փորել մինչև ջրելիք հողերը, առուի տակ առնելով 1220 դեռատին, իսկ եթէ պատնէշը փորւի աղբիւրների ակներից 2 արշին աւելի ցած, նոյն եղանակով կարելի է ջրել միայն 1020 դ.: Նախահաշւով ծախք ցոյց է տրւած 20-

25,000 ռ. պատնէշի, աքվեդուկի (Քասախ գետի վրայ) և առուի համար: Այդ առաջարկը աւելի բանաւոր համարւելով, վաճաքը ձեռնարկեց գործի. պատնէշի վրայ ծախսեց 10,000 ռ.: Բայց լճացած ջրերը պատուեցին պատնէշը և ծախսած գումարը իսկապէս ջուրը տարաւ:

Չորրորդ առաջարկը վերջապէս ինչի-նեւ Կիրակոսեանին էր, որ ցանկանում էր ընդլայնել Երևանի իր կառուցած փոքրիկ էլէկտրական հիդրոկայանը, էլէկտրական հոսանքը բերել էջմիածին, վաճաքի մերձակայքում աւելի խորը հորերով քանքան փորել և ստորգետնեայ ջրերը նասոսներով բարձրացնել և ջրել, մի կողմ թողնելով Սեւջուրը, հարաւում ընկած անտառից ներքևի հողերը: Սրա միանւագ ծախքն էր քանքանների համար 25,000 ռ., իսկ էլէկտրական ոյժը տեղ հասցնելու համար նասոսների հետ միասին, 130,000 ռ.: Դարձեալ չի ցոյց տրւած թէ տարեկան որքան ծախք էր պահանջում:

Բրոշիւրի հեղինակ Աղաբաբեանը վերոյիշեալ ծրագրերի նկատմամբ համառօտակի, մի քանի նախադասութիւններով հնարաւոր է համարում թումանեանի և ընկերոջ ծրագիրը. Կիրակոսեանինը այն չափով, որ կարիք չկայ նասոսների և էլէկտրական ոյժի, այլ հորերը շարունակելով պիտի գետնի երեսը ջուրը հանել, մանաւանդ որ հողի արագութեամբ իջնող

մակերևոյթը այդ հնարաւորութիւնը տալիս է, մի փոքր տարածութիւն աւելի պահաս ջրելով:

Հետաքրքիրն այս փաստն է, որ կամենում ենք այստեղ յատուկ շեշտով յիշատակել: Վանքի տպարանում այդ ժամանակ գործում էր ինքնուս վարպետ Ղեւոնդ Ղարախանեանը, իր ուշիմութեամբ յայտնի մէկը, որ իբրեւ պարսկաստանցի, քաջածանօթ էր այն տեղի քանքանափորութեան գործին թէ թաւրիղում և թէ Սպահանում: Նա լսելով դիպլոմաւոր կիրակոսեանի մեծածախք պահանջը, խնդրեց իրեն տրամադրել ընդամենը 1200 ռ., որով նա խոստանում էր արդէն գոյութիւն ունեցող հորերը խորացնել և տարածութիւնը երկարացնել. ապա արդէն պատրաստի նաստսներով և վանքի էլէկտրական կայարանը գործի դնելով, չորս դիւմանոց խողովակով օր ու գիշեր, անընդհատ իր փորած հորերից ջուր հանել: Վանքը վարպետի պահանջած ծախքը վճարեց. վարպետը տառացի կատարեց իր խոստումը և ստացաւ 1200 ռ. պարգև: Վարպետի փորած հորերը մինչ օրս մնում են և գործում ներսիսեան լիճը ջուր լցնելով:

Ծանօթանանք Աղարաբեանի սեպհական առաջարկին: Բրոշիւրի ամենից հետաքրքիր մասը կազմում է՝ Ներքաբանութիւն եւ Վաղարշապատի դաշտի ստրեկրեայ ջրաբանութիւն — Geologia i Podzemnaia Gid-

rologia Vigarshatamskoi ravniny: Իբրեւ երկրաբան ինչ. Աղաբաբեանը չափեց և ուսումնասիրեց Վաղարշապատում և մերձակայ գիւղերում գոյութիւն ունեցող ջրհորները, հաշւի առաւ հին և նոր քանքանները, չափեց Սեջրի քանակը ակունքների մօտ և Իգդիրի շոսէի վրայ եղող կամուրջի տակը. հաշւի առաւ Ղորուղի, Ջոբանքարայի, Վարմաղիարի ճահիճները և եզրակացութիւններ տալիս է այդ տուեալներով:

Արագածի խարիսխ կազմող Վաղարշապատի դաշտը ծածկւած է, զանազան հաստութեամբ և ծաւալով, երեացող լաւաների դարաշրջանից մնացած աւազներով և հեղեղատների զանգւածներով: Երկնքից տեղացող անձրեւն ու ձիւնը յիշեալ ծակոտկէն միջավայրով ծծվում են երկրի ներսը, մինչև կաւային շերտերը, որպիսի արգելքի հետեւանքով կամ աղբիւրներ կազմելով երկրի երեսն են դուրս գալիս, ինչպիսիք են Սեջրի վիթխարի աղբիւրները, կամ թեք մակերևոյթով աւելի հեռուները ծծւելով, կազմում են յիշատակած ճահիճները:

Արագածից անմիջապէս եկող հոսանքներին միանում են Արայի լեռան և տեղական տարածութիւնների ստորերկրեայ ջրերը: Թէ ինչ մեծ չափեր ունին ստորերկրեայ ջրերը, ցոյց են տալիս նոյն Սեջրի վրայ կատարած չափումները: 1910 թ.

Նոյեմբեր ամսին, հետեւապէս ստորերկրեայ ջրերի բաւական պահասած ժամանակը, թուրքական Ջէյվա գիւղի մօտ Աւջուրը հոսում էր ամեն մի վայրկեանում 7,500 լիտր քանակութեամբ, իսկ կամուրջի մօտ, ընդամենը 7,5 վերստ ներքեւ, այդ քանակը հաւասար էր 39,000 լիտրի, որի մի հազար լիտրը Քասախի խողնարանից է աւելանում, մնացեալ 30,000 լիտրը ստորերկրեայ ջրերի սուղւածքներից էր գոյանում, այն եւս 7,5 վերստ չընչին տարածութեան մէջ: Փայլուն ապացոյց՝ թէ յատկապէս Վաղարշապատի դաշտի խորքերում ինչ ահռելի քանակութեամբ ջրեր կան թափուած:

Մի քանի տարի անց, մենք առիթ ունեցանք Ամբերդի ձորը տեսնելու և լսելի, որ այդ ձորից զանազան գիւղերի համայնքներ իրենց համար ջուր են տանում: Ձորի ամենաբարձր գիրքից սկսած մինչեւ բերդի տակը այդ առուների թիւը 12 էր: Ի նկատի ունենալով, որ Ամբերդը սկըզբնաբար հիմնւել է Ուրարտայիների ձեռքով և կարծելով, որ առուների սկսւածքը ևս նրանցից է մնացել, ձորում հետախուզութիւններ կատարելի սեպածեւ արձանագրութիւն գտնելու յուսով: Սեպածեւի փոխարէն հանդիպելի մալինա թփերի մեծ քանակութեան, հասած պտուղներով, չափազանց անուշ եւ հոտաւետ յատկութեամբ: Տեսայ միեւնոյն ժամանակ թէ

ինչպէս են կազմուած 12 առուագլուխները: Սորը պատուածքով ներքե իջնող ձորի երկու փէշերից անընդհատ ջրեր են սուղւում: Ամեն մի առուտէր ձորի մէջ կանգնեցրած պատնէշով մաքուր կտրում է մինչ այդ հոսող ջուրը: Կետեեալ նոր առուագլուխը 100-200 մետր ներքե է, բաւական տարածութիւն նոր ջրերի գոյացման, նոր առուատիրոջ համար:

Այն ինչ որ Սեջրում է կատարւում գետնի խորքերից, աչքի համար ոչ տեսանելի, Ամբերդայ ձորում տկներե է կատարւում:

Դառնանք Աղաբաբեանին: Ստորերկրեայ ջրերի փաստ է համարում նաև Ուլուխանլու կայարանի մօտ փորւած արտեզեան ջրհորը, որ ընդամենը 12 սաժէն խորութեամբ, 3 դիւմանոց խողովակով վայրկեանում 22 լիտր ջուր է տալիս: Հաշւի է առնում վանքի հին և նոր քանքանները, որոնց սկսւած ամենաբարձր հորը Սեջրի մակերևոյթից 18 սաժէն բարձր է, Կետեապէս Վաղարշապատի հողերի բարձրագիւր մասերը ևս կարելի է ջրել, առանց Սեջրի մակերևոյթին ինքնահոս առուի դիմելու, կամ արհեստական նասոսների ջրաբարձրացմանը: Սորհրդային իշխանութիւնը մի քանի նոր արտեզեան ջրհորներ է փորել, որ բրոշիւրի գրելու ժամանակ չկային:

Հորերի չափումը ի յայտ բերեց մի ու-

քիչ հանգամանք. Վաղարշապատի դաշտը ստորերկրեայ ջրերի երկու շերտ ունի. առաջինը սկսւում է Քասախ գետից և տարածւում է մինչև Շողակաթի վանքը, ոչ այնքան խոր հոսող ջրերով: Երկրորդ շերտը սկսւում է այդտեղից և տարածւում է դէպի Զուարթնոցը, որտեղ ջրի հոսանքը 9 սաժէն աւելի խորն է ընկած առաջնից:

Ընդհանուր տեղագրական ծանօթութեան վրայ հիմնւած՝ նա վանքին առաջարկեց հինգերորդ ծրագիրը. մի կողմ թողնել Սևջրի և նաստաների մեծածախք ձեռնարկները, փորել երեք ուղղութեամբ նոր երեք քանքաններ, ծախսելով 30,000 + 10,000 + 30,000 ընդամենը միանուագ 70,000 ռուբլի, և գոյութիւն ունեցող առուների հետ կոմբինացիաներ կատարելով, ջրել վանքի չջրւած 4,500 դեսեատին հողը, հետեւապէս Վաղարշապատի ամբողջ դաշտը:

Երեք քանքանների տարեկան նորոգութիւնների և մաքրելու ծախքը չնչին կ'լինի:

Քարհիւղների կամ քանքանների մասին մի ամփոփ տեղեկութիւն կարդացի Մարիետա Շահինեանի «Օրագրութիւն» գրւածքում, հրատարակւած 1932 թ. որ իմ ձեռս անցաւ սոյն 1933 թ. մայիսին, որ համառօտութեան մէջ շատ սիրուն եղանակով լուսարանում է այդ խնդիրը: Նա գրում է այսպէս.

«Գանձակի ջրամասակարարում. պատ-
մեաժ ինժիներ գիտրավիկ Սուխինի կողմից:

«Ադրբեջանում ջրամատակարարումը
կատարում է ֆարհիզներով, տեղական յա-
տուկ շինարարութեամբ: Քարհիզները շատ
հին են. մեզ մօտ մտել են Պարսկաստա-
նից, իսկ ծագումը Ասորեստանից է: Քար-
հիզ փորողները, քեանքեանչի կոչւած,
բացառաբար պարսիկներ են միայն (տեղե-
կութեան հետ չէ). վերջերս դրանց թւին
աւելացել են հայեր և թուրքեր, որ ար-
խաիկ աշխատելու ձևերի մէջ նորութիւն-
ներ են մտցրել: Պարսկաստանում քար-
հիզների սխառեմն այնքան է առաջ գնա-
ցած, որ այնտեղ գետնատակ ջրեր են ժո-
ղովում մինչեւ 150 մետր խորութիւնից
(չափաւանդած թիւ է): Մեզ մօտ Ադրբեջա-
նում գոյութիւն ունին մի քանի հազար (?)
քարհիզներ. միայն Գանձակի շրջանում
կան մօտ 170 քարհիզներ: (Այստեղ յիշա-
ծելի է Ռուսերը, 150, հաշարներ է 170, հարժոհ-
է՞ս պէտք է ընդհանել որոշ լեռնահանո՞ւմ): Ի միջի
այլոց քարհիզներ կան նաև Կալիֆորնիա-
յում, բայց աւելի կատարելագործւած ձև-
ով, քանի որ շինողներն ինջիներներ են:

«Ինքը Սուխինը առերևոյթ քարհիզ-
ների նկատմամբ թերահաւատ վերաբեր-
մունք ունի. իսկ ինձ (Շահինեանին) թւում
էր որ դա գրաւիչ էր և հիմնական միտքը
խիստ յաջող:

«Գետերն էլ մարդու նման կրկնակի

կեանքով են ապրում, գետնի տակում և գետնի վրայ և յաճախ այդ կրկնակի ապրումները միմեանց չեն ծածկում: Ինչի՞նք Սուխինն այսպէս էր պատմում: Լեռնային գետակը սկիզբն էր առնում բարձր լեռներից և գահավէժ գլորւում է դէպի դաշտը: Նրա անցած ճանապարհի առաջի մասը մեծաւ մասամբ ժայռահոռնով է ընթանում և ջուրը գետնի մէջ չի ներսուզւում: Բայց հէնց որ գետը հասնում է դաշտային մասերին, որտեղ գետինն արդէն թափանցիկ է, ջուրը ներս է ծծւում և կազմում է վերնագետի հետ երկրորդ մի գետ գետնի տակում, զուգահեռ վերևինի, բայց ոչ միշտ նրա անմիջական ներքեւում, այլ ճիւղաւորւում է հովհարանման, իսկ տեղ տեղ էլ ճահիճներ է կազմում: (Աւելի գիտնա՞ն և ուղիղ է ինչի՞նք Լեռնաբերդի պարզաբանութիւնը):

«Եւ ահա քարհիլի միջոցով կարողանում են առնել այդ գետնատակ ջրերը, ստորերկրեայ առուների՞ն տալով որոշ թեքութիւն, որպէս զի ցանկացած տեղում ջուրը բարձրանայ գետնի երեսը... քարհիլը շինում են այսպէս, փորում են 40-50, երբեմն մինչև 60 մետր խորութեամբ (Պարսկաստանում այդ խորութիւնը էրբե՞ք մինչև 150 մետր է հասնում. կի՞նա՞ծ է) հորեր մօտ 40 մետր հեռաւորութեամբ և գետնատակում միմեանց հետ միացնում են: Իսկ քարհիլի երկարութիւնը կարող է լինել

Քերկուս երեք, մինչև եօթ կիլոմետր . . .
 քարհիզի միջոցով ջրաստացումը անհամե-
 մատ աւելի աժան է . . . օրինակ 1931
 թուի գներով Գանձակում քանքանի մի-
 ջոցով որոշ քանակի ջուր ստանալու հա-
 մար պէտք կ'լինէր ծախսել 6—7 հազար
 ռուբլի, իսկ նոյն քանակ ջրի համար գետ-
 նաերեսի առուներով ջուր ստանալը կ'ար-
 ժենար 315 հազար ռուբլի» :

Գանձակի շրջանում, ինչպէս ասել է,
 Գանձակի գետի ուղղութեամբ գործում են
 մինչև 170 քանքաններ, գետնաերես են
 հանում մինչև 80,000,000 խորանարդ
 մետր ջուր և տարեկան ջրում են 500 հեկ-
 տար հող (տե՛ս յիշւած գրքի էջ 421—423) :

ԺԱ. Եզրակացութիւն եւ մեր առաջարկը .

Մեր երկրի կոնտինենտալ կլիման ու-
 ռոգումը անհրաժեշտ է դարձնում: Մեր
 երկիրը գտնւում է Եւրոպայի քաղաքա-
 կրթութեան էտապները նախապատրաստող
 Ասորա—Բաբելոնիայի, Եգիպտոսի, Փոքր-
 Ասիայի և Պարսկաստանի սահմաններին
 կից, որտեղ քաղաքակրթութեան նախա-
 դրեալ պայմանը ծառայել է հողի մշակումը
 ոռոգման միջոցով: Մեր երկրի հնագոյն
 պատմական բնակիչները, արեւմտաքում
 Հետիտները, արեւելքում Ուրարտացիք
 կամ Խալդիացիք, աղղուօրէն մասնակցել
 են հին քաղաքակրթութեան յառաջխա-

դացմանը . մասնաւորապէս խալդիացիք ջրաշինարարութեան մէջ խոշոր, ցայսօր գործող ձեռնարկներ են թողել իրենց ժամանակւայ ամենակատարեալ տեխնիկայով: Չափազանց սակաւաջուր Պարսկաստանն իր մշակելի հողերի համարեա երեք քառորդը օգտակար է դարձնում ստորերկրեայ ջրերի շահագործմամբ: Այս սխտեմի գործադրութիւնը Հայաստանում թէեւ չի ընդհանրացել, բայց Վանի, Թիմարի, Գանձակի, Նախիջևանի գաւառների և Էջմիածնի հին ու նոր փորձերը գործի կատարեալ յաջողութեան գրաւականներն են: Գիտական պատրաստութեամբ երկրաբանի ձեռք բերած տուեալները և մասնաւոր լարպետ Ղ. Ղարախանեանի մեծ արդիւնքի ի յայտ բերելը մեր երկրում քանքաններով առատ ոռոգման և այլ նպատակների համար, ջրեր ստանալուն, ոչ մի կասկած չեն թողնում գործի յաջողութեան համար:

Էջմիածինը չգործադրեց ինջ. Աղաբաբեանի չափազանց խոստումնալից առաջարկը, որովհետեւ 1912 թ., համարեա կէս դար անվերջ դիմումներից յետոյ կովկասեան ցարական իշխանութիւնից իրաւունք ստացաւ Չանգու գետից ինքնահոս առու հանելու և առանց ժամանակ կորսնցնելու անմիջապէս գործի ձեռնարկեց: Վրայ հասաւ աշխարհաւեր պատերազմը և մինչեւ այժմ տնուշադիր և անգործադրելի է մը-

նացել քանքանափորութեան խնդիրը, մեծ
ծրագրային չափերով:

Մեր գետերի մեծ մասը գոյանում են
արտասովոր մեծ աղբիւրներից. ամենա-
խոշորներն են՝ յաճախ յիշւած Սեջուրը,
Մենուասի առուի աղբիւրը, Շաքիի աղ-
բիւրը Սիսիանում, Քասախ գետի աղբիւր-
ները՝ Ալիքուչակ գիւղում, Երեւան մայ-
րաքաղաքին այնպիսի սքանչելի ջուր մա-
տակարարող Ղրխբուլաղը, Գառնի գետի
աղբիւրները և շատ շատերը: Այդքան մեծ
յորդութեամբ դուրս ժայթքող աղբիւրներն
ապացոյց են, որ հողի ծակոտկէն շերտե-
րով ներս թափանցւող ջրերի բաւական
խոշոր մասը, աւելի խորը թափանցելու
բնական արգելքի հանդիպելով, կուտակ-
ւում են մի ուղղութեամբ և մեծ աղբիւր-
ներին սնունդ տալիս. բայց չէ՞ որ որոշ
տեղերում արգելիչ շերտերը տարբեր թե-
քութիւններ ունին կամ տարբեր խորու-
թիւններ: Հմուտ քանքանափորների և ա-
ւելի շուտ երկրաբանների գործն է գտնել
այդ տարբեր շերտերի ուղղութիւնը, որոնց
ջրերն են զանազան ճահիճների անպէտք
և ֆնասակար գոյացումը առաջ բերում և
քանքանի միջոցով, ցանկացած վայրում
հանել երկրի երեսը և շինարարութեան
նպատակների համար օգտագործել:

Խորհրդային իշխանութիւնը տարե-
ցտարի մեծ ծախք ու ջանք է թափում,
դրենաժի միջոցով չորացնել Արաքսի հով-

տի ուղղութեամբ ընկած ճահիճները, մաշարիայի դէմ կուեղու և բամբակամշակութեան համար օգտակար հողեր աւելացընելու: Մասնապէս անձի վկայութեամբ կապտածով հնարաւոր է Վաղարշապատի դաշտում 4500 դեսետարին հող ջրել, եթէ այդ իրագործւէր. չէ՞ որ այդ տեղի էր ունենալու ի հաշիւ դորուղի, Վարմադիարի և այլն ճահիճների ջրերի, որով մեծածախք դրենաժի անպէտք կորչող ջրերը երկրի կուլտուրայի մշտական աղբիւր կը դառնային:

Ամբերդի ձորի յիշած բաղմաթիւ առուների ջրերը ամառւայ վերջերին բաւական պակասում են և ջրային վէճերն ու ընդհարումները սովորական են դառնում, մինչդեռ նոյն ձորի աջ կողմում գտնւող էրմանի գիւղի և նրանից աւելի բարձր ընկած տեղերում ընդարձակ ճահիճներ կան, որ քանքանների մէջ ի մի հաւաքւած ճահիճները կ'չորացնեն և ջրի սուր պակասութիւնը կ'թեթեայնեն: Նոյնպիսի ճահիճներ ծածկում են Ղարազեօլից հարաւ-արեւելք ընկած տարածութիւնները: Ճահիճներից ալատ չեն նաև Սևանի լճի մերձակայքի հողերը, Զաղալու գիւղի մօտ նշանաւոր Մազրայի և ուրիշ տեղերում:

Քանքանների օգտակարութեան մոմենտները կարելի է համարել հետեւեալները: Ունենք երկրամասեր, որտեղ ջուր

հասցնելը մեծամեծ ծախքերի հետ կապ-
ւած լինելով, օգտագործման հնարաւորու-
թիւնից դուրս են մնում: Քանքանների
փորելը, մանաւանդ ներկայ տեխնիկայի
օժանդակութեամբ, կիրարկելով հանքա-
փորութեան սխաւեմները, ինչպէս ինչ. Ա-
ղաբաբեանն է առաջարկում, աւելի աժան
կ'լինի, քան շատ տեղերում առւանների
անցկացնելը, որովհետեւ ճանապարհին չեն
ունենալ այն սոսկալի անհարթութիւնները,
որ սովորական են մեր լեռնոտ երկրում:
Քանքանները ազատ են հեղեղների և դար-
նանային յորդացած ջրերի մեռաներից.
Նրանց մաքրելը և կանոնաւոր պահպանելը
շատ աւելի դիւրին է և աժան առւաններից:
Քանքանները ազգաբնակչութեանը կ'մա-
տակարարեն միկրոբներէ և վարակումնե-
րից ազատ և ամառւայ շոգ եղանակներին
դովալցուցիչ սառը ջուր:

Քանքանները կ'ունենան և մի ուրիշ
խոշոր օգտակարութիւն: Հիգրոէլէկտրո-
կայանների ցանցը գնալով ծածկում է մեր
երկրի բոլոր անկիւնները, շնորհիւ մեր
երկրի արագավազ գետերի և մանաւանդ
Սեանի վիթխարի ջրամբարի: Տեխնիկայի
համար բաւական դժւար լուծելիք խնդիր-
ներից մէկն է, տուրբիններին ոյժ մատա-
կարարող ջրի քանակը ըստ կարելոյն հա-
ւասար չափերի մէջ պահպանել: Մեր եր-
կրի լեռնային մասերում հանած քանքան-
ները ոռոգման խիստ կարճ ուղղոն ունին.

տարւայ մեծագոյն ժամանակը կարելի է
 և պէտք է քանքանների ջրերը միացնել
 գետերի ջրերին և տուրբինների ջրապա-
 շարի պահանջը կայուն դարձնել :

Խորհրդային իրաւակարգում մճռա-
 կան կամքի արտայայտութեան օրինակ-
 ները շատ են շատ : Հաւատում եմ, որ
 նոյն կամքի մէջբերումով, մեր երկիրը
 կ'ծածկւի կենդանութիւն տւող ջրի երակ-
 ներով : Այդ կ'կատարւի արդէն աւարտած
 առուների և դռերի հսկայական ծրագրի
 ռուզման իրագործումով, որոնց լրացուցիչ
 կ'ցանկանայի որ միացւէր նաև քարհիւղ-
 ների սիստեմի գործադրութիւնը :



ՀԱՄԱՌՕՏ ԱԿՆԱՐԿ

ԽՈՐՀՐԴԱՅԻՆ ՋՐԱՇԻՆԱՐԱՐՈՒԹԵԱՆ ՎՐԱՅ

Մեր ի մի հաւաքած տեղեկութիւնները ջրաշինարարական գործերի մասին այժմ Հայաստան անունը կրող երկրամասի վերաբերեալ, որ այդ երկրում յատկապէս քաղաքակիրթ և բարեկիրթ կենցաղ ըստեղծելու ամենահիմնական խարխիսն է, կարող են ընթերցողին իրական պատկեր տալ, թէ հնագոյն քաղաքակիրթական կիզակէտում բնակութիւն հաստատած ժողովուրդները ո՛ր չափով են բարերարւել իրենց վրայ իշխող օտարազգի և բնիկ տէրերից։ Այդ տէրերի ստեղծած բարիքների կամ աւելի ուղիղ չարիքների պատկերն աւելի իրական է պատկերանում մեր աչքերին եթէ թւենք այն աշխատանքները որ կատարել է Հայաստանի ներկայ Խորհրդային Հանրապետութիւնը, ոչ թէ հաղարամեականերում, այլ իր գոյութեան ոչ երկու տասնամեակ ընդգրկող ակնթարթում։

Մեր երկրի խոշորագոյն ջրերի գործերի գլուխ կանգնած է ինջիներ Յովսէփ Տէր Աստուածատրեանը։ Մեր կառավարութիւնը նրան յանձնեց Շիրակի բարձրաւանդակ դաշտի ռոտգման գործը. նա

էր որ փայլուն կերպով, ամենակարճ ժամանակում գլուխ հանեց և աւարտեց «Շիրարխը», որ իբրև սկզբնական գործ հայ վարպետներ և գործաւորներ պատրաստեց հետևեալ աւելի մեծագոյն ձեռնարկներէ համար: Նոյն ինչիւները շղթայեց մեր մեծ քանաստեղծ Յովհաննէս Թումանեանի հայրենիքի և նրա երգած Դերեւ-Ջորագետը, ծառայացնելով 30,000 ուժանոց էլէքտրակայանին, որով լուսաւորւում է պատմական հնութիւններով այնքան հարուստ Լոռին, հալում է մեր երկրի հարստութիւն կազմող պղնձահանքը, էներգիա է մատակարարում կիրովականում — նախկին Ղաքաքիլիսա — քիմիական դանաղան արտադրանքների հսկայ գործարանին: Այժմ նոյն Տէր Աստուածատրեանը գլուխ է կանգնած առասպելական հսկայ մի գործի. «Աեւլան-Ջանգու կասկադին», այն է օգտագործել հայկական ամենաբարձր տեղում թառած վիթխարի ջրամբարը և տարէ ցտարի բաղթողնելով այդ ջրապաշարը, Ջանգու գետի ափերին կառուցանել յաջորդաբար տաս էլէքտրակայաններ, որ Հայաստանին պիտի տան կէս միլիոն ձիու ոյժ, բազմապիսի վիթխարի գործարաններին և ձեռնարկներին անընդհատ ոյժ մատակարարելով և մեր ժողովրդին յարատե բարեկեցութեան աղբիւր ծառայելով: Այդ գործարաններից երկու հսկայ արդէն պատրաստ են. Դավալուի ցեմենտինը և Երե-

ւանի կառուցիկինը, չյիշեմ մի քանի փոքրերը. պատրաստ է նաև կասկադի հըսկայ կայաններից մէկը, «Բանաքեռգեսը», 60,000 անոց էլէկտրոկայանը, որի բացման օրը որոշւած է սոյն թւի Յուլիսի 15ը:

Այդ վիթխարի ձեռնարկի մէջ կարեւորագոյն տեղ է գրաւելու նաև ոռոգման գործը. Սեանից հոսող ջուրը իր սկզբնական նպատակը լրացնելուց յետոյ կուտակւելու է ծրագրած մեծ ջրամբարներում և ոռոգելու է Հայաստանի անապատներից 20,000 հեկտար տարածութեամբ «Ղռեր»:

Ամեն մի նոր ձեռնարկի մասին մայրաքաղաքի եւ գաւառական բաղմաթիւ թերթեր, որ կարգացել և շատ բան մոռացել էի, ուստի դիմեցի Երևանում հէնց էն գլխից որ ժամանակին արել են նոյնպէս ջրաշինարարական գործով զբաղւող ինջիներ Գրիգոր Շերմաղանեանին և խնդրեցի լրիւ տեղեկութիւններ: Նա ինձ ցոյց տուեց մի գիրք, մեքենայով գրած, լրիւ տեղեկութիւններով, որ պատրաստւած է իբրև պաշտօնական զեկուցում և ներկայացրած է Հայաստանի և Մոսկովայի կենդրոնական իշխանութիւններին: Այդ պատկառանքալից գրաւոր փաստաթուղթը ցոյց է տալիս, թէ ի՞նչ խոշոր գումարներ են տարէ ցտարի ծախսւում երկրի բոլոր անկիւնների ոռոգման գործը առաջ տանելու համար. տրւած են մանրամասն հաշիւներ, յատակագծեր, կատարւած և ընթացքի մէջ ե-

դող աշխատանքներն իւրիւ տեղեկութիւններ, պարզաբանւած բաղմաթիւ լուսանկարչական պատկերներով: Այդ զեկոյցը կատարեալ պատկեր է տալիս, թէ գուցէ տաս տարի չանցած, Հայաստանում չեն մնալ այլևս ամայի և անջրդի վայրեր որ կարգաւորւած կը լինին մեր լեռնային գետերի ըմբոստ և գարնան հեղեղներով ահագին մշակած հողամասեր ոչնչացնող ընթացքը, որ վերականգնած կը լինին պատմական առուները նորագոյն տեխնիկայով և բոլոր գիւղերը, բացի ոռոգման նըպատակների, նաև մարդկանց ու կենդանիների համար խմելու առատ և առողջարար ջուր կ'ունենան:

Աշխատանքները կատարւում են ծրարադրւած եւ ուսումնասիրւած եղանակով ըստ այսմ.

Ա. — Անց են կացրել բոլորովին նոր առուներ մեծ և փոքր, ամայի և երբեք չջրւած հողամասեր մշակելու և լաւագոյն բերք ստանալու համար: Ես կը յիշատակեմ միայն գլխաւորները: Առաջի տեղը բռնում է Շիրառուն, 1500 մետր ծովի մակերևոյթից բարձաւանդակի վրայ, որ ոռոգելու է 11,750 հեկտար անջրդի տարածութիւն, իսկ մի մասը նորից թափուելով իր մայր գետի՝ Ախուրեանի ճիւղի մէջ, արդէն ծառայում է Լենինականի մեծ հիդրոէլեկտրակայանի համար, որի ոյժից օգտւում են քաղաքի լուսաւորութեան, Տեքստիլ

մեծ գործարանի և մսագործարանի մեր-
ձակայ գիւղերի և այլ կարիքների համար :

Երևան քաղաքում, առաջին ելեկտրա-
կայարանի ջուրը գետը թափւելու տեղից
սկսած նախանցեալ տարի, ընդամենը 8
ամսւայ կարճ ժամանակամիջոցում, մի մեծ
առու շինւեց, որ հասնում է Ղամարլուի
շրջանը տհազին տարածութեամբ բամբա-
կամշակման համար անապատ հողեր ոռո-
գելու, և քաղաքի մէջ կառուցած երկրորդ
հիդրոէլեկտրակայանին ոյժ տալու, որովհետեւ ա-
ռաջի կայարանը ամենեւին չէր բաւարա-
րում օրէցօր աճող, արդէն 150,000ը անց
ազգաբնակութեան առօրեայ կարիքներին
և մանաւանդ նոր կառուցւած գործարան-
ներին :

Աւարտել է Մեղրի շրջանում կարճե-
ւան գիւղի առուն, որ սկսւեց 1923ին և
վերջացաւ 1932, շնորհիւ այն բարդ պայ-
մաններին, որ կապւած էր այդ շինարա-
րութեան հետ : Սկսւած է Մեղրի գետի
վրայ մեծ ծաւալով աշխատանքներ՝ հիդ-
րոէլեկտրակայանի և ոռոգման համար, որ գլուխ
գալուց յետոյ պատմական Արեւիք գաւա-
ռը, պաշտօնութեան համար տմենաաչ-
քի ընկնող տեղը Հայաստանում, ընդար-
ձակելու է իր արտադրանքը մի քանի ան-
գամ :

Բ. — Կարգաւորում են գոյութիւն ու-
նեցող ջրամատակարարումը նոր պահանջ-
ներին յարմարեցնելով : Արաքս գետը իր

ասիերը եղերող բարձր ժառերից աղատուամ
 և Արարատեան դաշտ է դուրս գալիս իր
 աջ ասիին գտնուող Ղարաղալա-Երուանդա-
 կերտ քաղաքի աւերակներից մի փոքր ներ-
 քեւ, Արմաւիրի բլուրի մերձակայքում:
 Հէնց այդ տեղում հնագոյն ժամանակնե-
 րից, նրա ձախ ասիին, վերցրած են մի
 շարք առուներ զուգահեռ, մէկը միւսից
 ոչ շատ հեռու: Այդ առուներից հնագոյնն
 է Ուրարտեան Արգիշտիս թագաւորի շի-
 նածը, որ իր ձեռնարկը յաւերժացրել է
 առուի վրայ մեծ ժայռի երեսին փորած
 սեպածեւ արձանագրութեամբ: Այդ փոքր
 առուները, մի կամ մի քանի գիւղերի յա-
 տուկ, թէ Նորոգման համար տարէցաւ իր
 մեծ ծախքերն պահանջում և թէ թանգ-
 արժէք ջրի ահագին անօգուտ վատնում
 է տեղի ունենում: Կառավարութեան կար-
 գադրութեամբ նորագոյն տեքնիկայով կա-
 ուեցւեց «Սարգարապատի առու», որ մին-
 չեւ այժմ ջրած հողերի կրկնակի տարածու-
 թեանն է բաւարարելու, և մեծաքանակ
 անապատ՝ բամբակի, խաղողի, արժէքա-
 ւոր պտուղների դաշտեր են դառնալու:
 Դրանից աւելի կանուխ հիմնովին աւարտ
 հանւեց Էջմիածնի վանքի պատրաստած և
 ոչ աւարտած, «Լենինեան» անունով վե-
 րակոչւած առու և այն անապատ տարա-
 ծութիւնները որ կային Էջմիածնից Երևան
 տանող ճանապարհի վրայ, արդէն պա-
 տրաստւած այգիներ են լաւագոյն խաղո-

դի, գեղձի և այլ պտուղների, բոլորը «Պե-
տական Սովխոզներ—սովետական տնտեսու-
թիւններ», օրինակելի մշակմամբ, համե-
մատ գիւղատնտեսական լաւագոյն պա-
հանջներին:

Գ. — Կան այնպիսի ջրեր, որ իրենց
շրջապատի բերրի հողամասերից շատ խոր-
են ընկած և ինքնահոս եղանակով անկա-
րելի է օգտագործել: Այդ ջրերը դարերով
անօգուտ հոսել են, շատ անգամ, իրենց
կազմած ճահիճներով, իբրեւ մալարիայի
բուծարաններ, շրջապատի բնակիչներին
չարիք պատճառելով: Ամենայայտնին է-
կջմիածնից եօթ վերստ արեւմուտք ընկած
Սե ջուր գետը, պատմական Մեծամորը:
Այդ գետը իսկապէս հսկայ մի աղբիւր է,
որ մի քանի տեղերից դուրս ժայթքելով
ակներկ երկու վերստաչափ հեռաւորու-
թեան վրայ ոտով անանցանելի մի մեծ գետ-
է կազմում և շուրջ բոլոր մեծամեծ ճա-
հիճներ կազմելով միանում է Քասախ գե-
տի հետ և թափւում է Արաքս գետը, շատ
չնչին տարածութիւններ ուղղելով: Ճարի-
ժամանակ էջմիածնի վանքն իրաւունք էր
ստացել իր ցանկացած քանակով այդ ջրից
օգտւելու իր սեպհականութիւն կազմող
Վաղարշապատի դաշտի ռոտգման համար:
Ժամանակին գործը յանձնւեց ինձիւներնե-
րի, որ ծրագրեցին ջրաբերանի առաջ ամ-
րակուռ պատնէշ կառուցանել, հնարաւոր
չափով բարձրացնել ջուրը եւ ինքնահոս

ընթացքով բերել հասցնել վանքապատկան հողերը: Ծախսւեց պատկառելի գումար, 12 թէ 15,000 ռուբլի, կառուցւեց պատնէշը, բայց երևաց որ ինջիններները հաշիւների մէջ սխալւել էին, կառուցւածքները չգլխացան ջրի մեծ ոյժին, քանդեցին պատնէշը և ժողովրդական ասացուածքով՝ վանքի ծախքը «ջուրը տարաւ»:

Սեջրի աղբիւրների ամենամեծը բըղխում է Այդր լճից, մի փոքր լճակ բաղալտ քարերի ափերով ելերւած: Կառավարութիւնը գործի գլխին կարգեց ինջիներ Շերմազեանին, որը ծրագրեց երևանից, կառավարութեան նոր պատրաստած էլէքտրակայարանից, 1400 ձիու ոյժ փոխադրել մինչև այդ լճակը, այնտեղ շինել մեծ ջրամբար ջրի մակերևոյթից 10 մետր բարձր, մեծ ջրհան մեքենաներով ջուրը բարձրացնել ջրամբարը և ինքնահոս առւով բերել մինչև մշակւելիք հողերը: Ծրագրւած 6000 հեկտարից 2475 հեկտարը ներկայումս կենդանացել է այդ ջրով: Նման ջրհաններ գործում են նաև Ղամարլուի շրջանում և ջրհաններով արդէն մշակւում են 4905 հեկտար հողեր:

Դ. — Հայաստանի գետերի մեծ մասի ստորին վայրերում, նախ քան Արաքս թափւելը՝ կաղմւում են մեծամեծ ճահիճներ: Այդպէս են Սեջրի, Զանգուի, Վեդիի գետերը: Այդ ճահիճները մեծ չարիք են, ինչպէս յիշւեց, իբրև մոծակաբուծ վայ-

քեր և իբրև լաւագոյն հողերի անպետքա-
ցընողներ: Մալարիան հայ դաշտաբնակ
բնակիչների աղէտն է և դարերի ընթաց-
քում չգիտենք որ և է իշխող, որ այդ մեծ
աղէտի դէմ միջոցներ ձեռնարկած լինի:
Խորհրդային կառավարութիւնն է, որ հէնց
էն գլխից ուժեղ կոխ է յայտարարել այդ
աղէտի դէմ բժշկական պրոֆիլակտիկ մի-
ջոցառումներով, տրոպիկայանների հիմ-
նարկներով, ճահիճները նաւթով օրսկե-
լով և որ ամենից գլխաւորն է, ճահիճնե-
րի աստիճանական չորացումներով, որով
ատացւում են նորանոր պարարտ հողամա-
սեր բամբակամշակման բարձր կուլտու-
րայի համար:

Ե. — Պատմութեան մէջ ինձ յայտնի
չեն դէպքեր թէ երբ և է աշխատանք կա-
տարւած լինի մեր երկրի լեռնային գետե-
րի կարգաւորման մասին: Խորհրդային իշ-
խանութեան երկրորդ տարին էր, որ Ե-
րևանի միջով հոսող, գլխաւորապէս Ղըրխ-
բուլաղի աղբիւրներից դոյացած Գետառ
գետակը, դարնան ձիւնահալքի ժամանակ
չափազանց մեծանալով, դուրս եկաւ ա-
փերից և հեղեղեց քաղաքի մեծ մասը,
տների ներքնայարկերը լցնելով քար ու
աւաղով և մեծ աւեր պատճառելով ող-
գաբնակութեանը, երբ խորհրդային բոլոր
հանրապետութիւններից օգնութեան եկան
աղէտեալ բնակչութեանը: Համարեա ամեն
տարի այս կամ այն գետակը ուռճանալով

մեծ անձրևներն էլ և կամ առատ ձիւնահա-
լոցն էլ աւերում է տներ, այգիներ ու մշակ-
ւած դաշտեր հեղեղատի յատակ դարձնում,
անասունների և մարդկանց մեծամեծ զոհե-
րով: Երբ 1895ին ոտով ճանապարհորդում
էի Աւստրիական Տիրուում, զարմացմամբ
և նախանձով տեսնում էի, որ քաղաքա-
կիրթ այդ երկրում լեռնային գետակների
յատակները սալայատակած են, ավերը
պատերով ամրացրած: Այժմ մեր երկրում
ևս հաստատուել է մի հարազատ կառավա-
րութիւն, որ ծրագրային ընթացքով մեր
գլխի ու ըմբոստ գետերին կարգ է սովոր-
ցընում, նրանց ճանապարհները շտկում,
որ այլ ևս մոռանան իրենց դարերի տա-
րէցտարի կրկնւող աւերն ու մեծամեծ վը-
նասները:

Ձ. — Մեր լեռների փեշերն էլ բոլորում
են բազմաթիւ սառնորակ և անուշահամ
մեծամեծ աղբիւրներ. բազմաթիւ հեքիաթ-
ներում գովարտնւած են այդ անմահական
ջրերը, սակայն աղգաբնակութեան ո՞ր
մասն էր օգտւում այդ ջրերից: Ակունք-
ներից շատ չհեռացած, ամեն տեսակ ան-
մաքրութիւններ և հանքային բաղադրու-
թիւններ ոչնչացնում են այդ ակնաղբիւր-
ների անմահական յատկութիւնները եւ
դաշտերում ապրող ժողովուրդն ու կեն-
դանիները խմում են ինչ որ գտնում են,
որովհետեւ շատ տեղերում քանակն էլ է
պակասում: Հին դարերում աղբիւր շի-

Նելլը բարիք և Աստուծոյ գործ էր համար-
ւում: Իսկ ա՞յժմ, դաշտային շատ գիւղե-
քում արդէն գործում են արտեղեան ջրը-
հորներ և կամ լեռներից բղխող սառնո-
րակ աղբիւրներ խողովակներով բերած
հասցրած օգտագործման վայրը:


Նախապատերազմեան վերջի տարիներ-
քում Երևանի մի քանի հայ վաճառական-
ներ, շահագիտական նպատակներով, Ղըրխ-
բուլաղի աննման աղբիւրից ջուր էին բե-
քել քաղաքը և վաճառելով ազգաբնակու-
թեան, միայն գնելու ընդունականերին, մե-
ծամեծ օգուտներ էին ստանում: Այդ ձեռ-
նարկը հաշւած էր 30ից 40,000 ազգաբնա-
կութեան համար: Երևանի արագ աճող
ազգաբնակութիւնն արդէն ջրի նեղութիւն-
ներ էր քաշում. ստիպւած առուի վատ-
առողջ և անմաքուր ջուր էր գործ ածում:
Արագ կերպով դրա առաջն առնւեց. այժմ
քաղաքի բոլոր թաղամասերում, փողոց-
ների ոչ հեռաւոր մասերում առատու-
թեամբ հոսում է անուշ և սառնորակ ջու-
րը և ջրի պակասութեան մասին այլևս ոչ
ոք չի մտածում: Անցեալ տարի Արագածի
աղբիւրներից ջուր բերին հասցրին Կարբի
և Աշտարակ գիւղերը, այս տարի աղբիւրը
հասաւ Օշական, իսկ վաղարշապատը:
Այս տողերը գրում եմ Մայիսի նախօրեա-
կին: Մայիս 1ին Վանքի հանդէպ Շահում-
եանի հրապարակում բացւելու է խորհրդ-
դային այդ մեծ քաղաքացու արձանը, ար-

ձանի առաջում մեծ աւազան է պատրաստւած, որի բացման հանդէսը յաւերժանալու է այդ շատրւանի բարձր ցնցուղներով դուրս ժայթքով Արագածի փեշերից բերած հասցրած սառնորակ զուլալ աղբրաջուրը, ժողովրդի ցնծութիւնն, ուրախութիւնը կատարեալ դարձնելով:

Քանիցս յիշատակած զեկուցումը պարունակում է 28 անուաններ ջրաշինարարական արդէն աւարտած ձեռնարկների, յիշատակում է մի շարք ծրագրած և մօտիկ ապագայում գլուխ բերելիք մեծամեծ և փոքր աշխատանքներ նոյն ուղղութեամբ և նպատակով:

Այս համառօտ ակնարկը և հնարաւոր չափով ի մի հաւաքած պատմական տեղեկութիւններ տալով՝ ընթերցողին ենք թողնում միմեանց հետ համեմատելու հինն ու նորը և եզրակացութիւններ հանելու:

Զգալի կերպով փոխւում է երկրի կլիման, անապատների եւ անջրդի տեղերի մշակումով և մեծ չափերի պտղատու ծառերի, խաղողի այգիների և այլ ծառերի տարէցտարի աճող քանակով:



[704]

A. II
7540



ԳԻՆ՝ ՄԷԿ ՇԻԼԻՆ